

UTL AT DOWNSVIEW



D RANGE BAY SHLF POS ITEM C
39 16 01 05 04 003 1

HN
613
I44


Ileri, Celâl Nuri
Harbden sonra

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

2959

10/115



افکار جدیدہ کتب خانہ سی

Ileri, Celâl Nuri

حربدن طکرہ

Harbden şairi

ترک لری یو کسلتم

اثر

جلال نوری

قسطنطینہ

« جمعیت » کتب خانہ سی

۱۹۱۷

... نہجی بیک

۵ غروش

HN

613

I44



VIP

يکي راس تاريخ - يکي حيات

يکي علوم اجتماعيه - يکي علوم اقتصاديه

۱۹۱۴ سنه سنك آغستوسنده محاربه عموميه ، اولانجه شدتيله ، باشلادی . بوکا بتون اوروپا دول معظمه سی ، دها بر جوق دول وملل اشتراك ايتدکلى کي ، بيطرفلردن برقاچى ده ، يونانستان کي ، بوندن طوغريدن طوغرى يه متأثر اولدیلر . طولاييسيله متأثراولميان دولت ايسه يوق ويا يوق کيدر .

تاريخ بشریت بو قدر مهم بر وقعه و مصیبتی شمدی يه قدر قيد ایتمه مشدی .

محاربه عموميه وقایع سالفه نك هيچ برينه بکزه من . یدی سنه ، اوتوزسنه ، يوزسنه محاربه لری غوائل حاضره يه نسبتله پک اهميتسز قالیر . محاربه نك ختامندن صکره ، علما ومتبعين ، عصر لرجه ، آنک تاريخی تدقيق ایتمکله ويازمقله اوغراشه جقلر . وقوعات وحادثات هنوز قطعیت کسب ایتدیکندن بزدها آنلرک اهميتی ، درجه شمولی ، نتایجی ، تولید ایده جکلری انقلاباتی درک ایده مه یز .

حادثات هنوز تبلر ایتدی . وقوعات - تعیرمی عفو ایدیکز - مایع حالنده در . استقبالدہ کوریلہ جکدرکہ بو محاربہ کونیه ایلہ تاریخده بردور قاپانیور ، دیکری آچیلیور . شایع اولان تصنیفہ کورہ غربی رومانک انقراضیلہ قرون مقدمہ ، شرقی رومانک انقراضیلہ قرون متوسطہ ، ناپولہئون سلطنتک انقراضیلہ قرون متأخرہ قاپانیور و قرون عصریہ Temps Contemporains باشلیور . هر اوج دور بر استبدادک ییقلمسی ایلہ نہایت بولیور :

قرون مقدمہ ، رومانک جهانشمول استبداد و مطلقیتی ایلہ ؛
قرون متوسطہ ، شرقی رومانک بوحوالی یہ عائد اعتسافاتی ایلہ ؛
قرون متأخرہ ، اوروپایی ہرج مرج ایدن ناپولہئون - بوناپارٹک مظالمی ایلہ .

بو عصرده انکلیز - روس - فرانسز مظالمی ، قولونیالیزم ، عالمی قاصوب قاووریوردی . تمنی ایدہلم کہ یکی رأس تاریخ ایلہ بو دورہ اعتسافاتده قاپانسون !

قرون مقدمہ یی ، رومایی نو طالع اولان دیانت نصرانیہ ؛
قرون متوسطہ یی ، شرقی ایمپراطورلغی نو طالع اولان دیانت جلیلہ محمدیہ ؛

قرون متأخرہ یی ، ۱۷۸۹ فرانسز انقلاب عظیمک نشرایتدیکی یکی فکرلر ہدم ایتشدرد . محاربہ عمومیہده ، وقوعات کونیه ایچندہ اساسلی بر دور تشکیل ایدہجک ؛ آندن صکرہ یکی بر باب تاریخ ، یکی بر حیات باشلاہ جقدرد .

شوجہتی قطعیتلہ ، اعتمادلہ ایلری یہ سورہ بیلیرزکہ دہا شمیدین،

محاربه هنوز بيتمه دن قواعد و دساتير اجتماعيه و اقتصاديه دكيشيور .
 علوم اقتصاديه و اجتماعيه عائد كتابلر، اسكي اطلاسرو خريطه لر
 كي استعماله غير صالح بر حاله كله جكدرد - يا خود كلدی .
 محاربه بر چوق يكي مسائل توليد ايتدی . هيچ بر مسئله
 اجتماعيه و اقتصاديه يي حل ايتدی . ذاتاً اسكي مسئله لری حل ايدمه يه
 علما ، شمدی ، برده بريغين يكي مسائل قارشيسنده بولونه جقلدرد .
 محاربه ، سياسي ، علمی بر چوق ذهابلری آلت اوست ايتدی .
 تخميناتی ياكلش چيقاردی .

*
* *

محاربه دن صكره ، آكا اشتراك ايدن بتون ملتير و دولتير غائب
 ايتدكلريني يكدن يامغه چاليشه جقلدرد ، يا خود آنلری تعمير ايله
 اوغراشه جقلدرد ؛ سياستلريني ، مؤسسهلريني ، ذهابلريني تصحيح ايتك
 مجبور يتده بولنه جقلدرد .

محاربه نك احداث ايتديكي يكي مسائلدن اوچی درجه نهائيده
 مهمدر : قادين ، چوجق ، ياره . بو مسائلك اوچی ده ، طوغريدن
 طوغري يه ، بتون نوع بشره تعلق ايديور .

[زنه سانس] زماندن بری مدنيت مشتركه ، عالمك حصوله
 كتيرديكي ثروتك بر قسم مهمی هدر اولمش ؛ بطون و انسال مستقبه
 تدین ايتمشدر .

بزرگلكده ، دوره فعاليتك كشادنده ، درجه نهائيده چاليشمق
 مجبور يتمز تحقق ايدمه جكدرد . اكر بزه خاص اولان اسكي عطالت دوام
 ايدمه جك اولورسه ، وای باشمزه كله جك اولانلره ! دور آتیده ترك

دهاچالیشقان، دهاچالاک، دها متفکر اولق اضطرارنده بولنه جقدر.
بونک ایچون قابلیت فردیه مزک آرتسی کر کدر .

محاربه دن اول بر فردک اجتماعی، اقتصادی دگری (۱) ایسه،
صلحدن صکره (۱۰) اولق لازمدرکه ابتدا: یکی ضایعاتمز تلافی
ایدلسون؛ ثانیاً: ذاتاً اوروپا ایله حربدن مقدمکی فرقرز مهما ممکن
آزالسون .

بواعبار ایله بز ترکر ملل سائرمدن فضله چالیشمغه عادتاً محکومز.
اگر بو درجه چالیشماز ایسه ک حق بقا و حیاطمز استعمال ایدمه یز.
استقبالده کی مبارزه حیات، حال حاضرده کی محاربه عمومی دن
اهون اولیه جقدر. بو حقیقی ایجه بیلملی، آکلاملی، اوکرتملی
واوکرتملی یز.

۱۹۱۴ سنه قدر برنوع موازنه سیاسی عالمک انتظامی محافظه
ایدیوردی. بو موازنه نك بوزولسی محاربه عمومی دن انتاج ایتدی.
[الجزیره] معاهده سنک نسخی ایله بو موازنت عمومی مختل اوله رق
حادثات جدید بربرینی ولی ایدیور: فاسک تقسیمی، بونک اوزرینه
آق دکزک انسلاب موازنتی و طرابلس غرب محاربه سی؛ آنک تولید
ایتدیکی مسائل اوزرینه بالقان محاربه سی؛ بو محاربه نك طوغوردینی
احتراسات نتیجه سی اوله رق صربلرک شمارمه لری و بو کیفیتک ایچنده
بولوندیغمز حرب ولهزای عمومی و کونی یی انتاج ایتسی. بو وقایع
متسلسل در. کرفتدر. بناء علیه استقبالده مؤرخلر محاربات عمومی نك
بدایتی اولق اوزره صربستانه اوستریا - مجارستانک اعلان حربی دکل،
[الجزیره] معاهده سنک مهمل طبعه توله سی. وقعه سنه اتخاذا ایدم حکم در.

بو صارصنديلردن صكره بزم ، يكي بر موازنك تقررینه قدر
محافظه موجودیت ایدم بیلیمکلمز ایکی شیئه متوققدر : عسکرلکک ،
آلمانواری برقطعیئت ایله ، برمؤسسۀ دائمه شکلنده رواجیاب تکامل
اولسی ؛ حق او یقو زماندن تصرفله ، ینه آلمانواری بر انتظام ایله
چالشمه مز .

بو گونه قدر عاطل طوران قوای عامه دن استفاده ایتمهك وقتی
كلشدر . بوندن صكره كچهك اولان هر دقیقهك بر ساعت قدر
اهمیتی واردر .

ثروت عمومیه مز آذرر . آنك لایق اولدینی حده چیقارلسی
ایچون زمانی حسن استخدام ایتك واجدز واستخلاصمز ایچون بوندن
بشقهده چاره یوقدر .

مساعی مستقبله مزك مشمر اوله بیلیمسی ایچون ، هر حائده ، آنك
اصول وانتظام ، اطراد وانسجام دائره سنده جریان ایتسی لازمدر .
اصولنه غیر موافق بر سعیدن نتیجه دكل ، مضرت چیقار .

عضویت ملیه ، هیچ بر شیئی اوکوتیمیان بر دکرمن کی
چالشماملیدر .

چینی ده چالشیور ، اوروبالی ده . چیندن [جنوبی آفریقا] ،
یاخود [قالیفورنیا] معدنلرینه کیدوب چالیشان - قوی - لرك سعی ،
اوروبالی سعیدن دوت ، بش قات آشاغی ایمش .

بزدهده شمدوفر اعمالات و انشا آتنده استخدام ایدیان ایتالیان
عمله سنك سعی بزم او طبقه ده کی یرلی ارباب مساعمزك عملندن ده

دها چالیشان، دها چالاک، دها متفکر اولق اضطرارنده بولنه جقدر.
بونک ایچون قابلیت فردیه منک آرتمی کر کدر.

محاربه دن اول بر فردک اجتماعی، اقتصادی دگری (۱) ایسه،
صلحدن صکره (۱۰) اولق لازمدرکه ابتدا: یکی ضایعاتی تلافی
ایدلسون؛ ثانیاً: ذاتاً اروپا ایله حربدن مقدمکی فرقتز مهسا ممکن
آزالسون.

بو اعتبار ایله بز تر کلامل سائرعدن فضلہ چالیشمه عادتاً محکومز.
اگر بو درجه چالیشماز ایسه ک حق بقا و حیاتمزی استعمال ایدمه یز.
استقبالده کی مبارزه حیات، حال حاضرده کی محاربه عمومی دن
اهون اولیه جقدر. بو حقیقی ایجه بیلیمی، آکلامی، اوکرتملی
واوکرتملی یز.

۱۹۱۴ سنه سنه قدر برنوع موازنه سیاسی عالمک انتظامی محافظه
ایدیوردی. بو موازنه نیک بوزولسی محاربه عمومی دن انتاج ایتدی.
[الجزیره] معاهده سنک نسخی ایله بو موازنه عمومی مختل اوله رق
حادثات جدیدہ بربرینی ولی ایدیور: فاسک تقسیم، بونک اوزرینه
آق دکنک انساب موازتی و طرابلس غرب محاربه سی؛ آنک تولید
ایتدیکی مسائل اوزرینه بالقان محاربه سی؛ بو محاربه نیک طوغوردینی
احتراسات نتیجه سی اوله رق صربلرک شمارمه لری و بو کیفیتک ایچنده
بولوندیغمز حرب ولہزای عمومی و کونی بی انتاج ایتمی. بو وقایع
متسلسل در. کرفندر. بناء علیه استقبالده مؤرخلر محاربات عمومی نیک
بدایتی اولق اوزره صربستانه آوستریا - مجارستانک اعلان حربی دکل،
[الجزیره] معاهده سنک مهسا، طبعه لمسه، و قعه سنه اتخاذا ایدمه حکم در.

بو صارصندیلردن صکره بزم ، یکی بر موازنتک تقرینه قدر
محافظه موجودیت ایده بیامککلمز ایکی شیئه متوققدر : عسکرلکک ،
آلمانواری برقطعت ایله ، برمؤسسۀ دائمه شکنده رواجیاب تکامل
اولسی ؛ حق او یقو زمانندن تصرفله ، ینه آلمانواری بر انتظام ایله
چالشه من .

بو کونه قدر عاقل طوران قوای عامه دن استفاده ایتنهک وقتی
کلشدر . بوندن صکره کچهجک اولان هر دقیقهک بر ساعت قدر
اهمیتی واردر .

ثروت عمومیه من آزدر . آنک لایق اولدینی حده چیقاراسی
ایچون زمانی حسن استخدام ایتک واجدیز واستخلاصمز ایچون بوندن
بشقهده چاره یوقدر .

مساعی مستقبله منک مشر اوله بیلمسی ایچون ، هر حالده ، آنک
اصول وانتظام ، اطراد وانسجام دائره سنده جریان ایتسی لازمدر .
اصولنه غیر موافق بر سعیدن نتیجه دکل ، مضرت چیقار .

عضویت ملیه ، هیچ بر شیئی اوکوتیمیان بر دکرمن کی
چالشاملیدر .

چینلی ده چالیشیور ، اوروپالی ده . چیندن [جنوبی آفریقا] ،
یاخود [قالیفورنیا] معدنلرینه کیدوب چالیشان - قوی - لکسعی ،
اوروپالی سعیندن درت ، بش قات آشاغی ایمش .

بزدهده شمعدوفر اعمالات و انشاآتنده استخدام ایدیان ایتالیان
عمله سنک سعیی بزم او طبقهده کی یرلی ارباب مساعمنک عملندن ده

قیمتلیدر . دوشونمه و چالشمه مزك نوعیت و کیفیت ، حق مقدار و کمیکی اسکینندن دها ای و زیاده اولمیلیدر .

اسکیدن دوشونمه مزده ، چالشمه مزده آ ز و فنا اولیوردی . اصوللرمنز یالکیز مناسبتسز دکل ، حق مفقود ایدی .

قوای عامه دن ، منابع مختلفه دن پك آ ز استفاده اولونیوردی . بوندن بشقه عموم ملته بر ییغلق ، بر یأس ، آتیدن امیدوار اولماق حالی ساری اولمشدی . توکل اورته دن قالقمش ، ذمیت درجه سنه وارن بر قناعت وجود بولمشدی .

مطالقیك دوام ایتدیکی سنه لرده پك اولكون ایدك . ائزی قالدیرمغه توان و محالمرز یوقدی . بتون ملتجه عادتا بهمه حال كله جاك بر فلاكتك ساعتلی صاییلیردی . شریعت اسلامیه جه کفر عد ایدیلن - یأس - حالی ، ایشته بویله جه ، بر علت مسئولیه کبی هر فرد مزده سرایت ایتمشدی . هر کیم بر ایشدن ، بر تشبیدن بحث ایتسه ، زمانشناس اولانلر آنی ساده دللك ایله ، صاف درونلق ایله اتهام ایتمکده تردد ایتمز لردی .

اجانبك وطن و ملتمنز اوزرینه قویدقاری حجزلر بزى مؤبدآ محکوملرك حالت روحیه سنه القا ایتمشدی . بوشرائط آلتنده ، حقیقه ، چالشمق دکل ، یاشامق بیله ممکن اوله میوردی . قایتولاسیونلر ، یبانجیلرك ویرکوجه مکلفیتلری اولماسی ، آنلرك حایه رسمیه نائل بولونملری ، کمرک تعرفه سی تنظیم ایتمکده دولتمزك سربست بولونماسی ، وطن عثمانیده ، برایای [بریه ، جمعی برایا = Citoyen] اجانبدن آشانی بر موقعده بولوندر مقده ایدی . بو حالده دها یکر می ، یکر می

بش سښه دوام ایتسه ایدک ترکیه نك وضعیتي عینیه جنوبی آفریقاده
 کان [ترانسوآل] و [اورانژ] جمهوریتلرینککنه دونه جگدی. معلوم
 اولدینی اوزره انکلتزده نك [امیدرونی] مستعمره سښه استیلاسیله سابق
 مستملکری اولان فلننک کویلیلرینی [بور Boer] ایچریلره
 سورمشلردی. داخلده، بونلر، ایکی جمهوریت تأسیس ایتشبار
 و جفتجیلک، چوانقله یاشامغه باشلامشلردی. لکن، مع التأسف
 [وآل] و [اورانژ] نهرلرینک اروا ایتدیکی مناطق پک زسکین آلتون
 منابغی احتوا ایدیوردی. Uitlanders [توئیلانده رس] دنیلن
 اجنبیلر ایش کورمک ایچون مملکته کلدیله. بونلرک اکثریتی انکلیز
 ایدی.

صلح و مسالمت دائرمنده وقوعبولان بو آقین غریب بروضیت
 اقتصادی تولید ایتدی: مملکتده دورایدن سرمایه نك چوغی یبانهیلرک،
 آزی یرلیرک ایدی.

اجنبیلر امور حکومت قارشمق ایسته دیله. یرلیر بونلره :
 — خایر! سزک مصالح مملکته مداخله صلاحیتکیز یوقدر. چونکه
 سز یبانهی سکز. بزه، بورانک صاحبی یز. دیدیلر. غلیانه کلن اورویا
 و بالخاصه انکلیز سرمایه و سرمایه دارلری جواباً : — سز، بو
 مملکتده عادتاً بکچی و محافظ وضعیتده سکز. اکر بزه تقدیمزی،
 سعیمزی، ذکامیزی بو وطنک استثماری ایچون کتیرمه سه ایدک،
 بو کون، بورالری، ناحیه ارضک اهمیتسز مرعالرندن بشقه برشی
 اولمازدی! دیدیلر.

یاقینده [قاب] و [ناآل] کبی مستملکه لره و دکنزه حاکم بولونان

انکلیزر فائزہ حربی اشغال ایتدیلر. اوزون وشانی برمدافعه دن صکره
 [بور] لر مغلوب ، مملکتلری مسحور اولدی . مصرده بوکا یاقین
 بر مثال اراؤه ایدر : وقوعبولان اسرافات او قدر چوق ایدی که
 ایدیلن استقراضات نتیجه سنده مصرده اجنبیلرک علاقہ سی اهل وطنک
 علاقہ سندن زیاده اولدی . بو حال ، فرانسر - انکلیز [حکم
 مشترك = Condominium] نی ، بو حکم مشترکده ، عاقبت ،
 انکلیز اشغالی انتاج ایتدی .

دها بشقه مثالر آرایه لم : آمریقایی تشکیل ایدن اراضی واسعه نك
 صاحب لری ، کشف ائساننده ، قرمری رنگلی السانلردی . بونلر ،
 اکثریتله ، اوکنیش قطعائی آو محلی اولق اوزره استعمال ایدیورلردی .
 اوروپا لیلر ، اولاً ، قرمری آدم لرک حقوق تصرفیه لرینی تصدیق
 ایتدیلر . نقد مقابلنده بونلردن اراضی آلدی . حق نیورقک مبنی
 بولوندی [مانهاتن = Manhattan] آطه سی برقاچ یوز لیرا بدلایله
 بورنگلی ذواتن صاتون آلمشدی . لکن کیت کیده اوروپایی منافی
 او قدر آرتدی که ، بالا آخره ، قرمریلرک نه حقوق تصرفیه لری
 دیکلندی ، نه ده حقوق حیاتیه لری .

صدد اصلیمزه دونه لم : بزم اهلیمز نبل ، اصوللرمن کهنه ،
 حکومتن برباد ایدی . اجانبده ملکمن داخلنده هر نوع حقوقه ،
 سهولتله مالکدیلر . اکر بو حلول و نفوذ مصاحبه ده بر قرن
 دوام ایتسه ایدی ترک لرک وطنلرنده علاقہ لری یالکز بیوک بریکون
 دیوندن عبارت اوله جقدی !

شکر ایدم که وضعیت دکشیدی و قلنجمز المزده اولدینی حالد
حریت دولیه منری استرداد ایتدک .

بوندن صکره مصالح ملیه ده ، امور حکومتده ، خصوصیه
مناسبات اقتصادیه ده صوک درجه ده متعصب ملیت پرور اولقلنجمز
لازمدر . بو خصوصاته قیصقانجلق هر حالده بر فضیلتدر .

یکی حیات، ملیت اسنک تقویه و تنمیه سنی مستلزمدر .

لکن ملیت بر طرز غریبه ده، غیر مأنوس بر شکلده، افراطکار لقلر
ایچنده تالق ایدلمه ملیدر . ملیت پروغرامی طار طوتولمغه کیز . ملیت
نه قدر کنیش طوتولورسه او قدر اییدر .

اجداد عثمانیه ، ابواب ملیتی آچیق طوتومشلردی . هر ایسته یین ،
منفعتی بزم ملیته کیرمکده کورن هر فرد ، ترک ، عثمانلی ، مسلمان
اولیوردی . ایسته بوسایه ده و تصالبات اساسیه عرقیه نتیجه سی اوله رق
ملیت حاضره منر طوغندی .

آمریکا واسکی انکلترده بویله برر عملیه عرقیه نتیجه سنده مشیمه
تاریخدن طوغمشلردر . ملیتی اک زیاده تقویه ایده جک منافع ماده نك،
یعنی اقتصادیاتك ، اشتراکیدر . بو حقائقك عموم ملتجه آکلاشلمسی،
فوز و رهانك اقتصادیاتده بولوندیغك ذهنلرده یر ایتسی لازمدر .

ترک زنکین اولمغه غیرت ایتلیدر . ترکه ویریه جک اک دکرلی
نصیحت ، [گیزو] نك فرانسلرله اعطا ایتسیدی بند کی : زنکین
اول ! دیمکدر .

ثروت سدا اتمز سهك سهون تشنات ملیه مندر . سدا سدا سدا سدا سدا سدا

کرفتار اولورز . ثروتمز اولمازسه مکتبمزدده اولماز . مکتبمزد اولمه نجه
سویه مله مزدده یوکسلمز .

ملتیمزی محافظه ایدم بیلیمک ایچون قوتلی بر دولته ، شوکتلی
بر حکومته صاحب اولملی یز . دولتملرک ، حکومتلرک مکنت وعظمتی
عسکره ودونمايه ، بونلر ایسه پارهیه متوققدر .

*
**

انظار محاکمهیه عرض ایتدی کمز بو اوفق رساله ده ، اوزون
ویوریجی نظریاته کیرشمه یه رک بعض بسیط حقائق اورتیه قویه جغز .
امین اولیکز که بیوک حقیقتلر آ کلاشلماز مدونات علمیه ده ،
طویولامش دساتیر اجتماعیه ده ، مجهول معادلات و فرضیاتده دکل ،
بیلین و تجربه لری چوقدن بری و دفعا تله اجرا ایدیلن فکرلرده در .
قاعات عمومیه یه ضد ، غیر مجرب نظریاته تبعیت ایتک ایستیلان نتیجه نک
عکسنی ویرر . اوچ محاربه کچیرن ، تاریخنک الک مهم دوره سنده بولنان
ترکلرک ایسه تجارب ایله کچیره جک و قتلری یوقدر .

مسائل حیاتیه مزک دهازیاده مطالعه و مناقشه سی لازمدر . نشرینه
جسارت ایتدی کمز بو کتابچه بر تجربه دن بشقه برشی دکلدر . محتویاتنک
حقیقتنک صادق بر ترجانی اولدیغنی ادعا ایدرسه ک متطرف sectaire لك
ایتمش اولورز . مقصد من - دیگر آثارمزدده اولدیغنی کی - مهما
امکن مباحثه و مناقشه تولید ایتکدر . حقیقت رساله مزدده مندرج
دکله ، بلکه ، آنک احداث ایدم جی مناقشات و محاضراتده در .

تقسیم شباط ۱۹۱۷

چیمناز سوقاقلر

قیاس ونظریه اکثریا انسانی بطلانه سوق ایدر .
بربرینه بکزه ر ، قطعیتله او یار ایکی انسان ، ایکی سیما اولمدینی
کبی بربرینه شیده ایکی ملت ، ایکی قوم ، حتی ایکی هیئت وشرکتده
تصور اولونه ماز .

بناء برملت ویا هیئتک فوزینی موجب اولان اصوللرک ، غننه لرك
دیگر برملت ویا هیئتده تطبیقی هر حالده ای نتیجه لر ویرمز .
هله نظریه اوزرینه اجتماعی تجربه لرده بولونمق زیاده سیله ، اکثریتله
بحرانلری مستلزمدر . کیمیاده بیله یکی تجربه لرده بولنمق ،
یکی نظریه لره استناداً ترکیبات آله ایتک بیله خیلی کوچ بر
ایشدر . حالبوکه ، نسبتله ، عناصر کیمیویه معلومدر . اوساحده کی
احتمالی وقطعی حساباتده خیلی بسیطدر . حالبوکه عناصر اجتماعیه
هم نامعدود ، همده قوانین اجتماعیه هنوز غیر مدوندز . بناء علیه
ملیته ، عقیده یه ، تشکیلاته ، لسانه ، حتی ادبیاته ، خصوصیه معاشرته
متعلق و اسکیدن بری تقرر ایتمش اصوللرک نظریه ، کیف وهوس ،
قیاس ، امل و آرزو اوغورینه تبدیل ایدمک ایسته نملری فنا نتیجه لره
منجر اولور .

اجتماعی تجربه لرده چیمماز سواقاقلر چوق، پك چوق، زیاده سیله
چوقدر .

اجتماعیات قراقلق و مجهول بر [لایرنت] در .
علوم اجتماعی هنوز تقرر ایتمه مشدر . بناءً علیه قاعده شکل
و هیئتنده کوریلن و یا خود علاقه دار اولانلر طرفدن کوسترلک
ایستهن مواد هپ ادعا ونظریه قیلندن مسروداتدر . بونلره آلامغه
کلز .

قطعیت و - تمبیر عفو ایدلسون - ریاضیق حائر علوم اجتماعی
تدوین ایدم بیلیمک ایچون تشریح و فیزیولوژی اوزرینه مستند پسقولوژی
فئنگ شمدیکی ابتدائیلکدن چیمسی و تاریخ دینلن فن و یا صنعتک
دستورلره ارجاع ایدله جك مرتبه ده تکامل ایتمی اقتضا ایدر .
قاصرانه فکر و مطالعه حجه نظریات اجتماعی قطعی تلقی ایتمک ،
آنلره بیسوک براهیت ویرمک ، خصوصیه بو صددده متعصب اولمق
خیلی ساده لکدر . تکامل و انحطاط او یله مجهول و عدیملر سواقق
نتیجه سیدر که بونلرک مواجهه سنده برپروفسور و یابردو قتورک افاده سی
هیچ ، حقیقه هیچ ، هیچ اندر هیچدر .

بو کون اهمیت ویردی کمز بر نظریه قرق سنه صکره کوزدن
کچیریه جك اولورسه نه قدر ابتدائی ، نه قدر غیر فنی و غندی کوریلور!
مقدماتی بوراده براقوبده مقصد منری توضیح ایدم .

غایه ، ملتی یوکسلتمک ، سویه یی ترفیع ایتمک ، مترقیلر ایله
آره مزده کی فرقی آزالتمق در . بونک ایچون طبیعی و جریانه موافق
اصوللر اولدینی کی غندی ورأی جمهوره منایر اصوللرده یوق دکلدر .

بوايكنجې قسم اصوللر، paradoxe ماهيتنده قالان مطالعاتك يا كلش، سقط، آبوق صابوق اولديغنى اصلا ادعا ايتيورز .

بلكه بويله جسورانه افاده ايدلمش، قناعت عاميه مخالف رايلاك ايچنده بر ملتى شهره سلامتته ايصال ايدمك تدبيرلرده بولونه بيلير .
 لكن بو، بر پياقتويه بگزدر . ايكي مليون عدم موفقيت احتماله قارشى بر موفقيت امكانى واردر . بناءً عليه بر سپه كولاسيوندر . ملتير ووطنلره مال وملك كې تصرف ايدلمديكندن بوكې سپه كولاسيونلره كيرشمه يه كيمسهنك حدى، حقى، صلاحيتى يوقدر .

(ترجه من) عنوانلى رساله مده بو فكرلرى لسانمه تطبيق ايتمش ايدم .

عينى فكرلر لسانه اولديغى كې سائر خصوصات مليه يده تطبيق ايديله بيلير .

بناءً عليه صنعتى ملت، صنعتى مذهب، صنعتى لسان؛ جريان تاريخى و طيبي خارجنده تشكىل ايتمش اويديرلمش ملت، اويديرلمش مذهب، اويديرلمش لسان تصور ايديله من . بو كې تشبثاته كيريشن، اسكى ويكي، بر چوق ارباب جسارت واردر . لكن؟ بونلرك اثرلرى پايدار اوله مامشدر .

ملل، مذاهب، السنه هپ انقلابات بطيه تاريخيه اثريدر .
 جباره دن برى چيقوبده قريحه سندن برملىت، بر مذهب، بر لسان پلانى اخراج ايتسه، اسكندر قدر داهى، يوليئوس - قيصر قدر عازم، ناپولهئون - بوناپارط قدر فعال اولسون او ملتك، مذهبك ويا لسانك وجودينى اوپه را صحنه سندن بشقه بر يرده كوره من . كذلك

بو کبی امور و خصوصاً تده تصرفات کلیه، حق بهضاً تصرفات جزئیه به
 بیله کیرشک قابل اوله ماز . بر جوجق امر ایله، اهتمام ایله، تقید ایله،
 تهدید ایله، تنذیه ایله بر کونده ویا برسنده بر بیوک آدم شکله تمثیل
 ایدمهجهکی کبی خلق و ملتده صنفی تدبیرلرله صفوتی بردنبره
 بر اقماز؛ رشید اوله ماز . (قلاسیق) اصولردن چوقیجه ایرلیق،
 ملته یکی و مصنوع عنعنلر بخش ایتک، ماضیسندن اکراه ایتدیرمک،
 ملل سائرهی پک بیوتک و یا کوچولتک، بر قسمی پک متکامل
 و پک فاضل، دیگرین پک متدن و پک اخلاقسز کوسترمک فلاکتلری
 انتاج ایدر .

بر صنفی تدبیر اورتیه قونونجه بونی بکنتلرده چیقار، بکنمیانلرده.
 بوده پک طبعیدر . احوالده نظریات و عندیات اوغورینه بر تفرقهیه
 محل ویرلش اولور .

تفرقلر، تاریخنده، دائماً موجب شامت و نحوست اولمشدر .
 اوروپاده [ردفورم]، شرقده شیعیلک نه قدر قان دوکولهسنی
 انتاج ایتمشدر !

واقعا بونلردن کوچک تشبیلر بو قدر آغیر نتایج تولید ایتمز .
 لکن هر حالده بتون ملتی اطرافنه طوبیلایه میه جق اولان تصورات
 آز، چوق بر اختلافی منتج اولور .

*
* *

تطبیقاته کلهلم : موجود بردیانت جلیله، موجود و آلتی، یا خود
 اون عصرلق بر ملیت، موجود آلتی ویا اون عصرلق بر لسان
 و عرفان وار . بونلرک نفی وردی محال، مهلاک، مخوف، منحوسدر .

خلقمزك مظهر ترقیات اولسی دینمرك دها علوی بر طرزده
تلقیسنه ، ملیتمرك تقویه سنه ، لسانمرك جریان معروف ومعتادی
داخلنده تکاملنه وابسته در .

قیاسیات منطقیه قورارق ، دها معقول ، لکن جریان تاریخی
ایله متناقض اصولر تحیل ایدرك تصرفات کلیه ده بولونمق خلقی غننه-
سندن صوغوته جغندن ، یکی غننه ده بر قاق ساعتده تقرر ایدمه جکندن
بر قاریشقلنی ، بر پریشانی بی میدانه کتیر .

قارئلرمزى تنویر ایتمك و اکندیرمك ایچون یاریده قالمش بیوک
تشبثات حقنده بعض شیلر سویلك ایستردك . لکن املمزی رساله مزك
قطعه سی ایله توفیق ایدمه مدك .

خلاصه ، چیقماز سوقاقلر پك چوقدر وجهله سی آز ویا زیاده
درین اوچوروملره منتهی اولور . ادبیاتده ده ، سیاسیاتده ده ، حق
فنیاتده ده بو چیقماز سوقاقلره تصادف ایدیلیر . مع التأسف ، عقلی
واذعانده قطعی بر آلت اولمديغندن ، حقیقتده پك نامستقر اولد-
یغندن ، بو چیقماز سوقاقلرك قارشیدینی موقعده پوصله لق وظیفه سنی
ایفا ایدمه میور .

هایدی شو نظریه جیلککردن ، خصوصیه نظریه لری تطبیق ایتمك
سوداسندن وازکجه لم . کوزل ، تراشیده بر فکر ویا نظریه نك موقعی
مجموعه ، رساله ویا کتاب محیفه لیدر . صحائف ادبیه ده ایی بر موقع
طوتمق قابلیتنی حائر اولان بر فکر ونظریه ، ساحه تطبیقاتده فنا بر
یر طوتار . رومانئیک رومانلر کوزلدر . لکن برده انسان حیاتی
آنلره تطبیق ایتمك ایسته سون . . . العیاذ بالله !

نظريه ، رومانتيزم ديمكدر . [ويقتور اوغو] ، [لامارتين] ،
 [اوژن سو] ، [آلكساندر دوما پەر] ك تصوير ايتدكلى صحنه لك
 حيات حقيقيه به نسبتى نه ايسه ، اجتماعيونك ايلرى به سوردكلى اصلا-
 حات پروژهلرى ويا دستوريتلرني ادعا ايتدكلى اساسات ونظرياتك
 حقيقته نسبتى ده بلكه او درجه ده در .

اوروپا كى مرقى بر قطعه ده آقاده مى اعضالرينك مطالعه لرى
 اكثر يتله سياسيون طرفدن التفاته مظهر اولماز . هيچ كيمسه نظريه
 جيلرى مقامات اجرايه اصعاد ايتكى عقلنه كتر مز .

برده نظريات بر دكل ، بر چوقدر ، بك چوقدر . او حالده
 بونلرك هانكيسنه ايمان ايدلم ؛ بونلرك هانكيسنك تطبيقه باشلايه لم؟
 شهرت بولمش هيچ بر نظريه يوقدر كه عالم هرفانده آنك مقابلى ،
 نظيرى ، نقيضى ، ضدى ، مصغرى ، افراطكارانه سى اولسون .

اقتصاد ياتده بر سربستى تجارت اصولى وار : آنك مواجهه سنده
 حمايه مكتبى كوريبورز . سربستى طرفدارلرى بيك بر دليل ايله
 مدعالرني اثبات ايتك ايتيورلر ؛ حمايه پرورلر آلره بيك بر جواب
 ويريورلر .

على العاده ورسى اقتصاد علمى تشبثات شخصيه به اهميت ، تصرفات
 ملكيه به جواز ويريور .

سوسياليزم شخصى قاله آلميور ؛ [پرودون] تصرف ، تملك ،
 حيدودلقدرد ، ديور .

ناسيونالستلر هر حقيقى ، هرفيضى وترقى به مليتده كوريبورلر .
 سوسيالستلر ، قوزموپوليتلر ، آنارشيستلر ، بزم مثلا آثور و

بابل معتقدات مذهبيه سيله اكلنديكمز كي مخالفلرينك نظريه لرياه
استهزا ايدبورلر .

روسيه نك طبقات عيالى فرانسه نك حریت مؤسساتى مفصلجه
كوله دن آكلاته ميورلر .

فرانسز جمهور جيلرى ده مستبد روسيه ايله اوچنچي جمهوريتك
اتفاقى تلين وتنشيع ايتكدن چكنميورلر . بو كشمكش افكار و آرا
ايچنده هانكي اجتماعيات مجتهدينك امتى اوله لم ؟ يا اقد ايدجكمزك
مطالعهمى يا كلش ايسه ...

بر چفتلك صاحبي بر نوع آت قوللانير . بر مخترع و يا ادعا كار
اختراع آنك زرينه كلوبده بن شو اصولى بولدم ؛ بتون ادواتكى وير ،
بوزوب كندى تصور ايتديكم ما كنه ي اعمال ايديم . دير و چفتجى ده
آنك سوزينه اهميت وير سه هيچ اولماز سه موفقيت احتمالاتى يارى يارى به
ايندير مش اولور . اسكى وسائلى ايله چفتجيمز اى ، كوتوبر موفقيت
استحصال ايدبوردى . لكن يكي وسائط ايله ، هر حالده ، موفقيت
قطعيه ي بر احتمال ايله مبادلله ايدبور . بو ، بر سه كولا سيوندر . حالبوكه
چفتجى اسكى اصولى ، يكي ، لكن تجربه ايدلمش بر اصولله دكشدير سه
كورديكى ايش ، سه كولا سيون دكلدر .

بزمده تشبثات اجتماعيه ، مليه ، حق اقتصاديه مزده سه كولا سيونه
التفاتكار اولمامه مز لازمدر .

حالبوكه سه كولا سيونه اصلا كيرشمه دن مسلمانلغمزى ،
تركلكمزي ، عثمانليلغمزى ، عصر مز و محيط مز انسانلرندن اولق
خصيصه مزى . كه بونلر ك هيچ برندن آيرملقلغمز امكان داخلنده دكلدر .

تمیه و تقویه ایدرسهك اصلا بر یاكلش یوله کیمه مش اولورز .
مسلمانلغكده ، تركلككده ، عثمانلغكده ، عصری وزمانلغكده
صوکنده فوزوفلاح واردر .

یکی نظریه لر ، بر اقنومی براقه رق دیکرینی آلق قیدواندیشه لرینی
ترك ایدوب هیئتmerk عمده لرینی تشکیل ایدن مقدساته ، عنعناته تکامل ،
اطراح ، زمانله ائتلاف ، محیطات سائر ايله توافق ، حرکات عمومیه دن
اوزاق بولونماق دستورلرینی تطبیق ایدرسهك ظن ایدرم که بر تهلکیه
معروض اوله یز .

مادام که بو عمده لرك بر طاقی بیکن ، بر طاقی آلتیوزدن فضله سنه
بر بر یله اویوشمش و میدانه هیئت حاضره کلشدر ، آنلرك الی نهایت
متممچ بولونمهنده بر محذور یوقدر . واقعا بو عمده لرك برینك دیکرینه
نسبتله ویا نفس الامرده نقصانی اوله بیلیر . او حالده یاپیله حق شی
اصطفادر ؛ زواند وارسه اطراحدر ؛ نواقص کوریلینورسه اقتباسدر .
برده کچمش زمانلرك تصرفات اجتماعیه شمیدیکندن دهامساعد
اولدینی ، عصر مزده ایسه بونك مشکل ، بعض نقطه لرده حتی محال
اولدینغی بیلمکلکمز بر وجیه در .

لسان ، کنجلكده ، چوققلقده اوکره نیلیر . یاش کچدکن صکره
امر تعلم یا کوچ اولور ، یاخود هیچ اولماز . نشوونما ، صباوت اواننه
مخصوصدر . بیوک عمده لرده ازمئه تاریخیه نك محصولدر ، بر ملیت ،
آننجق طبیی ، تاریخی ، جغرافی ، عرقی ، سیاسی بعض عناصرك
امتزاجندن طوغه بیلیر . عناصر طبییه ، تاریخیه ، جغرافیه ، عرقیه ،
سیاسیه و سائرینه ایسه شطرنج طاشلری کی ، ایستدیکمز صورته

قوللانه مایز. بو طاشلری بیله آرزو عنر وجه اوزره استعماله قادردکلز.
 حال، - دهها متکامل، دهها مترقی اولقله برابر - ماضیدن
 يك آیزی اولما ملیدر.

حالك کوکلری ماضیده در. ماضی ایسه لایموتدر. باباسز، آناسز
 چوجق اوله میه جنی کی ماضی به غیر مربوط بر هیئت ده تصور اولونه ماز.
 یکی طوغان آمریقان جمهوریتلرینک بیله ماضیسی اسپانیا، پورتوغال
 وانکلتره ایله فرانسه نک ماضیسی ایله برلشیر. آمریقان ملتک سحیه
 اصلیه سنی بیلیمک ایچون بتون آغلوصاقسونلرک بر جدیدک کشفندن اولکی
 انکلیز قوم و عرقک خصوصیاتی تدقیق ایتک مقتضیدر.

تکامل، بیلدیکی یولی تعقیب ایدر. آندن بشقه سنی طانیماز.
 حقیقماز سوقاقلر و چاپراشیق یوللر بر ملتی هدف مقدرینه ایصال ایده مز.
 لکن واهی نظریه لرک رهزنیسی ایله بر انسان، یا خود بر ملت یولی،
 یوصله بی شاشیره بیلیر. شهره تاریخنده یواریلشمش، طاغیلشمش و یا
 دیگرلری ایچنده بوغولش بر چوق هیأت واردر که سبب فلاکتلری
 علمی بر اصول ایله آراشدیرلسه کوریلور که بر طاقم عناصر آنلری
 قابلیتلری فوقده و یا خلق و مزاجلری، غنجه لری خارجنده تشبثاته
 سوق ایتشلردر.

عجمیلکی، تجربه نزلکی زائل اولمیان اقوام و هیئاتده نظریه به
 قایلیمق احتمالی زیاده در. حالوکه طبقه منورانی عصر لردن بری تشکل
 ایتمش، کورکولی ملتلرده نظریه مراقیلری فعلیات اربابنک کندیلوی
 ایله اشتراک مساعیسی تأمین ایده مز لر. [هه ربهرت سپه نسه ر] ایله
 [غلادستون]ک؛ [أرنه ستره نان] ایله [تیه ر]ک عقد شرکت سیاست

ایتدکلرینه اون طقوزنجی عصرک تاریخنده تصادف ایدمدم .
 فلاسفه و علما مدید البصر ، فعلیات اربابی و عملیلر قصیر البصر درلر .
 [شوپنهاؤر] ک - ظن ایدرم - ادعاسنه نظراً قادینلر فطرة
 قصیر البصر - میوب - ایمشلر ؛ اُرککلر بو علتله مصاب دکلشلر .
 بونک ایچوندرکه خانه ایشلرنده رجالک کوره میه جکی بر چوق دقیق
 شیلری قادینلر کورور .

[ژان ژاق روسو] نک پک احمق بر قاریسی وارمش . لکن
 افکار عالیه و علویه صاحبی اولان - مقاوله اجتماعیه - مؤلفی حیات
 حقیقیه ده زوجہ سی بر چوق مصائبدن قورنارمش . بونک سببی نه در ؛
 [روسو] هب آفاق تصور اتده اوچدیغندن ، کوکده ییلدیزلری تتبع
 ایله مشغول منجمک آفاق اوچنده کی قویوی کور میوب آکا دوشمه سی
 قیلندن ، عالم عملیاتده طبیعتیله خطالر ایدم بیلیر . زوجہ سی ایسه مجرداته
 فلسفیاته ییانه جیدر . آنک ، حقی ایله برابر ، بتون قابلیتی ، بصری ،
 دقی کوزی اوکنه منحصر قالمشدر . قوجه سی ، قویوی کوره مزده
 قاریسی کورر . بونک کبی ساحه حکمیات و عملیاتده لازم ، حتی الزم
 اولان بصرک تطبیقات و فعلیاتده مضرتی درکاردر . بوتهلکلی اجتماعیات
 و سیاسیات ساحه سنده وارسون یالکنز طوغریدن طوغری به قارشیمز
 کورونسون ؛ اوست طرفی بزه لازم دکلدر .

عننه

« عننه » کله‌سني بو آره لوق tradition مقابلی قوللانیورز . بو تلفظ حقنده بعض مرتبه تدقیقاتده بولوندم . واقعا « عننه » حرفی حرفه - ترادیسیون - ئی مفید دکله‌ده کثرت استعمال ایله آرتق اومضاده تقرر ایتمش کبی کورینیور . بناءً علیه بر مسئله احداث ایتهدن آنک بوشکلده قوللانیلسنه دوام ایتلمی یز .

بو توطئه لسانیه دن صکره عننه یی بر آز تعریف تجربه سنده بولونه لم : آرای جاریه یه نظراً عننه طوغری ویاخود یا کلش مناقبک آغز دن آغزه ، برنسلدن دیکرینه انتقالی ، ماضی ایله حالک خط وصل و تمادیسی ، اسالیب مساعی و مقالاتک ، طرور افکار و حسیاتک بطناً بعد بطن دوا می کبی بر معنایی افاده ایدر . بلکه بو تعریف بتون بتون افرادیخی جامع ، ینه بلکه کاملاً اغیارینی مانع دکلدر . بونکله برابر صادقدر ، طوغریدر . شو تعریفدن بر نتیجه چیقاره . بیلیرز : عننه ده شرط تمادیدر . حتی عننه عیدیم الاحداث ، متمتع الایجاددر . برقاج کشینک طوبلانونوب بره عننه ، اختراع ایتلمی

محالاتدن اولدینی کبی «احیای غنغات» ده مشکلاتدندر . اولسه اولسه بر آز کهوشهین غنغه لر وسائط صنعیه ایله تقویت بولور ؛ ایشته اوقدر .

کوریلور که بر طرز تفکر ویا حرکتک غنغه پایه سی احراز ایده بیلمسی ایچون اورته ده بر فاصله بولونماق کر کدر . اونو تلمش بر غنغه ، آرتق بر غنغه دکدر . بر خاطر ده در ؛ بر فقره تاریخیه در .

فکری چوق سیوری بعض فرانسز ارباب افراطی ، بر آره لق ، قدیم - غول - مذهبی ، غنغاتی احیایه توسل وتثبت ایتشلردی . بو ذاتلرک بیاننامه لری ، عقیده لری محتوی رساله لری هر نعلسه اوقومش ایدم . بر آره لق ، پارسده «غولجلیق» آزدی . بر طاقم ذوات «دروئید» = قدیم غول پاپسی شکنه تمثیل ایتدیلر . بم بیاض جبه لر ، باشلرنده یاقردن دالر ، آیاقلرنده (ساندال) لر ایله اورته یه چیقدیلر . بونلرک منظره سی بر [نیس] ویا [بارسلونا] قارناوالی آکدیریوردی . پارسلیلر ، بالخاصه اینجه لکلری ، استه زالری ، قهقهه لری ایله متمایز پارسک طائفه نسای بو آدم لر ایله برخیلی مشغول اولدیلر . غولجیلر ، آلا ی والا ایله [بره تانیا] یه ، رومانک فتحندن اول رکز ایدیلن ستونلرک بولوندینی نقطه لره کیتدیلر ؛ دعالراوقوندی . الی آخره . فقط ، صکره ، غولجلیق بتون بتون طاوسادی ، منطقی اولدی . بوکون ، اون بش یکر می سنه اول «اوپه را قومیق» ده اوینا . نمش بر مشهور پیه سک نه کی بر خاطره سی قالمش ایسه بو حرکتک ده ذهنلرده آنجق او یله بر ایزی باقیدر . بر قاچ سنه صکره بوندن ده اثر قالمیه جقدر .

نەدن ؟ چونكە فرانسىز ملتىك ارتقى نخستين غوللرله همان بر
مناسبتى يوقدر . فرانسىزىنىڭ بللى باشلى محررلردىن ويھودىلىككەن
تنصر ايدىن [آرتور مەيەر] كە چىقاردىغى [لوغولوا] غىزە سىندىن
ماعداء ، فرانسىز دە ، برغول دو كۈتسىنە تصادف ايدە بىلىمكە ايچون
- لىترە - لغىتىدە اوزونچە بر سفرى كۈزە آلدىر مىلدىر .

فرانسىز مىالى اوزرىندە بر آز طورەلم : فرانسىز ، لساناً لاتىن ؛
مذھباً عبرى ؛ مدنيت اعتبارىلە ايسە يونانىدىر . بوتەرىف [ارنەست
رەنان] كدر . عرقاً لاتىندىن زىادە جىرمىندىر . « غولوا » قانى ايسە
شرايىن فرانسىزىدە ھىچ مىتابە سىندەدر . بىلكە فرانسىزلىك غىر وقىدە
غوللادىن زىادە عرب و برىر قانى واردىر . نىكەم - بالذات تدقيق ايتىم
و Sédillot نىكە تحقيقات لسانىيەسى كواھمىد - شمدىكى فرانسىز جەدە
غوللوا ، قام غوللوا جىزورى ، جىزور عربىيەدن دھا آزدىر .

فرانسىز دە غول مەبۇدلىرىنىڭ غىغنىسى احياء ايدىلەمىز ؛ چونكە
بونلر آرتق ئولمىشدر . فرانسىزنىڭ غول ايلە مناسبتى لاشىدردىر . بو كەمقابىل
[اولمىوس] كە بتون مەبۇدلىرى ، نىم مەبۇدلىرى ، ئلت مەبۇدلىرى ،
باشدە [زەفس - ژوئىتەر] اولدىغى خالەدە بتون يونان اسطوره لىرى
ادبىيات فرانسىزىدە ابد زىندەدر . نيچون ؛ چونكە فرانسىز مدنيت
حاضرەسى يونان مدنيت قدىمە - نىكە طوغرىدىن طوغرىيە بر وچە
تەمادىسىدردىر .

كذلك ، فرانسىز خرىستىيان وقاتولىك اولدىغىدىن ، بو مذھبەدە
غىغىنات اسرايىلىيەدن مشتق بولوندىغىدىن ، اليوم ، مثلاً [جالوت]
فرانسىزلىرە اجنبى بر شەخسىت دىكلدىر .

بر او چونجی نقطه‌ی ده توضیح ایدم : فرانسه، لساناً، لاتیندر؛
 غولوا دکلدر . بو دقیقه ده پک مناسب ، پک ملایم بر غولوا کلمه
 آفله سنک فرانسر لهجه سنه ادخالی محال درجه سننده متعسدر .
 حالبوکه ، بیوک بر سهولته ، حتی طبیعتله بر لاتین مصدر ویا ماده
 اصلیه سنندن مشتق بر یکی فرانسر جه کلمه اویدوره بیلیرز ؛ بر آرز
 استعمال ایله بو لفظ نوین رتبه تقرر ی احراز ایدر .

غننه نک توقی ؛ انقطاعی بر ملق ثولدر . ذاتاً ملت دیمک
 بر غننه یی تمادی ایتدیرن بر سلسله بشریه در . غننه سز ملت متصور
 دکلدر . لسانسز قوم اوله مدینی کی .

هر نه وقت غننات که وشه مش ، بر هیئت ، هیأت جواریه نک
 اخلاق وعاداتنه مجلوب اولمش ایسه ، او بهمه حال، تفسخ ایتمشدر .
 بونک ده سر و حکمتی آشکاردر : بر ملت ، ملت اوله رق کن دیسی
 کوستره بیلیمک ایچون، بهمه حال، طوغزی یا کلش بر طاقم خصوصیات
 مالک اولق اقتضا ایدر . آنک مابه القوامی، مابه البقاسی بو خصوصیات،
 بو غننات ولسانیدر . آنلرک ضیاع وزوالی ملیتک ده اندراسنه اشارتدر .
 عقیده سز دین ، منطق سز فن ، وزلسز شعر ، محاکمه سز تاریخ ،
 خط سز هندسه ، رق سز حساب ، کلفت سز نعمت ، کاغد سز کتاب ،
 ماده یه استناد ایتیمان رنک ، صوته مستند اولیان آهنگ غیر قابل تعقل
 اولدینی کی غننه سز ملیت ده اوله ماز . غننه ، بر درجه یه قدر ،
 تشکیل وادامه ملیت ده لسانک ده فوقده در : بر آمریقان ، بر آوستریا ،
 بر بلجیقا ، بر اسویچره ملیتلی وار ، لکن لسانلری یوقدر . کذلک
 لسانلری مشترک اولدینی حالده آلمانلر ، آوستریالیر ، اسویچره لیلر ،

فرانسرلر، بلجیقایلر، اسویجره لیلر، قانادایلر، انکلیزر، آمریقاییلر،
دانیمارقه لیلر، نوروجلیلر آیری آیری ملتدر .

مصالح ملیه ده ، ملتک تقویه سنده علل ملیه ده واساز اولمده
عنضاتی دائما ودائما کوز اوکنده بولوندیرمق بر وجیه در .

عنضه نکه الزمی ، لازمی ، ایسی ، فناسی ، مهلکی ، ضررسزی
وارددر . مسائل عنضویه ده افراط وتفریط بنیان اجتماعی بی هدم ویا
تغلیط ایده بیلیر . عنضیه قارشلی لاقید قالمق مضر اولدینی کبی ، آکا
زیاده سیله مربوط اولمده استقبالی تبعید ، ماضی بی تقریب ، حالی
تشویش ایدر .

عنضه ایله اوینامغه کلز . کذلک عنضه مناقشه ده ایدلر . عقل
وعنضه نکه علاقہ سی چوق دکل ، آزددر .

عنضات کیتدکجه صفوتندن تجرد ایدر .

بو مقاله مزده — نظریات موجودیه مراجعت ایتهدن — بر
تجربه قلمیه ده بولوندق . مقصدمز آفاقی ایدی . آکا بناء درکه
علی الا کثر فرانسه بی موضوع بحث مقایسه ایتدک . قارئلرمز ایسترلر
ایسه عینی تطبیقاتی کندمزم اوزرنده ده یاپه بیلیرز .

[۱ . ع . م]

فرانسزجه و مليتمز

اسكى دورلرده تركلر سائرملتلردن مستقل اوله رق ياشيورلردى . اجدادمن اوروپا اورته لرندە يك مهم فتوحاته نائل اولور ، هر طرفده شهابت كوسترركن بالفعل وبالذات اشغال ايتدكلرى مملكتلر حقنده هيچ بر معلومات ايدينه ميورلردى . قانونى زماننده ، يعنى عثمانليلك اك پارلاق دورنده ، عسكرمن اوروپانك تام اورته سنده ايكن « رنه سانس » ، « ره فورم » و « كشفيات » حركات عموميه سى ، غربى ووسطى اوروپاده ، قطعيته توضيح ايتمشدى . اوزمانكى ترك مؤرخلرينك اثرلرينه مراجعت ايدىكز . بو حركاتك اك اهميتسز بر ايزيته بيله تصادف ايتمزسكز . دكل وقتك مؤرخلرى ، محمود نانى رجالى بيله اوروپانك جريان احوالندن خبردار دكلديلر .

واقعا اسكى دورلرده متحيز رجالز ، دكلرى علمامن ، بيوك ادامن واردى . لكن بونلك معلوماتى ، معلومات خصوصيه دندى . احوال عالمى بزده بيلن يوقدى .

يك يقين زمانلره قدر سفارته اوروپايه كيدن رجالمذك محرراتى سفارت وسياحتمه لرني بر اوقويكز . مثلا عبدالكريم پاشانك

بيوك [قاهرينا] زدينه اولان سفارتى ، كاتبي نحيفى افندى اويله بر
 تصوير ايدىور كه ... در وصف مجلس مسخره كى ، در وصف قوماد يا خانه !
 بونلردن قوميق بر حكايه تصور ايدلر . چكن كونلرده دلا تمزله
 باصيلان سلطان سليم ثالث سفيرى آمدى غالب افندى [پاشا] پشته يه
 وارمش ، پشته قوماندانى (مادامه تعير اولنور عياليله) سفيرك زدينه كمش .
 بو اوفق جمله لردن اسكى زمان رجال و عوامنك ذهنيق قولايقله آكلاشيلير .
 خواصمز ، اسكى زمانلرده ، احوال جهاني آكلامازلر سه آرتق
 آشاغى طبقه لرك نه قفاده بولوندىلر ينى تخمين ايتمك كوچ دكلدر .

مملكتمزده احوال عالمه وقوف پيدا ايدملك هوسى قريم محاربه سندن
 صكره باشليور . او زمان كليته فرانسز وانكليز عسكەرلى ، متفق
 صفيله ، مملكتمزه گلشلردى . او ائشاده فرانسز نفوذ ادبيسى
 انگليز ككندن زياده ايدى . خواص ، كرك تنور ايتمك ، كرك بين الملل
 وبالخاصه ديپلوماسى مناسباتنده بولونمق ايچون فرانسز جهيه هوس
 ورغت ايتمشلردى . لكن اعتراف ايدم كه او زمان اركاننك
 او كرنديكلى فرانسز جهيه بر شى دكلدى .

آندن صكره غلطه سراينده كى مكتب سلطاني آچيلدى . كذاك
 احداث ايديلن مكتب طبيه ده تدريسات فرانسز جهيه ايدى . بو ايبى
 مكبتدن احوال غريبه يه واقف اوله بيله جك ذوات چيقدى .
 — آنكه لهارد — ك [تركيه وتنظيمات] نام اثرنده بوكا دائر قيد
 وتذكاره شاين معلومات واردر .

اكر مملكتمزه بو نفوذ داخل اولسه ايدى — معاذالله — بوراسى
 [بت] كهي عالمه بيكانه بر غريب ديار اولوردى .

شناسی افندیدن اعتباراً کلن ادبا و محررینمزا کر غمبدن استناره
ایتمسهر، حالا، [قلاسیسزم] دورنده بولنه جق ایدک. فرض
ایدیکز که عبدالحق حامدبک، کیچه جی زاده عزت منلا مرحوم کی لسان
ناشناس اولسون؛ کلیاتی عجباً میدانہ کتیره بیلیرمی ایدی؟
شناسینک قلمجه وفکرجه بیوک برقدری یوقدر. بو استادک ال
بیوک مزیتی بزه غرب رهبرلکی ایتمسیدر.

فرانسزجه دن ترکلرک ایتدکلری استفاده حسابسزدر. بونک
بربیلا نچوسنی یایمق اقتضا ایدرسه ادبیاتمزده، قیاتمزده، سیاسیاتمزده،
بالخاصه اوچنجی ناپوله ثوندن بری بیوک بر فرانسز حلول وفوذینی
کورورز.

فقط فرانسزجه دن مستفید اولدیغمز کی متضررده اولدیغمز
انکار اولونه ماز. مملکتمزده فرانسزجه خواصک لسان عرفانی
اولدی؛ ترکیه لسان عوام ماهیتندہ قالدی. فرانسزجه اوکره نلر
ارباب دانش صره سنه کیردی. بونلر، کندیلرینه لازم اولان حوائج
علم وادبی طوغریدن طوغری به فرانسزجه دن آلدیلر. بو، پک
قولای ایدی. چونکه، اوغراشمه دن، اوزولمه دن، فرانسزجه یی
آکلایان برآدم فرانسز آتارینه، غزته لرینه، علماسنه مراجعت
ایدرک احتیاجنی درحال استیفا ایدیوردی. بو، قولای برایش ایدی.
لکن نه قدر اولسه خواصک عددی بر مملکتده آذر. لسان
اختلافندن طولایی مملکتده ایکی طبقه حاصل اولدی. ضمنی بر مخالفت
حصول بولدی. خواص، عوامی خور کوریور؛ عوام، خواصی
هان همان اجنبی تلقی ایدیوردی.

اسکيلر ، يکي ادبياتی پک فرنگجه بوليورلر ؛ يکيلر ايسه ادبيات
سابقه ايله عادتاً استهزا ايديورلردی .

بوسايه ده اوروپا سالونلرنده ، محافلنده غربليلردن فرق ايديلمه چک
ترککر يتشدی . بوکامقابل آشاغی طبقه لرك قابالی کيتدجه آرتيوردی .
مکتب طيه نك اسکيدن تدریساتی فرانسزجه اولديغندن
و فرانسزجه يه واقف و منور کيمسه لره احتیاج کورولديکندن
دوقتورلرمنز قولايقله تبديل مسلك ايديورلردی . صدر مشهور فؤاد
پاشا ، اسماعيل پاشا ، صاوا پاشا طيب ايديلر .

فرانسزجه نك کوستردیکی سهولت بزده لسانك ، ادبياتك ، محرراتك ،
ملتك ترقی ایتمه مه سنه سبب اولمشدر .

اگر آلايغ معلومات ياکلش دکلسه رومان ياده عينيله بو حالده
ایمش . اوراده ده کنجلر و منورلر فرانسز و آلمان ادبياتنه مراجعتله
ایشلرینی کورییورلرمش .

وقتيله مکتب طيه دن يتيشه ن دوقتورلر هم پک آزه ، هم ده اکثریتله
ترک اولیان عثمانلردن ایمش ؛ لاتینلر ، ارمنی قاتولیکلری ، ارمنی
وروملر بزدن اول السنه غریبه يه هوس ایتدکلرندن ، یاخود اجنبی
پاپاسلر بونلری فرانسز تربیه سنه توفیقاً يتشدير دکلرندن بونلر طبابت
عثمانیه يه ترکلردن ده نامزد ايديلر .

لکن مکتبک لسانی ترکجه يه تحویل ايديلير ايدلمز بوندن ايکی نتیجه
حاصل اولدی : ۱ -) ترککر فوج فوج طيه يه کیره رک هم تنور
ایتدیلر ، هم ده مملکت بونلرک صنعتدن مستفيد اولدی ؛ ۲ -)
اصطلاحات فیه يی ترکجه يه نقل ایتک مجبوري تي کورونديکندن اوزمانه

قدر بر لسان طب اولمیان ترجه من بو پایه یی احراز ایتدی . اسکیدن
یتیشن اطبانك شمديکيلردن دها مقتدر اولمقلری ده آریجه شایان
قیددر .

شو مقدماتدن آ کلاشیلورکه فرانسیزجه نك بزه فائده سی ده ،
مضر تی ده طوقونمشدر . فرانسیزجه یی او کونلرک ترجه یه خدمت ایتمه ملری
بر جای تدر :

آرهدن اوچ ربع عصر کچدی کندن ومملکت مزده بر خیلی ارباب فکر
ودانش یتیشدی کندن شمدي وضعیت دکشمشدر . بوندن صکره ،
فرانسیزجه یی وسائر متکامل السنه یی اصلا - بویقوته - ایتمه مک اوزره ،
بعض مرتبه امهال ایده بیلیرز . بوسایه ده ترجه یه فضله اهمیت ویرمک ،
آنی تزیین وتوسیع ایتمک مجبوری دها زیاده حس ایدیلیر . ملتک هر
فردی تحصیل عالی کوره من ؛ هر کس السنه اجنبیه تحصیل ایده من .
اگر تحصیلی ، تعلیمی بیوک مکتبلره دوامده ویبانهجی دیلاری اوکرنمکده
آرارسه ق مملکت مزده علم وعرفان پک آز کیمسه لره نصیب اولور ،
انحصار ایدر .

ترک لرک ترقیسی ایچون لسانك واولسانده یازلمش کتابلرک هر طبقه یه
نشر وتعمیمی لازمدر .

فرانسیز ادبیاتك افشاری ملیتمزه پک چوق مضر تدر ایقاع
ایتمشدر . دها یوکسک بر تربیه اجتماعی یی حائز ، بالخاصه پک شن
وشاطر بر ملتک ادبیاتیه ، خصوصیه رومان وتیاترولریله چوقه
اوغراشمق ، بزده ، ملتک بعض مرتبه اونوتلاسی ، قوزموپولیت-
لکی انتاج ایتمشدر . ادبیاته ، رومانه ، تیاترویه ، اکلنجه یه مفقور

اولانلر بر سوق طیبی ایله پارس محصولاتنه مراجعت ایتمه ای اعتبار ایدمشلردر .

بر نقطه نظردن لسانمزه ، ملیتمزه خدماتی سبق ایدن فرانسزجه ، دیگر نقطه نظردن لسانمزه ، ملیتمزه ترقیاته مانع اولمشدردر .

پسیقولوژینک الک بسیط قواعدینه مراجعت ایدمزه ک اولورسه بر ملتک تکاملاتی ایچون یبانهی ادبیات (لر) ک نقل و اتحالی بیوک بر فائده تأمین ایتمز . تربیه فکریه یه خادم اولان عناصرک ایچنده ملی ادبیاتک بیوک بر موقعی واردردر .

فرانسه محیطی ، عرقی ، مزاجی ، تاریخی ، تشکلاتی بشقه ، بزملکیلر ایسه بتون بتون بشقه در . فرانسلرغه تمثیل ایله فرانسلر اوله- میه جغیمز کبی ، ترکلمیزی ده محافظه ایدمه یز .

بیوک ملتلر مستثنا . حیثیتی بیلیر هیچ بر کوچک ملت ویا ملیت یوقدرکه بر ملت اجنبیه ساکتانه تمثله رضا کوسترسون . اسوچیلیر ، دانیمارقه لیلر ، نوروجیلیر ، فلمنکیلر ملتیرینه و بناء علیه عرفانلیرینه صادق و بو خصصه قیصقانیچ و متعصبدرلر . اهالیسنک اوچده بری اسوچلی اولان فینلاندا لیلر ملتیرینه پک مربوطدرلر و بتون امللری اسوچ نفوذی آلتنده قالمامقدر . والونلرله ممزوج بر حالده یاشایان فلامانلر فرانسلر نفوذ و حلولی ایچنده قالمایچون دائمی قیام حالده درلر . صربلرک ملیت پرورلکلی پک ایلریده در . بر ثلث عصردن ملیتی منکشف اولان بلغارستان ده روس و فرانسلر نفوذلرندن مجرد بر بلغار لسان ، ادبیات و ملیتی وجوده کتیریور .

روملر ده بویله .

ملی لسانه، ملی ادبیاته، ملیته پک اوقدر اهمیت ویر میانلر رومانی
ومصرک یوکسک طبقه لریدر. آنک ایچوندرکه بویکی مملکتده محافل
علیاده پک متکامل لکن سجه سز خواصک مواجه سنده پک کری
عوام طبقه ویا کتله لرینه تصادف اولونیور.

بر ملت وخصوصیه تنور ایتش بر زمره خواص ایچون غایه
هر حالده بو اولما لیدر. واقعا عوامک ده الی نهایه اینجه لمسی، بتون افراد
ملتک خواص سویه سنه حقیقه سی اداره ملل قواعدی موجبجه آرزو
اولونه حق بر شیئی دکلدر. بر هیئت اجتماعیته نک سالم بر صورتده
تکاملی ایچون عوام ایله خواص پیئنده عادلانه بر موازنه نک
وجودی کر کدر. یالکیز خواصدن ویا زنکینلردن مرکب اولان
هیئت بر ملیت تشکیل ایتز ویا خود پایداری اولماز: ونیدیک وقار طاجه کی.
بزه خواص ده لازمدر؛ عوام ده. او یله خواص لازمدرکه طبقه سی
وصنف اجتماعی داخلنده متکامل اولسون. کذلک او یله عوام
لازمدرکه آنلرده طبقه و صنف اجتماعی لری ایچنده مترقی اولسونلر.
یعنی مأمور لر مرک، معلم لر مرک، غزته جیلر مرک، دها مقتدر مأمور،
دها اصول شناس و عالم معلم، دها فصیح و دها سریع الانتقال
غزته جی اوله لری مقتضی اولدینی کی بقال لر مرک، عربجه جیلر مرک،
آشجیلر مرک بتون پیاسه لری بیایر، دها تمیز، دها زنکین بقال،
قالی قیافتی یرنده، دها زنده، دها نازک عربجه جی، نظافت و حفظ
صحت قاعده لرینه ده ازیاده رعایتکار، مطبوخات غربیه یی ده، شرقیه یی ده
بیلیر آشجی اولمسی غایه در.

ایشته فرانسیز نفوذی بوکا مانع اولمش؛ خواص ایله عوامک
آره سی آیرمش؛ خواصی عوام حقنده لاقید ایتشد.

خواصدن اولسون ، عوامدن اولسون برآدم معلومات صاحبی
اولمق، مهما امکن برخصوصده اختصاص پیدا ایتک ایچون لسانندن
بشقه سنه محتاج اولمه ملیدر. بالطبع معلومات خصوصیه ونادره بی استنا
ایدیورزه طبابتده ویا حقوقده حاذق اوله بیلیمک ایچون یالکیزفرانسزجه
کافی دکادر. آلمانجه وانکلیزجه ده شرطدر. لکن، هیئت اجتماعیه به
لازم اولان بودرجه اختصاصده کی آدملرک عددی آزدرد. اورته
معلوماتده طبییه، اودرجه اقتدارده دعوی وکیلنه، وسط مرتبه
مأمورلره صنعتده استادلق مرتبه سنی احراز ایتمش ذواتدن زیاده
احتیاج واردر. کذلک اورته استعدادده ارباب قلمده بیوک ابدادن
زیاده لزوم اولدینی اونوتلاملیدر. چوجق کتابلرینی، خلق کتابلرینی،
مکتب کتابلرینی، درلو درلو اختصاصاته متعلق کتابلری داهیلر
یازمه ماز؛ دهاتک اقتداری بونلره تعلق ایتمز.

حجرات اجتماعیه ده خواصکده، عوامکده؛ دهاتکده، ارباب
صفوتکده؛ معلومات عمومییه صاحب لرینکده، متخصصلرکده موقعی
واردرد و آیریدر.

پک بیوک برطیب، کنديسنندن کوچک اطبانک تشخیصلرینی
تفتیش ایدر. خطوط عمومییه تداوی بی چیزدر. آنلرک تطبیقی آندن
آشاغی طبیلرک ایشیدر. بوکا مقابل برخسته خانه قوغوشنده کی
یوزلرجه خسته بی تداوی ایتک پروفیسورلرک دکل، یکی یقیشان دو قوتورلرک
وظیفه سیدر. فرض ایدم که بر مکتب طبییه دن یتیشهن هراقندی صنعتده
جیل پاشا ویا بسیم عمر پاشا اولسون. صحت عمومییه بوندن مستفید
اوله جغه مختل اولور. ادبا وارباب قلمده بویله در. آنلرک فضولیلری،

حامد لری لازم اولدینی کبی طبقه طبقه مادونلری ده بولونمایدیر که قادروسی تام اولسون .

ایشته فرانسز ادبیاتنک حلول و نفوذ مصلحانهسی بزم قادرومزی پک بوزمشدی . بلا سجه اولق اوزره ممتاز ارکانمز اولدینی حالده ایکنجه ، اوچنجه ، ودها آشاخی طبقه لزمز دیگر مملکتلرده کیلره نسبتله پک کریدر .

یوکسک بر طبقه متحیزانک قارشیسنده منتظم طبقات عوام بولونمایدیر . بونلرک بری دیگرندن مستقل یاشایه ماز . بری دیگرینک متکاسیدر .

بر طبقه ایله دیگر ی آره سنده لسان کبی ، حس کبی ، فایه وامل کبی روابط بولونمازسه بر آیریلق حاصل اولور . بو کیفیت ملتی ضمنی بر تفرقیه دوشورر .

روماده اولان [یاتریسین] و [پله به یهن] ؛ یکی روماده کی [مانی] و [یشیل] ، قدیم هندستانده کی [براهمان] ، [قشاتریا] ، [سودرا] ؛ اسکی روسیه ده [احرار] و [سهراف] لر کبی ، لکن غیرظاهری ، بزده ده بر عوام ، برده خواص طبقهسی کوریلور .

فردك ، قادينك ، عائله نك اجتماعي و اقتصادي قيمتي

دولت تشكيلا تي ملت تشكيلا تته، ملت تشكيلا تي عائله تشكيلا تته،
عائله نك رصانت و متاتي فردك و قادينك اجتماعي و اقتصادي قدرته
استناد ايدر .

بناء عليه : دولتك تقويه سي ، ملتك ؛ ملتك تقويه سي ، عائله نك ؛
عائله نك تقويه سي ، فردك و قادينك تقويه سنه منوط و متوققدر .
فردی ، قادي ني ، عائله سي ، ماتي مترقي اولان دولت ده طبعيته
مترقي اولور .

هر ملتك درجه ترقي و حياتيكي آنك متشكل بولونديني افرادك قيمتي
ايله تقدير اولور .

عموم آنفلو- صاقسون ملتري- اكثر يتله- افراده بيوك براهميت
عطف ايتمشلردر . بونك ده سبي تشكيلات عرقه ، مليه ، اقليمك
و محيطك ايجاباتيدر .

عموم جرمان ملتري- اكثر يتله- جمعيتيه اهميت عطف ايتمشلر ؛
افراده ايكنسجي درجه ده براهميت ويرمشلردر . بونك ده سبي تشكيلات
عرقه ، مليه ، اقليمك و محيطك ايجاباتيدر .

بونكه برابر مسرودا تمزدن آنفلو - صاقسونلر جمعيتيه؛ جرمانلر ايسه فرده اهميت ويرمزلر مضافي اصلا چيقارلمايدير . لاتينلر اولانجه قوتي حكومتده آرارلر .

بو مسائلك تدقيقى صدممه داخل دكلدر . يالكز شوقدريني سويليلم كه بو اصوللرك جمله يي طوغريدير . طوغريلق ، ياكشلق دائما نسي اولديغدن انكلتره ايچون طوغري اولان اصولك آلمان ياده ده دوغري اولسي لازم كلز .

بو كا بناء در كه تكاملات مليه من موضوع بحث اولونجه اصول اجتماعيه يي اولديني كي بيردن اقتباس و اتحال ايتك بر جنات تشكيل ايدر .

ابداعي اولميان اصوللر ، هر يره عكس العمللرك ، ارتجاعلرك حصوله بادي اولور .

بزده طوغريدن طوغري يه بعض لاتين اصوللرينك اقتباس ايدلسي ترقيات حقيقيه مني توقيف ايتمشدر . كندى مطالعه مرمه قاليرسه ملكتمزده ، آلمانلرده اولديني كي ، هيئت اجتماعيه يه دها زياده اهميت ويرمك ، بونكه برابر فردك ترفيع سويه سنه همت ايتك اقتضا ايدر .

شو نقطه يي توضيح ايدلم : شرقده : جمعيت تشكيلاقي تاريخاً اصلدر . قديم تركلره كلنجه : عثمانليردن اول تركلر دائما بر جهوديت عسكريه شكلنده يشارلردى . بو هيئتلرده فرد ، جمعيتك مواجهه سنبده يك سونوك قاليردى . قوغان ايچنده بر آرى فردينك ، دليكنده بر قارنجه فردينك موقعي نه ايسه يك قديم تركك ده اردوسنده

موقعی او ایدی . واقعا عثمانلی ملتی ، قدیم ترک کردن مفرز و مستقل برملت ایسه ده هپم زده بو حال یعنی یالکز جمعیت ایچنده یاشایه بیلیمک خصیه سی بزه بر میراث متفوق کی قالشدر . صنعی تدابیر ایله بومیراندن تجرد ایدوب - فردی - اصولر اتخاذا ایتمه ضر محالدر . عثمانلی ترکری ، برده ، طوغریدن طوغری به جمعیات متقدمه اسلامیه به خلف اولشدر . جمعیات متقدمه اسلامیه ده ، عیله ، قدیم ترکر کی ، برر هیئت عسکریه شکنده ایدی .

حال حاضر ترکی حکومت ، دولته ، مائله سنه استناد ایدر . آکا : - سن نیچون انگلیز کی یالکز زور بازوکه ، نفسکه استناد ایتیمورسک ؟ دیمک آنک تشکلات ملیه سی ، بیک سنه یی متجاوز تاریخی انکار ایتمکه مساویدر .

فرد ، انگلتره کی آطهلق اولان یرلرده ، دکرله مناسبی بولونان هیئتلرده ، عناصر طبعیه ایله پنجهلشمک لازم کلن قطعاعده کسب قیمت ایدر . امثله :

انگلتره آطهلردن ، کیریتیلی ، چیقنتیلی ساحلردن ، منصلردن ، قایاقلردن ، صوغوق ، دائما فورطنه لره معروض حوالیدن ، صیق صیق انجماد ایدن مواقعدن ، سیس و پوص آلتنده قالان بقاعدن متشکلدر . اوراده عن فرد یاپیله جق شیرلی عن جماعة یامق قابل اوله ماز . انگلیز ملت حاضره سی جرمانیا ، اسقاندیناویا ، [یوتلاند] سواحلندن کلن و آنجق نفسنه اعتمادی اولان مبارز کیمجیلر تشکیل ایتشدی . بناءً علیه بیوک - بریتانیاده اصل فرد ، فرع جمعیتدر .

- آچاق مملکت - Nederland ، یعنی یا کلش اوله رق فلمنک

دیدیکمزدیار بر طرفدن شمال دکزینک، دیگر جهتدن داخلی صولرینک مهاجمه سنه معروض غریب برالکادر . اوراده، یاشایه بیلیمک ایچون فرد، عناصرله متهدیاً حرب حالنده بولونمق مجبوریتنده در . فرد، فلمنکده قناعت وتوکل دینان ذمائی ایلری یه کوتورورسه در حال تولور . آنک ایچون فلمنک طور اغنده ده افرادی بیوک بر قیمت اقتصادی واجتماعیه مالک بر ملت یتشمشدر .

آمریقا، حین کشفنده، قرمنری رنگلی نیم وحشی انسانلر، وحشی حیوانلر، ایچنه بالطه صاپی کیرماش اورمانلر، قودورمش صولر و بر چوق عناصر متخاصمه طبعیه ایله مالا مال ایدی . اورایه کیدنلر بتون بو عناصر ایله حرب ایتیمک مجبوریتنده ایدیلر . یکی دنیانک شمیدیکی حکومات متحده اراضیسنی اشغال ایدن اقسامنه اساساً فرداً قوتلی آنغلو - صاقسونلر و، لاتینلرک ایچنده بونلره اک چوق بکزمه یین نورمانلر و پروتونلر هجرت ایتدیکندن آمریقاده هم غننه وتشکیلات قدیمه، همده تشکیلات جدیده اعتبار ایله پک دکرلی بر عنصر یتشدی . انکلیزلر وفلمنکلیلر، فردیوندن اولدقلرندن، دنیانک بر چوق جهاتنه کیتدیلر، مستولی اولدیلر . آمریقالیلرک مستملکاتی یوقدر ویا موجود مستعمرات کچن سنه لر آلدله ایدلمشدر ظننده بولونمه ییکز . آمریقانک شرق یعنی بحر محیط اطلامی سواحلنده کی حکوماتی اصله - مادر وطن - در . وسط، جنوب و بالخاصه غرب ایالاتی - نیو یئغلند = یکی انکلیتره - یاد اولونان شرقی آمریقانک مستعمره سیدر . آمریقانک [مه قسیقو] دن تا [هورن] بروننه قدر ممتد اولان وسطی وجنوبی اقسامنه آنغلو - صاقسونلر کی فردیوندن اولیان

لاتینلر، یعنی اسپانیولر و پورتکیزلر هجرت ایتدکلرندن شمالی آمریقا ده
ایدیلن تجربه اجتماعی، اقتصادی، مدنی اوراده ایدله مشدر. ترکلرک
ایسه اقلیمی ده، محیطی ده، عرقی ده، تاریخی ده، تشکیلات قدیمه سی ده
آغلو - صاقسونلر بکزه مز.

آلمانلر بزه دها زیاده بکزه ر. آنلرده، بزده برر هیئت عسکریه
تشکیل ایدیورز. آلمان فردی، انکلیزدن دها مطیع، دها رطایتکار،
دها زیاده وظیفه حسنی بیلیر. اساساً بزده طبع و مزاجزده مرکوز
بولونان اطاعتک، رعایتک، حس وظیفه نک تمیه سی قابلدیر و بو کیفیت
تمیه ده بر فیض واردر.

بونکله برابر فرد اراده جزئی نه مالک اولمیدر. آنک قابلیت
فردیه سی شمدیکی درکه پستیسنده بولونما لیدر. فرد، کندی کندینه
استناد اتمیه یی آرتق آکلامق مجبوریتده در. بو - معرفت نفس - ،
بو احتیاج نه قدر آکلاشیله حق اولورسه قیمت ملیه مز او مرتبه
آرته جقدر.

عجبا فردک قیمت اجتماعی و اقتصادی سنی کیم ونصل ترفع ایده جک؟
بوکا جواب ویرمک برآز مشکلجه ظن ایدیلیرسه ده حقیقت او یله
دکلدر. بزده فرد کندی کندینه یوکسلمک چاره سنی بوله مدیفندن درکه
بوکون، بو حالده قالمیور. او حالده فردی یوکسته جک طبقه علیادر.
طبقه علیانک ایچنده ده الک مهم عنصر رفعتکار، شهسز، حکومتدر.
روسیه نک وحشتدن چیقوب مهما امکان تمدن ایتسی منحصرأ
حکومت سایه سنده اولمشدر. بو انقلابک نه صورتله میدان کلدیکی
بعض مرتبه [مقدرات تاریخیه] عنوانی اثرمده شرح ایتدم. بزده

تشبثات شخصیه بیوک نتیجہ لر ویرہ میور . شخصی تشبث ایله اورتہ یه قوش بریوجک ایشه هنوز تصادف ایده مدم . بوکا بناء درکه تشبثات ذاتیه بل باغلامنی مملکتہز ایچون مضر دکلسده زائد ویا واهی کورلردنم .

بزده افرادک مظهر تعالی اوله بیلیمسی آنجق و آنجق هیئتک فعالانه مداخله و مظاهرتنه وابسته در . شرق ، شمدی یه قدر ، هر فیضی هیئت و حکومت دنیلن ولی نعمتدن کورمشدر . فردی ، نسوی ، عائلی بر سیاستک تطبیقی قیمت ملیه یی تزیدد ایده جکدر .

فردمن مطیع ، حق اویصالدر . بعض مرتبه تردی ایتمش شهرلیرمن حقدنه بشقه بر تربوی سیاست اتخاذا اولونمقله برابر سیاستمنز اوله بر مجرا تعقیب ایتلیدرکه اصلا بوزولمش اولیان ، متردی بولونمیان فردمن ، سرعتله ، ترفیع سویه ایده بیلسون .

بلغار مثالی پک مهمدر . بلغارلر ، حکومت قدیمه لرینک انقراضی اوزرینه یوکسک لکن متردی طبقه دن محروم قالمشلردی . بو محرومیت ، ملت ایچون محض نعمت اولمشدر . ملتک اکثریت قطعیه سی چوبان و چفتچی ایدی . بوماده ابتدائیه نك ذاتاً مختل اولسی قابل دکلدی .

۱۲۹۳ده امارتک حین تشککنده ایش باشنه خیرخواه بر طبقه ممتازه کچدی . بونلر گراسته یی آله آلدیلر . رنده لدیلر . گراسته نك کندیسنه ویریلن شکه اعتراض ایتک حق ، امکانی ، قابیلی یوقدی . بوکون میدان چالشمه سی بیلر وجداً چالیشیر بر بلغار ملتی کلدی .

بزم - شهرلر مستتا - اکثریتنر ایسه بلغار مواد ابتدائیه سندن

بك فرقلی دكلدر . بدعتلره ، تجربه ایدلمه مش تجدد پروژهلرینه التفات ایدلمه مك شرطی ، شرط اعظمی ایله علی العاده اوقویوب یازمق ، علی العاده آداب معاشرت ، علی العاده حفظ صحت ونظافت ، علی العاده چالشمق اصوللری تعمیم ایدیله جك اولورسه بر دوره پنچ ساللده بیوك بر خطوه ترقی آتیله بیله جكي محققدر .

انضباطی ، انقادی ، اخلاقیاتی ، موازنه اجتماعی بی ادامه ایتك ایچون تربیه دینییه اهمیت ویرلمسی وبو تربیه نك دساتیر شرعییه ابتناء دهایی بر طرزه افراغی فردی اعلا ایدله جكددر . فینلانندیاده ، اسوچده ، دانمارقهده ، نوروچده ، ایزلاند آطه سنده کوزمله کوردیکم وآکلاویه بیلدیکم ترقیات فردیه ، هپ تربیه مذهبییه اهمیت ویرمکله حاصل اولمشدر . مدنیت حاضره ، علوم مدونه ، بو تربیه نك یرینه قائم اوله جق بردیکرینی هنوز اقامه ایدمه مشلدر .

یوقاریده اسملرینی ذکر ایتدیکمز آنغلو - صاقسونلر ، فلمسکیلر ، آمریقالیلر بو تربیه بی عادتاً افراطه کتورمشلدر .

بزدن زیاده جمعینه اهمیت ویرن هیئتلرده ، مثلاً آلمانلرده ده ، بو نوع تربیه خلقلک ناظم حیاتیدر . هر ایکی مسلکه سالک اولانلرده بو قیل تربیه التفاتکار اولورسه بزم فرانسز اصوللرینی اقتباس ایتمکلمزه بر معنی ویرله مز .

افرادى انضباط آلتنده بولندیره جق ، آنی اقتصاداً واجتماعاً یوکسلته جك الکای چاره ، بوکون الحق ، لاشک ، تربیه مذهبییه در .

قادرین ، بزده ، بو محاربهٔ عمومیه هنگامنده ، آماتورلاک نتیجه‌سی
اوله رق دکل ، برلزوم واحتیاج سوقیله فعالیت عمومیه داخل اولور .
صوکه نسلدن اول بزده نساء شدیکنه نسبتله غایت قناعتکار ، مقصد ،
سفاهندن محتجب ، چالیشقان ، صنایع بیتیه ده ، معلبو خاتمه عادتاً استاد ،
نقش ونسجده ماهر ایدی . جدادتمزک وجوده کتیر دکبری آثار صنعته
حیران اولماق ممکن دکلدیر .

لکن صنایع اجنبیه نک مملکت مزه پک اوجوز امتعه کوندره بیلمسی
بزده قادینک فعالیت صناعیه سنه خیلی خلل کتیرمشدیر .
کذلک ترس یولدن اوروپایه کیتیمک کمز بر چوق عائله فضائل
وخصائلی آلت اوست ایتشدیر . ایشته بوکا مبنیدر که اسکی - نمودج - لر
بزده کیتدجکه توکه نیور .

تشکر ایدم که دورفرت ، فاصلهٔ انتظام هنگامی چوق سورمه دی .
حیات طارالدیغندن جمعیتک بوکونه قدر عاقل طوران ، بوش
اوطوران ایکنجی قسمنه احتیاج حاصل اولدی : قادرین ینه صحفه
مساعیه کیردی .

قادرین ، قادینانی ، خصوصیتی دائره سنده ترقی ایدر وچالیشیرسه
بوندن ایکی نتیجه چیقه جقدر : ۱ -) ملتک ایکنجی نصفی یوکسلمکله
بالطبع بتون ملتک ده سویه سی ده ترفع ایدم جکدر ؛ ۲ -) شمعی
ملتک بوش کزن یاریسی ویاخود آندن بلکه برآز زیاده سی مهما
امکن عالم مساعیه داخل اوله جغندن استحصال تمز آرته جقدر .

شهید اولادی دارالایتملره آلینیور . شهه سز بو یتیم خانه لرده ،
عائله لردن زیاده ، تربیه وتعلیم اصوللری تطبیق اولونیور . قیزلر

دها جدی ، دها عملی ، دها آز نازی ، مزاحم حیاته دها
حمول ، دها چویک وچالاک اولورلر . بونلر حیاته داخل اولوب
عائله تشکیل ایتیمه باشلانجه ، البته ، کورکولرندن استفاده ایدم جکدردر .
نتیجه : نسل آتی ، نسل لاحقدن دها عملی وجدی ، دها چالیشان
وغیرتلی اوله جقدر .

اهالیزک اکثریتی چفتجیدر . دارالایتملرده نظریات وخیالاتدن
اجتناب ایدیلرک حیات زراعیهدم قابل استعمال اولان مبادی قیزلره
افاضه ایدیلرک اولورسه کویلر مزک ، عهد جدیدده ، دها معصور ؛
کویلر مزک دها مدنی ومرتقی اوله جقلری بیوک بر احتمال ایله تخمین
ایدیلر بیلیر .

تکرار ایدم : تشکیلات ملیه ، عائله تشکیلاتنه وآنحقیق آکامستنددر .
عائله بی تقویه ایدیکز ؛ آکا لازم کلن فضائل اقتصادی و اعتیاد سعی
وعملی ویریکز ، ملت دها قابلیتکار اولور .

عائله نک تقویه سی آکا تعلق ایدن دساتیرک ، اصولاتک جدیدنه
منوطدر . مناحکات دها اساسلی اوللی . تعدد زوجات خصوصنده کی
مساغ سوء تفسیر ایدلملی . نکاحلری ، طلاقلری الی نهاییه تزید
ایدم جک مرتبهده عدم جدیدتله قییمه ملی . طلاق بدعتی ضرورت
شرعیه مرتبه سنه ایندیرمللی . عائله اسامی وغننه سی تقرر ایتلی .
خلاصه ، عائله ، الک مقدس ، الک لزوملی ، الک فیضناک بر مؤسسه اولمق
اوزره طائمالیدر . عائله اقومنه خلل کتیره جک حرکاتی تحریم ایچون
وضع اولنه حق قوانین ضابطه نه قدر صیتی ، نه درجه لرده ، draconien
اولورسه او قدر اییدر . آلمانیا و آمریکا حکومتات متحده سنده ضابطه
اخلاقیه زیاده سیله صیقیدر . فرانسه ده دکلدور .

بزده آلمان و آمريکا اصولارينك تېبى زياده سيلاه فائده اوراوله جقدر.
 - قادينلر عز - عنوانيله مملكتهمزده ايلك دفعه اولق اوزره مسائل
 نسويه داتر بر كتاب يازمش ايدم . اوراده ، بزده عائله اصولارينك
 غير مستقر بولونديغندن بعض غرب علماسينك جمعيتهمزه تعريض
 ايتدكلرندن ، بونلرده زها بلرنده حقل اولدقلرندن ، بزده عائله اقنومنه پك
 چوق اهميت وقوت و يرلسى ازومندن اوزون اوزادى به بحث ايتمش ايدم .
 بومطالعات اوزرنده اصرار ايدرم . اترم محاربه دن اول يازلشدى .
 محاربه عموميه شرائط حياتيه واجتماعيه ي بعض مرتبه دكشيدردى .
 بوتبدلات ده ، عائله اقنومنك تقويه سنى استلزام ايتكده در .
 تناقص نفوس مسئله سى آنجق عائله لرك تنظيماته اوغرامسيلاه
 برطرف ايديله بيلير .

عائله مستقر اولق ، اوفق تفك بهانه لر ايله ييقلاماق ، اُسن
 هر روز كاره طايانق اقتضا ايدر كه چوجقلمطرده اهمتاماته ، منتظم
 بر تربيه يه مظهر اولسونلر .

عائله مسئله سى بزجه اردو و دونما مسئله سندن ، هله ديونات
 عموميه قضيه سندن هر جالده پك مهمدر .

عائله نك ، قادينك ، يتيمك تنظيم امورى ، ترصين موقعى ، مدافعه
 حقوق ايچون مستقل بر نظارت تشكيل بيله ايدلسه حيرت ايتم .
 اوروپانك بر چوق ممالككنده احتياجات جديده طولاييسيله اعاشه
 عموميه ، حوائج ضروريه ، مدافعه هوايه كى يكي نظارتلر و شعبات
 حكومت تشكيل ايدلدى . بونلر پك مهم امور و مواد تعلق ايديورلر
 نظمزده زاهل دكلسه ك عائله اعاشه دن اهمدر .

حرب عمومی، تاریخ عالمده، یکی بر رأس تقویمدر. بوندن صکره،
 بوندن اول عقلمزه پک کلیان مسائل بزی مشغول ایده جکدر .
 آتیلان طوپلر و طورپیللر یکی یکی مسئلهلر تولید ایتدی . بونلرک
 اک اساسلیسی نفوسه و ماتی یکیدن تشکیل ایتمکه متفرع اولانیدر .
 بومسئله نك بزجه اهمیتی ایکی قاتدر. چونکه بز، حربدن اولده
 بومسئله یی حل ایتمه مش ایدک .

اورتہ طبقہ

— بورژوازی — دنیان اصناف طبقہ سنک ، اورتہ خلقك قرون متأخرہ دہ حریت اکتساب ایدرك زنکینلش سسی اوروپانك ثروت حاضرہ سنی تولید ایتشدرد .

وقتیہ ، درلو درلو اشکالہ اسارت و مربوطیت اصل ، حریت عارض ایدی . اصیلزادگان ورہبان صنفی کنیدیلرندن اولیانلرہ عادتاً برمال مقوم ایمش کی تصرف ایدیورلردی . اگر غربدہ طبقات متوسطہ حق وحریتلرینی استعمال ایدہ جك بر حالہ گلسمہ ایدیلر بو کونکی بنای معظم مدنیت تأسس ایتزدی .

بوفقرہ مزددہ — بورژوازی — صنفك ، آنك اصیلزادگان ورہبان ایلہ سابقا ، طبقات سائرہ ایلہ لاحقاً اولان غوغالرندن ، بواختلافانك تاریخندن بحث ایدہ جك دکلز .

شورادہ یالکز حقیقت آتیہ یہ نظر دقتی جلب ایتك ایستہرز : اوروپادہ طبقات اجتماعیدہ وقوع بولان تکامل ، بزددہ اولہ مامشدر . ترك — بورژوازی — سی ، غربدہ اولدینی کی غنغاثہ ، تشکیلاتہ ، اساساتہ مستند بر صنف دکلدر .

ترک‌لر ایکی‌یه منقسمز : یایوکسک طبقه‌یه ، یاخود آشاغی طبقه‌یه منسوبز . بو ایکسینک آره‌سنده اورته طبقه یوق ویا یوق کیدر . بو نقصان ، بر محصله تارینخدر .

ترک‌لر ، یاخود حصر ایله عثمانلی ترک‌لری دیلم ، دولت حاضره‌یی تأسیس ایتدک‌لری زمانده آزلق ایدیلر . بناءً علیه هرکسه طبقه‌علیاده ، اردو و حکومتده مهم بر موقع اصابت ایدیوردی . لکن بر هیئتک ، هیئت اوله‌رق یا شاه‌بیلیمسی ایچون هر درلو حجیراته صاحب اولسی لازمدر . بناءً علیه وظائف سائره اجتماعیه ترک اولمیانلره ترتب ایتدی . برده ، طوائف ملوک حکمران اولدینی عصرلرده ، بزم دولتک اوان تشککنده ، کوجه‌شککنده ، آبلقلی عسکر هیئننده وسطی آسیادن ملک رومه کلئتله ترک و ترکمن کلدی . بونلر تجارت ، صنایعه چوقلق سلوک ایتدیلر . خدمات سفلیه و چفتجیلک کندیلمینه قالدی . بو صورتلده بر آشاغی طبقه تشکل ایتدی .

رومالی ، بیزانتین واورتودوقس اولان آناتولی ، بویله‌جه ، بر قاج عصرده عثمانلی ، ترک و مسلمان اولدی . عناصر غیرملیه حکومته تشریک ایدلمدیکندن بونلردن یوکسک طبقه‌یه داخل اوله‌حق کیمسه چیقمازدی . انسای فتحده طبقه‌علیا یا هجرت ، یاخود موقعی غائب ایتدی .

عناصر ملیه ، کذلک ، الک آشاغیده‌کی ایشلری ، یعنی چفتجیلکی ایفا ایده‌مزلردی ؛ چونکه کندیلمر ایچون وضعیت مناسب دکلدی . دقت بیورلسون که اکثریتدن بحث ایدیوروز . ترک اولمیان چفتجیلره ترک اولان تجاره آناتولیده اسکیدن بری تصادف ایدیلردی . شواذی

برطرف ایدیلیرسه قاعده من طوغریلغنی ینه محافظه ایدر .
 ایشته بویله لکله اصنافلق، تجارت، خرفت عناصر غیرملیه بهمان همان
 انحصار ایتدی. بونلر زنکین اولدیلر. بونلردن بر قسمنک پیدای ثروت
 ایتسی یونان قرالغنک سبب وجودی بیله اولمشدر. فی الواقع تشکلی ایدن
 - ائینکی نه تهری آ - معارفه و تجارتیه اهمیت و یرمش؛ تنور ایدن و پاره
 قازانان روملرک غیرتیه یونانستان تشکلی ایتمشدر .

[صوغوجق] قلعه سنی بنا ایدن فرح علی پاشا، عسا کر آره سنده بر
 چنکانه بولغله، بونی نعم الوسیله اتخاذا ایتمش، بو چرکس قطرنده صنایعک
 وجود بولمه سنه موفق اولمش، کذلک بر مردارمنی یه ده تصادف ایتسکله
 آ کاده دکان آچدیر مشدر. مشارالیهک کاتبی دییورکه ترکر عسکر و مأمور
 اولدیغندن مملکته اصناف لازمدی. اصنافلی ایهه بالطبع ترکر ایفا
 ایدمه جکندن پاشا مرحوم ابراز کرامت ایدرک بر چنکانه و برارمنی
 بولدی .

شو فقره نک پک معیندار اولدیغنی سولیک فضلدر .
 باشمزه کلن فلاکتلرک بلکه بر چوغنی بویله بر طبقه متوسطه مالک
 اولدیغمن نتیجه سیدر .

بزرده طبقات اجتماعی تام دکلدر ؛ نقصاندر .
 هیئت مزک هیأت سائر هیه یا قلاشه بیلمسی ایچون طبقات اجتماعی بی
 تنظیم و تشکلی ایتلی یز .

عجا طبقات اجتماعی تشکلی ایدیه بیلمی ؛ یوقسه بونلر
 تشکلی می ایدر ؛

تشکیل ده ایدیلر ؛ تشکلی ده ایدر .

طبقات اجتماعیه نك مولدی ایجابات تاریخیه اولدینی کی ایجابات
سیاسیه ، اقتصادیه ، محیطیه ، زمانیه ده اوله بیلیر .

فلسئکده زاده تاریخ اولان برصراف طبقه سی وار . اسویچر دهده ،
[بازل] ده ؛ آلمانیده [فرانقفوت] دهده بانکر طبقات تاریخیه سنه
تصادف اولونور . شمال دگزى سواحلنده ، اسکی [هانسا]
قونفده راسیونى تشکیل ایدن شهرلرده ، [هامبورگ] ، [لوبهق] ،
[برهمن] ده ؛ نوروچده ، [بهرکن] ده ؛ دانمارقهده [قوبنهاغ] ده
کدکلی مجهز اصنافی موجوددر . [آنوهرس] ده ، [آمستردام] ده
صنعتلرینه ، تجارتلرینه جدلرندن توارث ایتیش الماستراشلر کوریلور .
برعکس اوله رق سیاستک ، انقلاباتک آچدینی یرلرده ، اختراعات
نتیجه سی اوله رق طبقات اجتماعیه وجود بولمشد . بونلرک هر نوعه
آمریقالرده ، جنوبی آفریقاده ، آوسترالیاده ، یکی زه لاندده مثال
بولوق قابلدور .

بو مطالعاتدن مقصدمن ، بزدهده بر طبقه متوسطه نك امکان

(ابداع) یدر !

ذاتاً حیاتک کوچلشمسی ، عهد قدیمک قابلمسی ، احتیاجاتک تنوعی ،
بورجک چوغالمسی ، الی آخره ، کی بر طاقم سوائق ترکلری مأموریتدن
تبرید ، اصنافله تقرب ایدیور . بو محاربه عمومیه هنکامنده اساسلی ،
غیر موقت اوله جفی استدلال ایدیلن بر اقباه و تیقظ اقتصادینک شاهدهی
اولیورن .

مشروطیتک انهای اعلاننده بر تشبث شخصی موداسی میدان
آلمشدی . بر لزوم و احتیاج اوزرینه دکل ، کوسترش اولوق ایچون

بکلمه مزدن بر قسمی امور تجاریه به هوس ایتدیلر. لکن هنوز وضعیت مساعد دکلدی. امتیازات اجنیه مملکت مزده، وطن مزده، بزی، یانجیلردن دها آز حقوقه مالک بر طبقه حالده بولوندیریوردی. دور حمیدی هنوز یکی قاپاندیغدن احتیاجات جدیدده تحقق ایتمه مشدی. بر بک افندینک وعظ و نصیحت ایله او یاندر مق ایستدیکی تشبث شخصی شیمه سی او یانه مدی. هر ایش وقتنده اولور. وقتسز بر شینی اولماز.

ترک ایش کورمه سی کندی قابلیتسز لکندن دکل، مکرو وضعیت حقوقیه سندن منبعث ایمش!

امتیازات اجنیه قالدیرلدی. ییانجی عناصر پلی پی پرتی پی طوبلامغه مجبور اولدیلر. ترکره براویانقلق کلدی. بو حرکت اقتصادیه جدیدر، کچیجی، یاخود آماتورلک، هوسکارلق قیلندن دکلدر. بو خواهش ملتک اعماق روحندن، ایجابات زمانیه دن، احتیاجدن، انتباه و تیقظدن طو غیور.

اصنافلنک جهت علمیه سی، قسم کیسی پی پک مشکل دکلدر. واقعا مثلا ذخیره جیلک بیوک بر اختصاصدر. بورسه معاملاتی غایت دقیق معلوماته متوقفدر. شوقدر وارکه مستعد بر ترک بونلری آرزمانده الدیه بیلیر.

فی الواقع ابا عن جد بر عائله نک مالی اولان تجارتخانه لر کوریلیر. وهله ابتدائییه ذهن ایدیلیر که تجارت بر عائله ده عنعنه شکننده تمادی ایدرسه ای نتیجه لر ویرر. بو فکرک طوغریلفی، یا کلشلفی ده کوستره جک امثال واردر.

آمریقادہ - علی الا کثر - اوغل ، بابانک صنعتہ توارث ایتمز .
 حر قالیر . هر زمرده کار کورور و بولورسه اورایه کیدر . تبدیل
 مسلاک ایتمکدن چکنمز . عشق مسلکله بریرده چویلنوب ابدیاقالماز .
 اورا احوال اجتماعیه سنی تدقیق ایدنلر بواصولی مؤاخذہ ایتمورلر .
 انکلتزده بر تجارتک اباعن جد دوام ایتدیجی کوریلور . بویله بابادن
 اوغله انتقال ایتمز بر تجارتخانه سرمایہ سنک الی نہایہ تراید ایتسی قابلدور .
 زنکین بر تجارتخانه قونان بر کنج شویله بر قیاس یاپور : بوایش ،
 ساعت کبی ، کیدیور . بن چالشه سہ مده ، چالشه سہ مده نتیجه بردر .
 بالعکس بر آرز معاش ویرہ رک قوللانہ جنم (و یا خود قوللانمقده اولدیغم
 مدیر) تجارتخانه بی بندن ای تدویر ایدیور . بوتجارتی لیمتد یعنی آنونیم
 شرکت حالنه قورم (و یا قویدم) . بنم ایشم کونده یارم ساعت قدر
 اورایه کیدوب برقاج امضاویر مکدن عبارت قالور . آندن صکره کیدر ،
 پارس صحنہ لرندن جلب ایتدیکم دوشیزکان ایله اکلنیر ، الک نفیس
 شامپانیالری ایچہر ، الک معطر هاوانا سیغاره لرینی قوللانیرم . حیات ،
 آنجق بر کرہ انسانک ائینه کچر . بن ، ماصہ باشنده ، برقاج پنک
 بر قامیو فرقی آرایه جغمہ ویشی یه کیدر بر سہ زون کچیرم !
 بو فکر انکلتزده تعمم ایدیور . نسل حاضر میراث یدیدر .
 ایشته بوکا بناء درکه انکلتزہ فعالیت اقتصادیه ده یایان قالور ؛
 اوزرلرندن هنوز میراث یدی اولہ حق قدر زمان کچمیان مملکتلرک
 تجارتی بیوک بریتانیا تجارتنه غلبہ ایدیور . بو محاربه عمومیه نک سبب
 حقیقیسی بلکه بودر . شو اوزون استطرا ددن صکره صدمزہ کلہلم :
 زده ، تجارت بر عنعنہ اولمادیغندن قابل ترقی دکلدر دیمک بیوک

بر خطا اولور. وقتيله، مملکت مزده، طبابت ده بر غننه دکلدی. لکن ایدیلن همت و غیرت نتیجه سی اوله رق له الحاد بوکون ملک مزده بر طیب، اجزاجی، کیمیا کر، دیشچی صنف و طبقه سنه مالکزر. قدیمآ، مهندسلاک تحصیل ایدوب اوروپادن بورایه عودت ایدن ترکار صنعتارینی اجرا ایده جک بر زمین بوله مدقلرندن تبدیل مسالکله أمور اولغه مجبور قالیورلردی.

شمدی ایسه مهندسلاک، بالخاصه ألقتریق مهندسلاکری ایچون مملکت مزده یر بولماق مشکدر. محاربه دن صکره ألقتریق ممالک عثمانیه ده پک زیاده تعمم ایده جکدر. اووقت یرلی مهندسلاکری استخدام ایتک شویله طورسون، خارجدن کنلاری بیله بر خیلی وقت ایشده قوللامق مجبوریتده بولونه جغز.

ایش و کارک ظهور و تحقیقنده مملکت مزده آدم بولونه جفی ویا یتیشه جکی طبعیدر. بوکا تردد ایدله ملیدر.

کله لم قابلیت مسئله سنه : عدم قابلیت شقی ادعا ایدنلر یا کلیورلر. ترکارک زراعتده، تجارتده، صنایعده، ادبیاتده استعدادلری اولدیغنه قناعت وایمان ایدنلردنم. مقصدی توضیح واثبات ایدیم : چکلرده ضربخانه عامرہ یی کزمش ایدم. سکه من اوروپاده کسینلن پاره لردن آشاغی قالیور. سهو و خطایی حسابدن عادتاً طرد ایدن قطعیت آلاتی، امثالی آنجق لوندره دن کتیرتیلن ماکنه لری یرلی اوسته لر، هیچ برواسطه اجنبیه یره مراجعت ایتدن، اسکی سرایک برکوشه سنه صقیشدیریلان ضربخانه مزده یاپه بیلدملر. آز وابتدائی وسائطله بوکی موفقاته نائل اولان اوسته لر چوق ودها متکامل وسائطله نیچون هر

شیئی یا پهمسونلر ؟ اعمالات حربیه ده ، ترسانه ده ، تلغراف فابریقه -
 سنده ، زیتون بروننده ، شرکت خیریه دستکاهلرنده ، سابق بیلدیز
 سراینده کی چینی فابریقه سنده ، هرکده ، حجاز تیمور یولی انشاآتنده
 ابراز هنر ایدن اوسته لر منزه قابلیتی انکار ایتک طوغری دکدر .
 ثلثان عصر اول تلغراف خطوطی منحصرآ وسائط ملیه ایله
 تمدید ایدلمشدی . اوزمان ترسانه ده زرهللی بیله یاییلوردی . شرکت
 خیریه براداره ملیه در . بو نمونه لری کوسترنلر نیچون دیکر لرینی ده
 کوستره مسونلر ؟

کذلک بدیعیات ایله مناسبتی اولان صنایعه ده ترککر کندیلرینی
 کوستر مشلردر . کوتاهیه چینیلری ، بکقوز بلورلری ، چشم بابللر ،
 مرتبانلر ، یرلی الماستراشلر ، سجاده لر ، مختلف خالیر ، الخ ، هپ ،
 بزده صنایک وجود بوله بیله جکنه مادی ، ال ایله طوته له بیلیر علائمدر .
 ترک کیمجیسی حمل ، صبور ، غیوردر .

صنایک ، اصنافلک ، زراعتک بر آز مظهر تنسیقات اولسی ،
 اجانبه ، عناصر غیر ملیه قارشی حمایه و بوکا بش اون سنه دوام
 ایدلسی ، بهمه حال ، مملکت مزده بر طبقه متوسطه نک ظهورینه ،
 یرلشمه سنه سبب اولور .

قدیمآ ، تشکیلات تاریخیه من بزده بر طبقه متوسطه نک اوروپاده
 اولدینی کی اساسکی اوله سنی انتاج ایتدیکی حالده ، ینه ، بعض ضعیف
 طبقات واردی .

اولیا چلبی اوقونه جق اولورسه کوریلورکه بونلر تشکیلات مخصوصه
 صهییه بیله تابع ایدیلر . چلینک محرراتنده مبالغه اصل ، صحت

فرع اولمله برابرینه ، تعریفاتندن بر چوق احکام چیقاریله بیلیر .
 بو طبقات بزده بالآخره سوندی ویا سونر کبی اولدی . سببی ؟
 سببی کمرک رسمیدر . یاقین زمانه قدر ادخالاتدن یالکز 8% کمرک
 رسمی آلیردی . کاغد اوزرنده ۸ شکنده کورینان بو رسم ایسه
 حقیقته بونک نصفی قدردی . دیمک که عادتاً رسمسز کبی مملکتمزده
 داخل اوله بیلن امتعه اجنبیه داخل مملکتده بزم ایچون چالشمق
 امکاتی سلب ایتمکده ایدی . کمرک رسمنک آنجق بر قیدیه مقابلی
 درجه‌سنده آزاوولسی بزده سربسقی ادخالات اصولنک تطبیق دیمکدی .
 مادام که بو اصول بزم فقرمزی انتاج ایتدی . دیمک که حمایه اصولی
 مملکتمز ایچون مرجحدر . آلتش پاریه اوروپاده یاپیلمش برچفت
 چوراپ آلق ممکن اولورسه نیچون قادینلرمز چوراپ اوره جکز دیه
 عمرلرینی هبا ایتسونلر ؟ بدوی عشرمزه وارنجیه قدره مصمولات
 غربیه بزی فعالیت اقتصادی دن آلیقویمش ایدی .

اجانب هر حالده مملکتمزده ممتازدی . تمتع ویرکوسی ویرمدکارندن
 اهل وطن بونلره رقابت ایده مزدی . یبانیجیلرک آرقه‌سنده سفیرلری ،
 شهندرلری ، تجارت اوطله‌لری ، [لوراندو] و [تویینی] مسائلی
 خاطره کتیرلسون ، اردولری ، دونمالری ، بانکهلری واردی . زواللی
 ترک بونلره قارشی نیایه بیلیردی ؟ الی آیاغی باغلی بر آدم قوشه بیلیرمی ؟
 خلاصه ، امتیازات اجنبیه‌نک الفاسی ، کمرک تعرفه‌سی تنظیمی
 صدندنه حکومتمزک اقتدار حائز بولونمسی مملکتمزده بر اصناف
 طبقه‌سی وجوده کتیره جکدر . بو طبقه سویه ملیه‌بی یوکسلته جکدر .
 آله پاره کچه جکندن ، واردات دولت‌ده نسبت دائره‌سنده آرته‌جق ،

هم محاربه طولایسیله عقد ایتدیگمز مستقرضات اوده نه جك ، هم ده تربیه و اعمارات ملیه ایچون شدتله محتاجی بولوندیغمز مبالغ صرف ایدیله جکدر . ضرورت ، بزی فضله سعیه مجبور ایتمهك قابل دکلدر .

کوریلورکه بزده بر اورته طبقه طو غیور . واقعا نوزاد هنوز آیاق اوستنده طوره جق بر حال و مجالده دکلدر . لکن امین اوله لم هیچ بر سسکتهیه اوغرامه دن بیویه جك ، بر پهلوان اوله جق در . آنک تکاملنه نظارت ایتک حائز ولایت اولان حکومتک وظیفه و حقیدر .

اعمارات نافعه و مؤسسات عدلیه ، تجارت عثمانیه یی تسهیل ایده جك بر حاله کلنجه ، آرتق ، بزمده دیگر ممالک متمدنه کبی ترقی ایتمه مزه مانع قالماز .

هیچ یوقدن بلغارستانده بویله بر اورته طبقه میدانه کلدی . بلغارلرک ، اسکیدن ، بزم کبی بر آشانی ، بر یوقاری اولق اوزره ایکی دکل ؛ یالکز بر آشانی طبقه لری واردی . لکن غیرت و اقدام ایله بر یوکسک طبقه وجود بولدی کبی برده منتظم و حقیقه غیور اورته طبقه حاصل اولدی . بومثال ، شایان قیددر . اوراده اولانک بوراده اوله سنه بر مانع متصور دکلدر .

زمان ، ترکی تجارتیه سوق ایدیور . اقتصاد سیاسی مملکت مزده ده حکمنی اجرا ایتمهک باشلادی . بزده آهنگه اویدق . بوندن صکره المزه کچیردیگمز بوکدکی محافظه ایتک لازمدر . شوراسی ده اونو تلسون که اصنافلق ، اوروپاده و آمریقاده ، اسکيسنه نسبتله پک زیاده اینجه لمش ، تراکت پیدا ایتش ، عادتاً بر صنعت دقیقه ، حق برفن اولمشدر .

اوروپا نك بويله تكامل ايتمش تجارتي مواجهه سنده بزم اصنافن
بر آز- آلايلي- ، - باشي بوزوق- اولور لرسه قولايقله آلدانه بيله جكمز
بدتهيدر .

او حالده ، طبقه تربيه سنه ، اصناف يتشدير مك اصول جديده سنده
بر آز عطف اهميت ايتمه من اقتضا ايد جكدر . بو اصنافك دكل ،
اولوالالبابك وظيفه سيدر .

مليٽپرورلڪ و « شووينيزم »

اجنبى سرمايه سندن پڪ چوق استفاده ايدن مملڪتلردن برى ده
اسوچدر. اسوچ ، اجنبى سرمايه سنه زياده سيله مفتقر اولش ويانجى
بانقه لرده پڪ معتدل شرائطله شمالك بوملكت متكامله سنه كوكل خوشلغيله
پاره اقراض واذانه ايتملردر .

مليٽنه صوك درجه ده اهميت ويرن ، آ كاھر كسى حيران ورعايتكار
ايدن ملتلردن برى ده ، اسوچدر. اسوچلى مليتى ايله مفتخر و آ كاڀك
صادقدر . بونكه برابر اسوچليلرده غرور ، [شووينيزم] يوقدر .
كندى ملتلرينك خصلت و مزيتلر ي پڪ ابي مدرك اولدقلى حاله
ملل سائر نك خصائل و مزاياسنى ردوانكار ايتزلر . بيلرلر كه جهانده
هر ملتك كنديسنه مخصوص مزيتلى و قابليتلى واردر . و برملت ،
قانون عرض و طلب موجبجه ، بهمه حال ديكرينه محتاجدر . بوقاعده نك
استثناسى يوقدر . شمالك سائر اقوامى ده اسوچه بكنزه رلر : فينلانديا ،
نوروچ ، دانمارقه ، فلمنك هپ عيى مزاج و سويه ده درلر .

بناء عليه مليت پرورلڪ ايله [شووينيزم] ي برى برندن كوزلجه
تفريق و تميز ايمه مز لازمدر . بونلردن برنجينسى بر فضيلت ، ديكرى

برذمیستدر. [شوینیزم] وطن و ملیت پرورلکی آذیر مق ، لزومسز ،
 حق مضر یرلرده استصمال ایتک ، مسائل ملیه و وطنیهده فککردن
 زیاده حسه تبعیت ایتک ، بو ایشاری آزیتمق دیمکدر . بر قوله کوره
 [شوینیزم] وطن پرورلکک قاریقاتوریدر ! [شوینیزم] وطن
 عشقنک افراطی دکلدر . [شووهن] ، اصطلاحک وضع و تدویننه کوره
 بر وطنپروردر ، لکن وطن پرورلکی غیر عاقلانه در . [شووهن]
 ظن ایدرکه وطن پرور اولق دیمک دیکرلرینی تحقیر ایتمکه ، خور
 کورمکه مساویدر . بو ، طباً بر بطلاندر . بو مسلکه ویا بو ضالته
 سالک اولانلرجه صلح و مسالمت ایچنده ویا تداییر دوستانه ایله ایش
 کورمک ممکن دکلدر .

بر مأخذہ نظراً موسیو Chauvin آدلی برآدم وارمش که [ناپولهئون]
 محارباتنده ایمپراطورک کرکذاتنه ، کرک افعال و حرکاتنه هادتا پرستش
 ایدر ، حربده هر شیئی آزیتیر ایش . بو اوغورده بوش یره اونیدی
 کره ، جمله سی ده اوکدن اولق اوزره ، یارالمنش . اوچ پارماغنی کسمش
 و بوکا مکافاة بر سیف افتخار بیله آلمش . صفوت درونیه هر شیئی
 افراطه کتورن ، حسیاتنه لزومندن برقاق قات فضله غلیان ویرن بو
 ذات ایله ابتدا آرقداشلری اکلنمکه باشلامش ، صکره ایش قاریقاتوره ،
 تیاترو صحنه لرینه دوکولمش !

شو مقدمه یی سرد ایتمکه بزی سائق اولان جاوید بک افندینک
 کچن کون مجلس مبعوثانده ایراد ایتدیکی نطقک صوک قسملریدر .
 مالیه ناظری ایکی اصطلاحی بربرندن آیریور . فی الواقع ، اکثریا اجانبه
 رعایتکار اولق ، آنلره تشریک مساعی ایتک ، آنلرک عقل و نقدندن

استفاده ده بولونمق بر بیوک وطن پرورلک اولور. چونکه بو سایه ده وطنک سرمایه سی آرتار، قابلیق انکشاف ایدر، حیاتی رفاهیت بولور. حالبوکه، بر عکس اوله رق، ضرری اولیان اجنبی وسائطه قارشی دشمن طاوورانمق بر مملکت داخلنده کی فعالیت تحدید، حق امحا ایدر. اوت! قرون مقدمه و متوسطه ده اولدینی کی قانون مبادله یی طایمق بو عصرده بر مملکت ایچون ممکن اوله ماز. هیچ بر ملت متصور دکلدرکه، بو کون، بر تجرد دائمی حالنده یاشایه بیلسون. بونک آنجق بر مستثنای واردرکه اوده اصلا ترقی ایده میان [تبت] در.

ایشته بتون بو آرا و مطالعاته مبنیدرکه، جاوید بک، مبعوثانک کرسی^۱ رسمیسندن: «بن خارجدن سرمایه نک کله سنه معارض اولانلردن دکلم. فقط بو سرمایه دوستلر من و متفکر من طرفدن کله جک اولورسه البته آنی بر بیوک سبب رجحان وفاقیّت عدایدرز.» دیور. بوسوزلر هر جهته شایان قیددر. بر مملکتی اجانبه تسلیم ایدن اجانبک سرمایه سی دکل، او مملکتک تدبیرات اداره سیدر. الیوم، آمریقاد، خصوصیه بو قطعه نک جنوبنده ملیارلرله اجنبی سرمایه سی دوران ایتکده در. لکن بوسرمایه لرک اصحابندن هیچ برینک، مثلا، حکومت متحده نک ایشلرینه مداخله ایتمی فکری، عقلانه کلیمور. بر مملکتک تشکلاتی، اداره سی، عنعناتی ملیته موافق و عدالته، حقایتیه مقارن اولورسه اجنبی سرمایه سندن قورقو یوقدر. ایشته ملیت بو نقطه ده تظاهر ایتیلدر. جاوید بک دیورکه «مملکت مزه داخل اوله جق اولان سرمایه لردن تحاشی ایدنلر واردر. قبل الحرب بو مملکته کلن سرمایه لرک ورودندن قورقولوردی. چونکه او وقت تورکیه یی بر شبکه^۲ استبداد آلتنه آلمش

اولان قایتولاسیونلر طولایسیله ثروت و سرمایه لری کثیرنلر دولترینک حاکمیتلری ده برابر کتیریورلردی . « لکن بزدها حربه کیرشمه دن اول امتیازات و قیودات اجنبیه بر نهایت ویرلیدکندن آرتق ملیتی اجنبی اولان سرمایه نک مملکت مزه داخل اوله سنده بر محذور قالماشدر . حتی ، جاوید بکک مطالعه سنجه ، مملکتک قورتارلسی لازم کلیرسه بونک ایچون بوکی سرمایه لره صراحت ایدلسی بروجیه بیله تشکیل ایدر .

ناظرک قوانجه ، اورو پانک هر طرفنده ، حتی متفق ممالکده بر آز چوق [شووینیزم] ایله اتهام اولونیورز . بو ، بر مرض مزمن اوله رقتلقی بیله ایدیلیورمش . مطالعه ایتدی کمز بعض آلمان رساله لرنده بو باده مقالات مخصوصه تصادف ایدلشدر . متفق مملکتده بزم [شووینیزم] مزدن شبهه ایدنلر واردی . بوتلقی ردایتمک ایچون ، جاوید بک جمله مزک کله نک معنای لغویسی ایله ، لکن اصطلاحیسیله دکل ، ملیت پرور اولدیغمزی ظریفانه سویلیور . مملکت عثمانیه نک منحصرأ وسائط داخلیه ایله اعمار و استعماری محال اولدینی کبی ، یالکز وسائط اجنبیه ایله اعمار و استعماری ده ملتیزک بادی فلاحتی اوله بیلیر . بناء علیه ، اصل شایان اعتبار اوله جق دستور ، اولاً بزم فعالیت داخل اولماز ، صکره ، اجنبی حد مشروعیت و اعتداله مصالح اقتصادی مزه تشریک ایتمه مزدر .

قومشو بلغارستانده بویه اولمشدر . بلغارستانده کوریلن برچوق مؤسسات صناعیه نک صاحباری اجنیدر . مالیه ناظری بزده اجنبی خصوصتی بولونمیدیقی ، حتی ، اک بحرانلی هنکاملر مزده بیله بونک

علائنه تصادف ایدلمدیکنی کور بر سسله سویلیور. امید ایده لم که بو صدا هر یرده بر معکس بولور. فقط ، یالکز سوز کافی کلز، فعلیات ده لازمدر. بونک ایچون ، جاوید بکک مطالعة رسمیه سنجه عثمانلی الکاسنک هر نقطه سنده اجانبک جانی ، عرضی ، مالی تعرضدن هر حالده مصون قالمیدر . ملتزم و دولتمز اجانبی بویله جه تحت تکفلده بولوندیره جق اولورسه وطنمزک اعماری ایچون لازم اولان میلیارلر ، قولایلقه تدارک اولونه بیلیر . بو بایده رسمی مذاکراتک بیله باشلادیغی شایان ممنونیت بر بشارتدر. اوت ! بویله صاغلام بر اصول سیاست اختیار ایدیلجه کک اولورسه جاوید بکک تخمیناته نظر آ اون سنه یه قالماز مملکتمز داخلنده لازم کلن تشکیلات اقتصادی وجود بولور. ناظر، مبعوثانی ، بوحقائقی ملته بیلدیرمکه ، آنی ارشاد ایتمکه دعوت ایدیورکه بونده زیاده سیله حقیلدر . بو وظیفه نک یالکز هیئت مبعوثانه دکل ، بتون مطبوعاته ، حتی مبعوثاندن زیاده غزته لره ترتب ایتدیکنه قانغز .

زمان ، بزه ، مسئله لری ده تجربی برکوز ایله تحلیل ایتدیریور . بوندن بر مدت مقدم ملیت پرورلک ایله [شووینیزم] ک حد فاصلی نه اولدیغی آراشدیر مامش ایدک . بوکون ، کوریلورکه تجربه عز آرتیور . کچیرمکده اولدیغمز هنکام امتحان بزه فائده بخش اولیور .

بتون ملل مترقیه عضرک ایجاباتندن اولق اوزره ملیت پرورلکی کندیلرینه شطار اتخاذ ایتشلردر . لکن ینه بتون بو ملل مترقیه ، اقتصادیات سیاسیه دنیلن صدده ملیتک حدودینی مدرکدرلر . امید ایده لم که جاوید بکک خطابه سنده مهم بر موقع اشغال ایدن بو حقیقت هر کسجه آ کلاشلسون وتسلیم ایدلسون ! [اقدام]

مطالعہ نك لذتی ، ذوقی

اسکی زمانہ ردہ او قومق ، خصوصیلہ یازمق بك محدود کیمسہ لرك امتیازی کیدی .

بك مقتدر ، عقلی ، بحر کلی آدمی وار دی که امضالری بیله بیله آتمقدن عاجز ایدیلر . بیوك مقاملره چیقان رجال آره سنده ده بو اتمی لره تصادف اولنوردی . قواله لی محمد علی پاشانك اصلا او قومق یازمق بیلمدیکی روایت اولونیور . او قومق ، قدیم دور لرده ، برنوع اختصاص ایدی .

یالکنز بر طبقه ، خلقك بر قسمی قرائت و کتابت علملری بیلیوردی . بونکله برابر امی دیمك ، اصلا جاهل دیمك دکلدی . قدیم یونان تاریخده او یله بیوك ، یالکنز مملکتنده وعصر نده دکل ، هر مملکتده و هر عصرده بیوك طانیلان شاعر لره تصادف اولنور که بونلر کندی داستانلری یازمق قابلیقتدن محروم ایدیلر . حالبو که استقبالک بتون ادیبلری بو شعرانك اثرلری مشق اتخاذا یتملر دی .

بو حال ، اوروپاده درتیوز ، درتیوز الی سنه اول زائل اولمغه باشلادی . مطبعه نك ایجاددی ، یواش یواش ، علمی ، فنی عمومیلشدیردی .

آرتق بیوک مقاملرده او قومق بیلمز کیسه لره راست کلنمک ممکن دکلدی .

مع التأسف مطبعه بزه پك كچ كلدی . بو اعتبار ایله اوروپادن برقاچ عصر کریده یز .

ممالك عثمانیه ده هیچ بروقت معارف تعمیم ایتمه مشدی . حق یکی ادبیاتمیزك باشلادیغی سنه لرده بيله قارئلرك عددی آزدی . شناسی زمانه یتشمش بر قاچ ذاتدن طویدم . کمال ، ضیا کی بللی باشلی ادیبلرمیزك آثارینی اوقویان و آکلایانلر ، بو اثرلرك انتشاری هنکامده بیکلرله دکل ، یوزلرله صاییلورلر مش .

شناسی ایله آنك ایلک خفلی - یاخود شاگردلری تعلیمی didactique بر مقصدله ایشه کیرشمه مشلردی . شناسینک غایه سی لسان کتابتی اسکی قیوددن قورتارمق ، خواصه اوروپایی بیلدیرمک ؛ نامق کمال املی ایسه ملیت ، وطن ، اتحاد اسلام ، حریت فکرلرینی تأسیس ایتمک ایدی . بومقاصد پك بیوک ، پك نافعدر . بو اعتبار ایله بوایکی صاحب قلمی تاریخمیزده دکرلی ذوات عدادینسه ادخال ایدوبیلیرز .

لکن خاتمک سویه سنی یوکسلیتمک ماده سی هنوز او طبقه ارباب فکر و قلمنک مساعیلری دائرہ سنه کیرمه مشدی . بونلردن طولای اسلافی معاتبه ایتمک اصلا عقمیزه کلز .

یوکسک ، منور قسملری یتشدرمک ایلک ، عوامی تربیه ایتمک ایکینجی وظیفه در .

خالق یتشدرن متحیزاندر . بناء علیه سلفلرمیزك عوامدن

زیاده خواصه عطف اعتبار ایتملری غیر طبعی بر غیرت دکلدر .
خواجه یتشدر مه دن چو جقلرک تربیه سی قابل اولمدینی کبی، عوامک
سویه سنی ترفیع ایچون خواص یتشمه دن غیرتده بولونمق ممکن اولمه ماز .
عوامی کیم یتشدره جک؟ ایشته، اول باول ، یکی اویانان بر جمعیتده
بوکا باقق اقتضا ایدردی .

قنون اجتماعیه ایله ، خصوصیه روحیات ایله اوغراشانلر ، مثلاً
[دوقتور کوستاو لوبون] بونقطه اوزرنده خیلی اصرار ایدیورلر .
اورتیه قویدیفمز مسئله یی بر بشقه شکله ده وضع ایدم بیلیرز :
اولا ابتدائی مکتبلر، صکره عالی مکتبلر می تأسیس ایدم لیدر ؟ خایر!
مکاتب ابتدائی بی اداره ایدم بیلیمک ایچون معلملره احتیاجمز واردر .
بونلرکده یتیشه جکی یر ، شبهه سز ، مکاتب عالیه ، دارالمعلمینلر ،
دارالفنونلردر . لکن مهما امکان خواص یتشد کدن صکره آرتق
عوامک یوکسلمه سنه ، مکاتب صیدانیه نک زیاده لشمه سنه باقق ضروریدر،
فرضدر .

بزده اوقومق لذتی ایلاک نشر ایدن ، ظمنزده خطا یوقسه ،
احمد مدحت افندی مرحومدر . آتیده ، اصول فیه دائره سننده بر
ادبیات تاریخمز یازیله جق اولورسه مدحت افندی به فکر واسلوب
اعتباریه بیوک بر پایه ویرلیه جکدر؛ لکن بوذات ترک ادبیاتی تاریخنده
مطالعه لذت وذوقنی بلکه ایلاک نشر ایدن محرر اولمشدر .

احمد مدحت افندی « کیفیت » پک باقماش ، « کمیت » باقش .
اسلوب قیدنده پک بولونماش ، لکن ، متمادیا قارئلرینک سویه سنی ،
احتیاجاتی دوشونمشدر . تشکره شایاندرکه اوزمانلر خواص ایچون

يازان نامق کال بکله ، عوام ايچون يازان احمد مدحت افندي - ويا طرفدارلري آره سنده «وظفه و صلاحيت» دعواي چيقما مشدر . مع التأسف شمديکي ارباب قلم آره سنده بو دعوي تحث ايدور . برينک اختصاصي عوامي تنوير اولديني کي دیکرينک صريته خواصي ارشاد اوله بيلير . ابتدائي مکتي خواجه سنک همقي کي ، پارس دارالفنوننده اسکي مصر [هيهروغليف] لرینک نه شکله اوقونديغه ، صورت تلفظه دائر درسر ورن [ماسهرو] نک غيرتي البته مشکوردر .

خواص مسئله سني - شمديک - برطرف ايدلم . بزده خواصي يتشديرمه نک زماني کلش ، حتی کچم مشدر . مدني هيئتله آره سنده عوامنک عددي بزمني قدر اولان هيچ بر ملت يوقدر . اوقور يازارلرک برستايستقي ياپيلسه و بو ، دیکر ملتله احصائياتي ايله مقايسه ايدلسه وخيم برمنظره قارشيسنده قاليرز .

مملکت مز عوامي بيوک بر جهالت ايچنده در . بز ، علي الاكثر عوام ايله مناسبتده بولونمديغمزدن و آرقداشار مز دائما کندی سويه مزده کي ذوات اولديغندن بوقالين وقابا جهالتي کوزلر مزله کوره ميورز . لکن اجنبي مملکتلردن وطنمزي تدقيق ايچون کلنلر در حال بو منظره نک قارشيسنده بولونيورلر .

عوامنک صوک طبقه سندن ، الفبا ايله مناسبتي اولميان قسمندن بحث ايتيم . لکن بعض طبقات واردر که بونلر مهمالمن اوقور يازار ، حتی مکتبلي اولدقلى حالده اصلا - منور - دکلدلر . بولوندقلى موقع ماديدن بر آز يوقاريسنه چيقمق ايچون لازم کلن معلوماتي اکتساب ايدمه مدکلى کي برائساني انسان ايدن علمي ، فلسفي ، ادبي ، تاريخي معادلاتي ده

آکله یامامشلردر. قلم افندیلرینک بیوک برا کثرتی بوزمره یه داخلدر. عجیاقباحث کیمده در: بو یاری جاهلرده می! آنلری بودر که ده بر اقان عالمرده می؟ الجواب: عالمرده.

عوامک، شبه عوامک احتیاجات فکریه سی، آنلرک مطالعه یه نصل سوق ایدیه بیله جکاری بزده حتی هنوز بر مسئله شکننده موضوع بحث اولامشدر.

حالبوکه احمد مدحت افندی، بلکه شمس الدین سامی بک بودقیقه یی دوشونمشلردی. عوام، شبه عوام بیوک مسئله لری مجرد بر صورتده آکلایه ماز؛ تصویر من عفو ایدلسون هضم ایده من. حتی بیوک حسله، فلسفی بر صورتده اراهه ایدلسه، عوامده لاقیدلقدن بشقه بر تأثیر تولید ایتمز. خاقی حس ایتمکه، دوشونمکه، بو سایه ده مرتبه رشده ایرشمکه اماله ایچون رومان شکننده ادبیات لازمدر.

بورومانلری یازمق خیلی کوچ برایشدر.

برانجمن دانش حضورنده اوقومق ایچون قلمه آلینان بر رساله بالنسبه قولای یازیلیر. مسئله اولدینی کبی عرض ایدیلیر. حالبوکه چو جقلره خطاباً یازیلان بر کتاب آنلرک قابلیت ذهنیه لری، ملکه لری کورکولری، درجه و قوفلری، مرحله استعدادلری نظر دقته آینه رق یازیلیر.

عوامه و عوامله خواص آرمه سنده کی طبقه و یا طبقه لره یازیلان کتاب وبالخاصه رومانلرک تحریرنده بیوک تدقیقات روحیه یه کیرشلمک واجبدر.

بزاورته و آشاغی طبقه لرمزک احوالی اصلاً بیلیمورز. عجبا

بونلرك دردی ، ذوقی ، غایه لری نه در ؟ مجهول اندر مجهول ! عوامك
وضعیقی نه در ونه اولمیدر ؟ ایسته بوده بر مسئله در .

بوقاریشیق مسئله لری آنحق و آنحق رومان ، ماصل حل ایدم بیلیر .
فرانسه کویلدینك ، انكلیز کیمچینك ، آلمان عسکرینك ، آمریکا
معدنچینك خصوصیاتنی هنوز قنون اجتماعیه دستور حالنه ارجاع
وافراغ ایدمه مشدر . آنحق رومان ادبیاتی بزه حقائقی اوکرته بیلیر .
کوکلرك ، دكزلرك ، تاریخك ، مسائل اقتصادیك ، تابلولرك
تدقیقی نه قدر مهم ومفید بر مطلب ایسه ملتك طبقه اصلیه واساسیه سی
اولان خلقی تتبع ایتمك ده مهم ومفید بر مطلبدر .

ترقی و تکامل پروژه لری هب بو تدقیقاته ابنا ایتمیدر . اکر
اول باول بوکی تدقیقات یاپیلما مش ایسه تصورات هب خیالی اولور .
نتایجه ده بوش چیقار .

صدمزی توضیح ایدم : حسی ، فکری ، معنوی ؛ یا خود آلی ،
عملی ، مادی بتون لوازم واحتیاجی خواصدن اولیان طبقه یه اول باول
رومان و ماصل شکلنده یوتدیرم بیلیرز . روسیه ده وهر اوج
اسقاندیناویا مملکتنده بوکی ادبیات زیاده سیله ترقی ایتمشدر . بوسایه ده
اوقومق حسی طوغمش ؛ بر کره اوقومغه آلیشان عواملغنی تنقیص ایتمش ،
مطالعہ ذوقی ، لذتی زیاده لشمش و بالنتیجه خلقك سویه سی
یوکسلمشدر .

مطالعہ پك جاذبه لیدر . اوقومغه آلیشان آندن پك کوچلکله وازچکر .
مکیفاته بکزه ر . عوام عینیه چوجق کبی اولدیغندن ، هر کتابك
دکشدیرلمسی ایله قابلیت یوکسه لیر . بو کون بسیط بر شی اوقویان ،

يارين دها کوچي، او برکون بتون بتون کوچي؛ بوسنه آنجق عادي
 عبارله يازلمش افسانه لري مطالعه ايدن، کله جک سته حق تاريخي
 و علوم مجردي قرائت ايدم بيلير.

بزده طبقه خواصك خارجنده قالانلر او قويه جق هيچ بر شي
 بوله مامقده درلر. سورومي زياده اولديغندن صحافلمز «نات پينكرتون»،
 «شرلوق هولمس»، «آرسنه لوپن» کي بر طاقم پوليس رومانلريني
 تقليد ويا پك يا كلشلي اوله رق نقل و ترجمه ايتدير يورلر. بونلر
 اوقونويور. ايشته بو قدر! هر كسك، قادينلرك، اون بشدن صكره
 قيز و اركك چو جقلرك درجه درجه اوقويه جقلري، كولديره رك،
 اكنديره رك حسلريني تنزيه، كنديلريني معالي يه سوق ايدم جك،
 فكرلريني يوكسلته جك محدرات يوق، يا خود يوق كيدر.

محضا صاتيملق ايچون يازلمش بر طاقم يرلي، لکن پك عادي
 رومانلره تصادف ايتدك. بونلر قارنده ادبيات ذوقني اوياندير مق
 شويله طورسون كورله تير بيله. كيزلي جنايتلر، ييلانلي صديقلر،
 بطاقخانه لر، طولاندير يحيقلر، پارمق ايزلري، پوليس وقوعاتي،
 كيجه وقوعاتي، غايت عادي بر لسانله، بيكلرجه املا يا كلشي ايله
 نقل ايدلمشدر! واقعا بونلرك امثالنه اك متكامل مملكتلرده تصادف
 اولنور. لکن اورالرده ادبيات بوندن عبارت دكلدر. انسانك بردكل،
 سكسان بر حياتي اولسه فكريني قابالغه، حسي بطلانه سوق ايتمه دن
 اوقويه بيله جكي كتابلرك اساميسنه، هر كون، پارس كتابچيلرينك
 قاتالوغلرنده تصادف ايد يورز.

ادبامزك قارشيلرنده كنيش بر ساحه فعاليت آچقدر: ابتدا،

اور واده و آمریقادہ این نتیجہ لر ویرن اصولری تدقیق ایتسونلر؛
صکره، بو اصولره توفیقاً ایکی ایشه کیریشسونلر: ۱ -) خلق،
آنک شیمدیکی سویه سنی، طبقه لرینی، حسیات و افکارینی تشریح
و فیزیولوژی اعتباریله آکلامق؛ ۲ -) آندن صکره او ذهنیه موافق
و او طبقه لر یوکسلتمک نقطه نظرندن اثرلر وجوده کتیرمک
وظیفه لری.

شوراسنی تکرار ایدم که بو وظیفه پک او قدر قولای دکدر .
علامه، صبر و تحمل، اصوله، دقت، حتی فداکارلغه وابسته در .
حالبوکه یالکیز مخیلاتی و یاخود یالکیز مخیلاته اهمیت ویرن
اسلافک آنارینی نظره آلان ادبانک وظیفه سی پک قولایدر. بوقلاسیق
ادیاتک فائده سی یو قدر ادعاسنده دکیز . آنک ده نسبی بر فائده سی
واردر . خلق، طبیعت برر منبع الهام و وسیله تفکر اولدینی کی
انسانک کندی مخیله سی، طبیعه ده بویله در . صنعت، صنعت ایچون
اجرا ایدلدیکی کی بعضاده خدمت و یا منفعت ایچون ده وجوده کلیر.
اگر، منحصرأ صنعت ایچون صنعت ! دستورینه اهمیت ویرایسهک
وای باشمزه کله جکله . . . مجرد و بیغرض صنعت اوله بیله جی
کی غیر مجرد و مقصده مستند صنعت ده انکار ایدلمه ملیدز. [رافاهل]،
اوه بری بر سرائر تشکیل ایدن تابلورینی سپارش اوزرینه یابمشدی.
بدایع آنارک اصهارلنسی محال دکدر . نقد، بعضاً، الهامک قابله لی
وظیفه سنی کورور.

بر نتیجه کله م : آناطولییه استانبولک الواح طبیعی سنی و حیاتی؛
استانبوله آناطولینک مناظرینی، اهالیسنی، اهالی و مناظرینک تنوعی،

فضيلتيريني، قبايخني، اشتكالي ريني؛ بتون اهل وطنه تاريخمزمك مختلف مناقبي، اونوتلمش لوحه لريني، اسملري يالكمز كتابلرده قالان رجانلي، نسانسي، او زمانكي عالملي، حياتك اونوتولمش خصوصيتلريني، كوستر پك ساده، غايت كلفتسز رومانلر يازمحق اولورسه ق مليتمز، وجدان مليتمز، وطن محبق، تاريخه مربوطيتمز، غنغيه صداقتمز، بربرمز اولان توجهمز، شيمه تساندمز، نفائس پرورلكمز آرتار. ملتيرينه قوياباغلي اولان اقوام، وطن پرورلك سرمايه لريني دائما بويكي وسائطه تيمه ايدرلر. يوكسك طبقه نك مجاهدات ايله طولو ادبياتي مواجهه سنده بويله برايكنجي صنف ادبياتك وجودي بر ملتك حوائج مبرمه سندنذر.

بوادبيات - افساني اولق اعتباريله - يا على العاده رومان، يا خود دها جانلي اوله رق تياترو شكلنده تظاهر ايدر. بوفقره مز رومانلره عائددر. تياترونك بزده نه شكلده ترقي ايدم بيله جكني ديكر مقاله مزده آكلاته جفز.

شوراسني قيد ايدم كه مكاتبدر درجه درجه، عيني مكتبده صنف صنف اولديني كي خلق ادبياتي و رومانلري ده مرتبه مرتبه اولق اقتضا ايدر. صوك درجه عوام، نصف درجه عوام، آزاجق عوام، خواص شكلنده عوام، مستعد عوام، قابليتسز عوام، كويلى عوام، طشره لي عوام، شهرلي عوام، زنكين واصناف عوام، زوكورت عوام واردر. بونلرك هر برى بر شعبه مخصوصه تشكيل ايدر. بزده ادبيات مقتضاي حال ومقام، قاره ومخاطب نظر ابتصاره آلميه رق (اعمال ايدلديكندن) قارئلرك عددی پك محدود قالمشدر. ظن ايدرم كه

بتون عثمانلی قارئلرینک عددی طوپی طوپی ۶۰ - ۷۵ بیك راده سنده در.
 حالبوکه معدنك هر طمارى ایشلتسه یکی یکی قارئلر، یکی یکی قارء صنف
 و طبقه لری پیدا اولور . فقط بو طمارلری راست کلن کشف ایده منر.
 بر آاز مهندسلك و کیمیا کرلک لازمدر .

« آداپتاسیون »

سرلوحه اولق اوزره فرانسزجه برکله قوللانديغمز دن طولاي قارئلرمزك عفوني رجا ايدرز . « آداپتاسيون » لفظك مقابلي بز بوله مديغمز كي ، استادلرمزده بوله مديلر . - انطباق - ، بو معنای مفید دکلدر . معناسی ، اولسه اولسه ، برفکری ویا برمغانی اولدیی کی دکل ، آکا یاقین بر صورتده ، بشقه کلهلر و بشقه شکلرله افاده ایتکدر . بزم مقصدمن ایسه بوراده کله ، دکل بر دقیقه ادبیه در . بعض تیاترو پیه سلی ، فرانسزجه دن ترجمیه آداپته ایدلمکه باشلاندى . عجبآ آداپتاسيون شرع ادبه موافقمیدر؟ شویله برمقایسه ده بولونه لم : پارسده [بولوارده قاپوسین] ده برشیلر کچور . برعائله ده بعض اویغونسزلقلر حادث اولور . قومشولر قاریشور . ایشک ایچنه محکمه کیریور . مطبوعات مداخله ایدیور . عدول هیئت فکری سویلیور ، الخ . وقعیه یی آله آلوده اشیخاصی دیکشدر رسهك عجبآ موفق اولور می یز ؟ اصلا ! الك ابتدائی پسیقولوژی قواعدی موجبنجه وقوعات ایله محیطات متلاصقدر . پارسده کچن بر وقعنهك

مارسلیاده دکل، وه زسایده بیله جریانی ممکن دکلدر . مشهور [چارلس
 دیکنس] ک اثر نفیسی اولان [دهوید قارپفلد] ده کی چوجق، برانکلز
 چوجو غیدر . مملکتک ، عرقک ، زمانک ، ملتک ، حق شهرینک
 زاده سیدر . اسمی فرانسلشدیریکنز . رومان اوقونماز برحاله کلیر .
 [لیلی ایله مجنون] حکایه سی انکلزجه یه ترجمه ایدرکن لیلای - لیلی -
 یه ، مجنونی ده - اوتللو - یه تحویل ایدیکز ؛ میدان اکلشلمز بر
 اثر قویمش اولورس-کنز . بروکسلده ده ، پارسده ده یوزلرجه دفعه
 اوینانان [مادمازل « بوله مانس » ک ازدواجی] عنوانی کوزل، حق
 بی بدل بر او یون وار. بوندن مقصد بلچقا اصناف حیاتی کوسترمکدر .
 وقعه یی تحریف ایدوب بروکسلده دکل، لیونده کچیریکنز حقیقه اویماز .
 آدپتاسیون پک سربست اولمی ، وقایع خصوصیه ده دکل، خطوط
 عمومیه ده تعلق ایتلی وبر درجه یه قدر نمونه دن آیرمالیدرکه بر شیئه
 بکزه سون .

هله فرنک تیاترولرینک ترکیه ده آدپته ایدلمسی همان همان محالدر .
 آلافرانغه حیات بشقه ، آلتورقه ایسه بسبتون بشقه در . آنلرک
 جمیع آچیق ، بزمکی قبایلدر . آنلرک فکری ، مزاجی ، مشواری،
 طرز معاشرتی، روحیاتی ایله بزمکیلر آره سنده طاغیر قدر فرق واردر .
 استانبول حیاتی ایله پارس حیاتی ، عالمی آره سنده بیوک بر مبانیت
 کوزه چارپار .

پسیقولوژی اعتباریله پک یا کلش اولان برطرز اقتباسک مضویات
 و اخلاقیات نقطه نظرندن ده بیوک برفائده سی اولسه کرکدر . ادبیاتدن
 برقاچ مقصد واره ده بونلردن بری هر حالده ، تربیه فکریه وحسیه

در . خصوصیه تیاتروده غایه لردن بری ، بلکه اک بیوکی خلقك
 سویه اجتماعیه و اخلاقیه سنی یو کس لئم کدر . اکر پارسده ، فقط یالکز
 پارسده ، صحنه قونان بعض آچیق وقوعاتی بزم عالمه لرمز ایچنه نقل
 ایدرك اوینار سهق بوندن هیچ برای نتیجه چیقما ز طئنده نر . هر ملکسته
 بر تیاتر و سانسوری واردر . یالکز حرب حالنده دکل ، صالح زماننده
 بیله ، حتی پارسده بوقیلدن بر ضابطه اجرای احکام ایدر . پارس صحنه لرنده
 قابل تمثیل اولان بعض او یونلره آلمان و آمریقان ضابطه اخلاقیه سی
 اصلاً اذن و یرمه مکده در . بروکسلده کی ضابطه ، پارسده کندن بعضاً
 دها خفیف اولدیغندن پارسده اوینانه میان بر پیس مثلاً بروکسلک
 - مونه - سنده موقع تماشا یه قونابیلیر .

احوال بو مرکزده ایکن فرانسر تیاتر و ادبیاتنک اولدینی کی
 بزه نقلی بر حسن نتیجه تولید ایتسه کر کدر .

- لامه زون دار ژیل - نامنده کی بر پیس - چوروك تمیل -
 عنوانیله ، کچنده کوزل ، لکن پک مبتدل بولوار او یونلرنندن - لابهل
 آوانتور - آدلی بر او یون - بر چیچك ، ایکی بوجك - اسمیله
 صحنه لرمزده تمثیل ایدلدی . بو پیسه لری اقتباس ایدنلرك خلوص
 نیتلرینه و مقصدلرینک ادبیاتمزه خدمت ایتک اولدیغنه شبهه ایدلر .
 شوقدر که بو همتر بشقه بر جهته مصروف اولسه هر حالده دها خیرلی
 اولوردی . مسموعاتمزه نظراً یوقاریده اسمی کچن [مادمازل بوله مانس]
 او یونده آدایته ایدلک اوزره ایمش . بو او یونک باشلیجه مزیتی
 پارسیلره بروکسل لحنی ، اولنك تحفلقلرینی کوسترمکدر . واقعا
 بزده ده بروکسللی بوله مانسک یرینه قره مانلی روم اقامه ایدیله جکمش .

بوراده کی بیراجیلر سندیقہ سی یرینه ولایت مجلس عمومی سی کچه جکمش .
لکن ایکی عالم آرمه سنده خیلی فرق اولسه کر کدر .

آدپتاسیون یرینه اصوللر اقتباس ایدلسه و اوروپاده ایدیلن
تجربه لردن مستفید اوله رق میدانہ ابداعی اثرلر کتیرسه ک دها ای اولمازمی ؟
بر شی دها سویلیه لم : علی العاده ترجمه ، چوق وقت آدپتاسیونه
مرجع ددر . هیچ اولمازسه اوقویان ویا سیرایدن فلان مملکتده
جریان ایتمش فکریله پیه سی اوقور ویا سیرایدن . بتون بتون خیالی
رومان ویا تیاترولرک آوایته ایدلمی بیله طوغری دکدر . مثلاً آلہ
یک مشهور [روبنصون] حکایه سنی آلہ لم . بر انکلز چوجوغی اوزاق
دیارلره کیدرکن کیسی قضایه اوغرییور . بر وحشی آطه ده سنه لرحه
قائیور . صکره قورتولوب مملکتنه عودت ایتک چاره سنی بولیور .
بو چوجوق بو آطه ده سعی ذاتیسنه استناداً یاشایه بیلیور . بر چوق شیلر
یاییور . وهله ابتدائییه ده بو بتون بتون غیل ماصال قابل اقتباسدر
ظن ایدیلیر . مثلاً انکلز روبنصونه ندلی [داوالاجیرو] اسمنی ویره لم .
خایر اولماز .

روبنصون حکایه سنک مؤلفی [دانیل دوفو] افسانه سنی یازمقله
صرف ذاتی تشبثاته استناداً بر انغلو - صاقسونک ، تک باشنه بیله ،
نرمده اولورسه اولسون یاشایه بیله جکنی کوسترمک ایسته مشدر .
حالبوکه روبنصونک یرنده بر [داوالاجیرو] کنديسنی وحشی حیوانلره
قایدیردی .

خلاصه ، آدپتاسیوندن خیر کمز . [اقدام]

ترقیات آتیه من و تیاترو من

گاه جسمه ، بعضاً ده منطقمه اغتراراً ملتئمک یاقین بر استقبالده
برخیلی تکاملات و ترقیات مظهر اوله جفته ایمان و اعتقاد ایدرم .
فقط بیلیمش اولملی یز که هر ترقی ، ملتئمک قابلیتی داخلنده و دائره سنده ،
جریان طبیعی بی تعقیباً وقوع بوله جقدر . ذاتاً ، استعداد ، قابلیت
و طبیعت خارجنده ترقیات و تکاملات اوله ماز . اولسه ده یارم یا ملاق ،
جعلی و صوری ، ظاهری و موقت اولور .

سابقده بر شعبه نك ترقیسنندن بحث ایدم : خطوط اسلامی
و شرقیه ، بدیعیات معترضه عظیمه سنه داخلدر . بر صنعتکار ، خطده ،
بیوک اثر ذکا و دها کوسترم بیلیر . مثلاً - ادعا اولندیغنه نظراً -
حافظ عثمان عشق صنعتله او قدر بیوک بدایع ابرازینه قدر تیاب
اولمشدر که آنک خطی آنجق - رافائل - ک لوحه لری و - میکمل
آنکولو - نك آثار نقریه سی ایله قابل مقایسه در .

حالبو که لاتین خطی بودر جهده صنایع بدیعیه داخل دکدر .
بونده ، الی نهایت ترقیات اوله ماز . بویازی بدیعی اولمقدن زیاده
آلیدر . بوکا بناء در که قابلیتمزه ، طبعمزه موافق کلدیکندن خط

زده ایلریش، ترهر ایش، کوزلشمش، بیوک خطاطر یتشمش؛
 غربده ایسه، طبعه وقابلته اویمه دیغندن همان همان حالیه قالمشدر.
 خلاصه هرشیئی ترقیه مستعد دکلدرد - یاخود عینی درجده
 مستعد دکلدرد. بعض خصوصاتک ترقیسی قابل، بعضلرینک ایسه
 ناقابلدر.

صدمز تیاترو ایدی، آکا کلهلم: تیاترونک مهدی یونانستاندر.
 اورادن ده اوروپایه کلیور؛ عادتاً یکیدن اختراع ایدیایور. یونان
 تیاتروسی حالا نفاستنی محافظه ایتمکده در. [آریستوفانیس] ک
 - لیزستراتا - سنی دقتله اوقومشدم. بو او یونی طبایع و حوائج
 عصریه یه توفیقاً فرانسز تیاترو ادباسندن - مورس دونه - برایکنجی
 دفعه یکیدن یازمشدی. آنی ده تدقیق ایتدم. اعتراف ایدهیم، فرانسز
 و یونان ادیبلرندن بری دیگرینی کچه مه مش.

یونانستانده واوروپاده تیاترویی تولید ایدن اورالرك حیاتی،
 طرز حیاتی، علانیت حیاتیدر. تیاترو اوروپا حیاتنک ایجاباتندن،
 مقتضیاتندن، حتی ضروریاتندن در. او عالمدرده حیات کشاده و مفتوحدر.
 ارکک وقادین برلکده یاشار.

بونک ایچوندرکه تیاترو مملکت مزده بر بدعت، بر تقلید، بر قوییه
 موقعنده قالیور. ایشته ینه بوکا بناء درکه ادبیات تماشانک زده
 الی نهایت ایلرلیه بیلمسی پک مشکو کدر. اسویجره و افغانستان
 اهالیسی نور و جلیلر کی قوی و متین کیجی اوله مازلر.

حیاتی اوروپا حیاته مقیس اوله میان یرلرده ایسه او حیاتک
 ایجابات مخصوصه سندن اولان مواده منکشف اولق ممکن دکلدرد.

اوروپا، بالخاصه متکامل اولان فرانسه تیاتروسنی جزئیجه تدقیق ایدم: فرانسز وپارس تیاتروسی، اورا عالمی مثلدر. بوعالمکده محرمیتی، کیزلی، قاپاقلی جهتی قالمامشدر. طبعی بر رونتکن شعاعی بزه اک مستور جهتلری منکشف ایدر.

بوکا مقابل بزم جریان حیامنز بشقه، دواثرمنز غیر مترج و غیر مختلطدر.

بونقطه نظر دن محاکمه ایدیله جک اولورسه نامق کالک - وطن، سلستره - سی، عاکف بک - ی، جلال الدین خوارزمشاه - ی نه قدر غیر طبعیدر! حتی عبدالحق حامدک - طارق - ی بیله بودرد ایله معتلدر.

بشقه بونقطه مهمه یه کلهم: تیاترو آنجق ملی برلسان، برشیوه، برتلفظ، برادا ایله اوینانیر. برفرانسز پیه سنی حتی بربلجیقالی کوچ تمثیل ایدر. حقیقت بویله اولونجه تیاترونک ترکیه سی، اولسه اولسه، ظهورینک بر شکل متکاملی اوله بیلیر.

مادام که بز روللری کندیمنز اوینایه میه جغز، آنلری بالضروره ارمنی دوشیزکانی تمثیل ایده جک دیمک که بو روللر اوینانه میه جق. بونک ایچوندر که بزده تیاترودن بیوک شیلر بکلنمه مایدر. ندن تیاترومنز ترقی ایده میور؛ نیچون بوشعبه معرفت بزده ده علائم تعالی کوسترمیور؟ دیمکده یردن کوکه قدر حقمنرز. اسویچره دونما تجهیز ایده میه جکی کبی، جریان حیاتی بشقه بروادی تعقیب ایدن ملتدره، فرانسزلر کبی تیاتروبی ایلری یه کتوره منزلر.

بونکله برابر ممالکتمزده تیاترونک عابنده دکلز. بیوک شیلر

اومامقله برابرینه تیاترونك ترقیاته همت وغیرت ایتلی یز. بلکه فضله
جهد واقدام ایله نسی برترقی حاصل اوله بیلیر.

رسم نیچون غریبه چوق ترقی ایتدی؟ اوت، بزدده خط ایلریلدیکی
کبی، اوروپادده تصویر تکامل ایتش ایدی. چونکه غربک حیات
مذهبی، تاریخده تصویر شکنلرک تصویر پرورلره مغلوب اوله سندن
صکره، تصاویری مرتبه قدسیته چیقارمشدی. آنک ایچون درکه
ارباب استعدادک اولانجه قابلیتی بوجهته معطوف ومصرف اولدی.
میدانه دهاته کلدی. هرشیی بوکا مقیاسدر. بوقواعدی رد وانکار
ایتمک، حتی بنسبهمه مک مجرای حیاته یاکلش آدیملرک آتلسنی
ایجاب ایدر. [۱۰ع.م.۰]

بزه لازم اولان تياترو و بزده تياترونك استقبالي

بوندن اول [اقدام] و [ادبيات عموميه مجموعهسى] ايله منتشر و تياترويه عائد ايكي مقاله مزى بو رساله مزه درج ايتدك . بو فقره ايله ده مذكور مقاله لرده كي فكرلر مزى توضيح و تفسين ايدلم . احوال روحيه مزى و طرز معاشرتمز بويله اولديني ايچون تياتروني ترك ايتلي مي يز ؟ بوكا بتون قوتمزله خير ! ديرز .

تياترو، منشأى نه اولورسه اولسون حوائج اجتماعيه دندر . قواعد ادبيه ، دساتير روحيه موافق اولسون ، يا خود اولسون انسان اكلنجيه ، تياترويه محتاجدر . بو احتياج بزده تياتروني دائما و دائما حمايه ايدم جكدرد . مسئله ، تياترويه استقباله برشكلي و هيئت ويرمكدرد . قضيه نك عكسني ده موضوع بحث ايدلم : بزده تياتروني باشي بوش براقق جائز دكدرد . مشغول اولديغمز ماده ني مجملأً بردها افاده ايتمك فائده دن خالى اوله ماز :- بزده حيات قايالى اولديغدن مملكتتمزده تياترونك الى نهايه ترقيسى ممكن دكدرد . بناءً عليه بيوك ايشلره كيرشمه مك ، خدمزى بيلمك لازمدر .

او حالده نه يابه جغز ؟ او كمزه ، حياتمز منكشف اولونجه يه قدر ،
باشايجه ايكي ساحه آچيلور : على العاده ترجمه و تارنخي پيه سارك يازلمسى .
ترجمه ايديله جك برچوق پيه سار واردر . اخلاقي ، ادبي ، تارنخي ،
يا خود بتون بتون كولمك و اكلتمك مقصديله يازلمش اويونلري عاديآ
ترجمه ايله صحنه لرمزه قويه جق اولور سق بونلردن ضرر كليه جكي
شويله طورسون نسبي بر فائده استحصال اولنه بيلير .

بزمكندن متكامل الواح حياتيه و مناظر معاشرتي كوسترمك
انتباه و تيقظي موجب اولور . وقوعات بشقه محيط طرده جريان ايتديكي
ايچون اويونك تفصيلاتي مؤاخذه يي ده موجب اولماز . پيه سارك بتون
مسئوليت قلميه سي صاحب لرينه عائد و راجعدر .

مقصد اولاً اكلنجه ، آندن صكره استفاده ادبيه و فكريه
اولديغندن ، تياترو ادبياتنده بر آزيان اولديغنز بو دورده ايشي
(ده قور) ، (فته ري) ، رقصه ، تغني به ، شهيره ده دو كه بيليرز .
واقعا پارسده يازلمش پيه سارك همان يوزده طقسان بشي - پك
كوزل يازلمش اولمقله برابر - رذائله عائد ايسه ده فرانسز ادبياتنده
اخلاقي پارچه لر يه بول بول تصادف ايديلير . رذالت و اخلاق سزلق
و اديلرندن قاجق ايسهر ايسه تا آمريقيه قدر كيتمك اقتضا ايدر .
آمريقاده ضابطه اخلاقيه زياده سيله صقيدر . ذاتاً آمريقا ادبياتنده
قادينك ، غرامياتك موقعي ده پك كوچكددر . پك مزاحي اولان مشهور
آمريقا حكايه نويسي Mark Twain ، افسانه لرينه عموميتله قادي
قارشديرماز .

لكن بو مسرودادن مقصدمز تياترولرمزدن قاديغي نفى

وعشقی اخراج ایتمک دکلدر. بوشقده سیرجیلرک تیاترولرمنی (بویقوته)
ایده جکبری شبهه سزدر. مقصدمن رذالت اخلاقیه صحنه لرینی تیاترودن
اوزاق بولوندرمقدر.

عشق چوغه واریرسه طادسز اولور. عشقده اصل اولان کیمت
دکل، نوعیت و کیفیتدر.

بزم کبی مختلط حیاته آلمه مش اقوام ایچون بردنبره اوروپا
حیاتی نمونه لرینی تقلید ایتمک بر فلاکت اجتماعی بی استلزام ایدر.

انکلیز رومانجیسی مشهور [چارلس دیکنس] ک صرف چوجق
عالم و حیاته داتر اولان [ده وید قاپر فیلد] نی بر فرانسز تیاتر و مصنی
تصحین ایتشدی. بو عملیه ادبیه ده موفقیت حاصل اولدی. حیاتک
یا لکنز عشق و غرام اثتیه لرندن عبارت اولمدینی آکلاشدی. بو بونک
کبی دهانجه پارچه لر واردرکه کوزل و تجربه لی بر قلمله ترکیه
نقل و ترجمه ایدلسه تربیه فکریه مزه خادم اولور.

کله تاریخی او یونلره: بو وادیده بیوک بر حریتی حائز. خیالمر
بیوک بر سربستی ایله تاریخده جولان ایده بیلیر. ادعالی بریه س [پیه س
آهز] یازمق ایچون ترک حیاتی داخلنده بر سه کولاسیونه توسل
ایتسه ک یاپه جمنز اکثریا کولونج اولورز. حالبوکه اومدعیاتی اثبات ایتمک
ایچون تاریخده ایستدیکمز محیطی و زمینی بوله بیلیرز. پک دقیق
متبعلرده، تاریخی قصورلرمن وارسه، اغماض ایدرلر.

ای ترتیب ایدمک شرطیله تاریخی او یونلرک یکی او یونلردن ده
بیوک بر فائده سی اوله بیلیر. واقعا ای تدقیق ایدلمش مسائل روحیه
و اجتماعیه اوزرینه استادانه یازلمش یکی او یونلر انسانک آفاق حس

و فکری آچار. لکن تاریخی پیهسلر بو خدمتی ایفا ایتمکله برابر
بزی اونو تئش ویا بیلنیمیان محیطلرده کتورر.

[قو- وادیس] ک رومانلره، تیاترولره، رسمه، نقریاته ایتدیکی
تأثیری اودرجهده ای یازلمش غیرتاریخی حکایه لراجرا ایدمه مشلردر.
ملک هم اکلنجه سنه، هم ده تربیه حسیه و فکریه سنه خادم اولمق
اوزره مملکت مزده بر تاریخی تیاترو مکتب و مساک ادبیسنک تشکلی
آرزو ایدرز. بو وادیده الی نهایه ترقی ممکن اوله بیلر، آمریقا ده
اخلاقی پیهسلر، پارسده خفیف پیهسلر، ویانه ده اوپه رتله، باویه راده
آغیر اوپه رالر ترتیب اولونیور. زمین بوناره مساعددر. بزده ده
تاریخی اوپونلره زمین پک مساعد اولسه کر کدر. بلکه بو وادیده
بر تجمد و اقتدارده کوستره بیلر. تیاترو ایله مشغول احبای ابدادن
تاریخی پیهسلرک تدقیقی رجا ایدرز.

*
**

تیاترو، اکلنجه لک نزیهنی تشکیل ایدر. شوکا اول باول قانع
اوله لم که اکلنجه، ذوق، شطارت، مزاح، قاریقاتور، لطیفه، ترکی،
رقص، اویون (مقصد من قومار دکلد) حوائج بشریه دندر. بونلر
منع ایدیلیرسه، انسان بونلردن برینه شدتله مفتقر اولدیغندن، مذموم
اکلنجه لره محتاج اولور؛ آنلرده اخلاقی، خلقی، سنجیه بی بوزار؛
طولانیسیله ملت مصاب اولور. حیاتی صیقی طومق قنا نتیجه ویرر.
ایشته بونک ایچوندرکه تیاترو- ای اداره ایدلک صورتیله- بر لازمه
اجتماعیه در. موسیقی، تیاترویه، اوپه رایه تخصیصات ویرن حکومتلرک

همتلى ھدر دكلدر۔ عالمده بوقدر آچ وخسته واركن نقود مليه يي
تخصيصات شكننده تياترولره اعطا ايتك جائزيمدر ؟ سؤالنه قولايقله
جواب وريابهيلير . برعكسكده خلقك خشونت طبعنى ازاله ، آنى معالى يه
سوق ايدن بوكي مؤسساه اهميت و يرلرزه جمهوره برقابلق چوكدر ،
اكنجه احتياجى كيزلى وشنيغ ساحه لر آزار . بوندن ايديله جك ضرر
دها بيوك اولور .

تركلر كولمكه ، اكنجه يه ، دائره مشروعيته لذت حياتى طاتمغه ،
شدتله محتاجدرلر .

حياتدن غايه ومقصد متمادياً چالشمق دكلدر .

متمادياً چالشمق ، قابلى بر حيات امرار ايتك بر يورغونلغى ،
بوده روحده بر يوزغونلغى توليد ايدر .

حالبوكه چالشمه نك مقابل و معادلى اولان اكنجه نك ده حياتده
برموقى و بر مشروعتى اولورسه سعى وعمل دها طاتلى كير .

آمرىقالير ، نه قدر چالشيرلرسه او قدرده اكنيرلر . فلسفه نقطه
نظرندن باقيله جق اولورسه بو اعتيادك طوغريلغه حكم ايديلير .

آنگلو صاقسون مملكتلرنده اكنجه احتياجى اكثرثا [سپور =
لهويات] ايله استيفا اولونيور . فرانسه ده ولاتين مملكتلرنده بو احتياجى
على الاكثر [صنعت = Art] دفع ايدر .

صناييك اينجنده ده تياترويه ، خلقجه ، فضله اهميت و يرلرلر .
لاتين روحى بونى مقتضيدر .

بوكا بناء دركه فرانسه ده ، دنيانك هر يردن زياده تياترو ترقى
ايتشدرد . يالكز اوپه را و اوپه رمت جرمان ديارلرنده دها مترقيدر .

آمانیاده [تدقیق و تتبع] ده بر نوع سپور اولمشدر. آمانلر تدقیق و تتبعی بر اُکلنجه درجه سنده لطیف کورمکده درلر .
 آکلاشیلیورکه طبع بشرده بر احتیاج وار ؛ بوده بر قاج شکلده نظامر ایدیور .

بر جمعیتده بولونان بر احتیاجك - احتیاجلرك عمومیاپندن بحث ایدیورز . - دیکرنده اولماسی متصور دکلدبر. ترکرده ده بو احتیاجك موجود بولونمسی طبعیدر . ایشته بونك بیلنمه مسی ، طانمه مسی ، سرآمدلر مزك آنی آرامه ملری بزی بر آز نوپران ، جزئیجه خشین ، آزاجق سرت ، حتی درشت ، صومورتقان ایتشدر .

بو نوپرانلغك ، بو خوشونتك ، بو سرتللكك ، بودرشتینك ، بو صومورتقانلغك علل ملیه دن عدیله ازاله و تدویلری چاره سنی آراشدیرملی یز .

لعیات ایله ، ادبیات ایله ، صنعت ایله ، اُکلنجه ایله حیاتك بر قیمتی بولوندیغنی ، حیات ، امراره لایق ویاشامه نك اینی برشیی اولدیغنی اثبات ایتلی یز که خلقده بر جانلیق حاصل اولسون و بوندن ملنك هیئت عمومیه مسی استفاده ایتسون .

کوزمله آمریقاده کوردیم : بیوک بر مسارعتله ، خواهشله چالیشان آمریقالی سنینك اُکلنجه شکلده واوزاق بر استقباله دکل ، همان ایشدن صکره بر مکافاتنی کوره جکندن وظیفه خصوصنده بو قدر تهلاک ابراز ایدیور . [اُپیکور] فلسفه مسی باشدن آشاغنی یه خطالی دکلدبر. لکن اُکلنجه نك افراطی قولایدیر . اُکلنجه ، سهولتله ، رذالته منقلب اوله بیلیر . ایشته بز هیئت اجتماعیه نك و آنك باشنده کیلرك پك

بيوك بر وظيفه سي اكلنجه و رذالت آره سنده كي حدودك بربرينه
قارشمه مه سنه غيرت ايتكدر .

بوکا بناء در که بزده تياترونك حريته طرفدار دكلز. صرف آفاقي
بر نقطه نظر دن باقيه حق اولورسه بلکه بومطالعه مز يا کلس چيقار .
لکن مملکت مز - که حياته يکي منکشف اوليور - بسض مرتبه وصايت
آلنده بولونمغه محتاجدر . اکر تياتروي برسر بستی نامه نائل [خاير ،
نائل دکل گرفتار] ايدرسه ک عضويت اجتماعيه مز بيوک بر عجالتله
بوزولور ، طاغيلير . استانبولک منظره سي قديم رومانک ، بيزانسک ،
اسکي اسکندريه نک شبيهی اولور .

تياترو ، مقوی ، لکن زهرلی علاجله بکزمه . اصول قيه سي
دائرة سنده ، حکيم رچته سي اوزرينه و برآز [ستريقين] آلينيرسه
بنيه قوت کلير . اصول قيه سي خارجنده ، طيب و متخصصک امر
واذني اولمده دن و برچوق [ستريقين] يوتيلورسه ثلوم محققدر .

اگر تياترو ضابطه سزقاليرسه دنياک درت گوشه سندن مملکت مز
آقین ايدم جک اولان (ايمپره زارييو) لر ، پاره قوتيله تأليف ، ترجمه
ويا اتحال و اقتباس ايتديره جکلري اويونلرله مملکت مز اخلاق سزلق
تخملايني صاحبه بيليرلر .

بناء عليه تياترونک مؤسسات عامه دن تلقی ايدلمسي لازم وفائده ليدر .
شمدی به قدر بزده وقوع بولان تشبثاتده معين ومقرر بر خط
حرکت تعيين ايدلمه مشدر . ارباب تشبث اوروپا تياتروسنک نه اولديغني
پک آز تدقيق ايتمشلر ايسه ده بزم و خلق مزك احتياجات اجتماعيه ، مليه ،
روحيه وحياتيه مزي اصلا تتبع جسارتنده بولونما مشلردر . ايسته

بونك ايچوندر كه استحصال اولونان نتيجه هيچ ويا نيم هيچدر .
 بزده بللی باشلی ذواتك تياترو ايله ، تياترونك نظريات و تطبیقاتی
 ايله ، بالخاصه تياترویی خصوصیت ملیه مزله تألیف ايله مشغول اولدقلری
 بيلمورم .

نامق کمال بك مرحوم ، صنعت ايچون صنعت دستورینه توفیقاً دکل ،
 وطن و ملت پرورلک نظریه لرینک تعمیمی ايچون تياترو ايله مشغول اولمشدی .
 (زواللی چوجق) ، (وطن - سلستره) ، (جلال الدین خوارزمشاه) ،
 (عا کف بك) پک ضعیف تجربه لردر .

عبدالحق حامد بك ، دیالوغل اصولی ايله یازی یازمه یی پک سهو -
 دیکندن و بونی دیگر طرزله ترجیح ایتدیکندن اثرلرینک تياترویه
 برآز مشابهتی وارددر . لکن بونئر اویون دکلدر . بعضلرینک برایی
 قسمی اوینامق ايچون بر دیگر ذاتک تصحیح ایتسی لازمدر . نته کیم
 بن (فینتن) ی تصحیح ایتش ایدم .

- آدایتاسیون - . دائر اولان فقره می یازدیغم وقت (جلال الدین
 خوارزمشاه) ايله (طاروق) ک طرفدن مؤاخذه ایدلسنی بعض احبا
 موافق بوله دیلر . بوزوات کرام دیمک ایسته دیلر که خوارزمده واندلسده
 نساذه رجال کی امور حکومت و مواد حربیه ايله اشتغال ایتدکارندن
 بو ایکی اویون حیات حقیقیه موافق و مطابقدر . آما ! بونک عکسی
 ادعاده بولونمقدق . توراندهده ، مسلمان اسپانیاسندهده اویله ایدی .
 لکن بو تجارب قلمیهده اویله بیوک بر حریتله حرکت ایدلش که
 - طبعیلک - طولو دیزکین فرار ایتش ؛ اورته یه غایت رومانئیک ،
 بونکله برابر - فانتازی - اعتباریله بیله لطافتدن تباعد ایتش آثار کش .

واقعا بتون بتون نخل صحنه لرك ايجادى ممنوع اتدن دكلدر. لکن
آيد ويا عطار د اوزرنده جريان ايتديريليرسه لهارنده اسباب مخففه
درميان ايديله جك بعض اويونلرك اسپانياده ، يا خود خوارزم ديارنده
يکمی نيچون لازم کسون ؟

برآزده اوپه را واوپه رة تلردن بحث ايله بو ماده منرى ختامه
ايرديره لم .

اوپه راده ، اوپه رة تده اصل اولان تغنى ، موسيقى ، رقص ، منظره
وتماشاء آهنگ وده قوردر . قطعيت ، حياته وياتارنجه تطابق وموافقت
اصلا موضوع بحث دكلدر . تياترونك بو شكلى فكلردن زياده كوزى
وقولاغى تنشيط وتلذذ ايدر .

برمملكتده حيات برآز وسعت پيدا ايدر سه اوپه را واوپه رة تده
احتياج ويا نيم احتياج مرتبه سنه چيقار . بزده بو ايكي شعبه تماشانك ،
اصل قومديدن وحيات حقيقي تصوير ايدن اويونلردن بيوك بر
استقبالى اولديغنه قناعت ايدر م .

فلكرمى توضيح ايديم : باله ت ، ده قور ، موسيقى ، سس بين المللدر .
بونلرك خصوصيتلرى وارسه ده عموميتلرى غالبدر . سوزلره و آهنگه
كلنجه اول باول شونى ادعا ايدم كه شعر من حق اوروپا اشعارندن
دها آهنگداردر . موسيقيمن اصول جديدمى اقتباس ايدر سه بزده ده
بر مقدار همتله اوپه را واوپه رة وجود بولور . مؤاخذلرايسه ايلشه جك
تطابق وموافقت خطالرى آرامفه صلاحيتدار دكلدر لر .

شومقاله منرى خلاصه ايتكم ايچون ديه لم كه بزده تاريخى بيه سلك ،
ترجه نك ، اوپه را واوپه رة تك بر استقبالى اوله بيلير . لکن حيات

منكشف اولونجه يه قدر على العاده تياترونك بيوك بر آتيسى اوله ماز.
 خصوصيت ، قابليت ، امكان نظر دقتنه آلهرق همما تميزى توالى
 ايتدير سهك بوندن امين وكوزل نقيجه لر چيقار. عكسى تقديرده تياترومن
 شمديكى بولوندينى درجه پستيده قالير ؛ نه خلقك يوكسلمه سنه بادي
 اولور ؛ نه ده موجب شرف صنايع پايه سنه چيقار .

بزده تياترو ايله اوغراشانلر ، آندن اول خلقمرك خصوصيتنى
 اجتماعى و فلسفى بر كوزله محاكمه ايتمليدرلر. بو محاكمه يه تنزل ايدلمديكندن
 عدم موفقيت هر نقطه دن باش كوستر مشدر .

سوئے بدنیه مزئی ترفیع ایدلم

هواخیلی صوغوق ایدی . اوکمدن کچن عمله نلک بیقلرینک اوستنده
یر طوتان بوزلری قوجامان پیپوسندن چیقان دومانلر اریته میوردی .
[اُله] نهرنده ره مورکور قیلندن برواپورله کمی انشات دستکاهلرندن
برینه کیتدک . یارم ساعت قدر زیارتدن صکره ایشجیلرک ، هر ساعت
ماکنه باشندن قاجوب کلدکلری (قاتین) ده ایدک . بر قدح قدر
کئول ایچمک عادتاً مجبوریت تحتنده ایدی . خدمت ایدن قادین : —
بونکله برلکده بر ایکی [سهندویچ] ده ایسته رمیسکمز ؟ دیدی . —
اوت ؛ جوابی ویردم . بزم بیلدیکمز [سهندویچ] قریباً بر لقمه
اُکمک اوزرینه قوندورلش بر آز صوغوق ات ، دیل ویا آکاشیه
بر ماده غدائیه در . بر قاج دقیقه صکره حضور مزه شونی وضع ایتدیلر :
یکرمی ساتیمترو اوزونلغنده ، اوچ ، اوچ بچق ساتیمترو قالینلغنده ،
اون ساتیمترو کنیشاکنده بر صغیر آتی ؟ بو ، حرمتلی بر چاودار
اُکمکی دیلیمنه بول تره یاغی ایله یاپیشدیرلش . اوزرینه ده مبدولجه
طوز ، خردل ، قمرزی بیبر دوکولش ! یا قادینک سؤالنه اولدیفی
کچی جواب ووروب بوندن ایکی دانه کتیرتسه ایدم ؟ آرتق یکرمی درت
ساعت یمک یمکدن وارسته اولوردم .

قانتینده بر چهاريك ساعت قدر قالدیم . عمله ، قارنجه قافله سی
 کبی کیدوب کلیورلر ، آیاق اوستی او مهیکل [سهندویج] کبی مواد
 اکیله یی ، تشریفاته اصلا رعایت ایتمه دن شاپور شوپور آغز لینه
 صوقیورلردی .

برقاج کون صکره دریانک ال بیوک سفائنندن برینک ایچنده ایدیم .
 طائفه نك یمیکنده حاضر بولوندم . کره آسا بریتالس ، شالغ ، خاووچ
 لنکری . اوته طرفده بر تنکه تره یاغی . اوفق اوفق کسلمش ، لکن
 مقداری دیگر ما کولاته نسبتله آزجه ، رنکارنک ونو طانوع اُ کمکله .
 ربع طونیلاتو (روست بیف) ؛ براوقدر (غولاش) ؛ برقاج مترو
 طولنده (صوصیص) و (صوصیسون) ، بر واریل (شوقروت)
 یعنی آلمانواری لحنه ترشیسی . ایکی قیز (قیزلر چیرکین دکلدی)
 متماًدیاً شراب ویرا صونیورلردی . طائفه لر طیفه باصه ییورلر و آره
 صروده توتون ایچیورلردی . نشئه و شطارت پک یرنده ایدی . تفتی ،
 نطق و خطابه ، لطیفه اطعمه درجه سنده مبذولدی . عجباً کوردیکم
 بر او بورلق منظره سی می ایدی ؟ ظن ایتیم . انسان برما کنه در . پروانه
 فضله دونه بیلیمک ایچون فضله بخاره ، بناء علیه فضله کوموره محتاجدر .
 ایشته بوقدر . عجباً کوردیکم شماله مخصوص بر منظره اکل و شربی
 ایدی ؟ اونیده ظن ایتیم . واقعا شمال جنوبدن فضله بیر وایچه ر ؛
 اقلیم بونی استلزام ایدیور . لیکن ممالک جنوبیه دن اولان ایتالیا ده ده
 عوامک منظره ا کولیتنه نکران اولدم . آنلرده پک آز یمیورلر . . .
 برده کندمزه نقل کلام ایدم : مملکت مزده عرقه خلل کله جک
 درجه ده آز مواد خدائیسته استهلاک ایدیلور . معدله رمز کوسه شدرد .

بنیه لرمنز ، ملل فعاله ساثره نك بنیه لرندن دهاآز زنده در. وجود لرمنز
ملا می مذهدر. یمك ، مثلا آلمانیا ده حیاتك وظائف مهمه سندن بری
تلقی ایدلدیكی حالدده ، بزجه بر اداره مصلحتدر .

ایشته بو حال ، سویه بدنیه یی ، سویه بدنیه ایسه سویه ملیه یی
دوشوریور .

ترك ارباب مساعیسنك قابلیت عملیه سی آذرر .
محاربات متنوعه طولایسیله شهر مزدن كچن بیکرجه آناطولی
اهالیسنی كوردك . طوغریسنی سویله لم : بونلك اكثریتی وجودجه
دوشكون ایدی .

احتیاجات غذائیهمزك آرمسنی ملتزم ایچون بریشارت تلقی
ایتملیز .

آز استهلاكات حیاتك قدر واهیمتی ایندیوریور . انسانی قناعته ،
توكله ، انقیاده سوق ایدیور . بو حال ایسه برملت ایچون فلاكتدر .
قناعتی آمر اولان شرق فلسفه سی ترك ایتملیز .

احتراصات متنوعه ، ذمیت دكل ، فضیلت تلقی اولونملی در .
فضله استهلاكات ، فضله مساعی بی ده انتاج ایدر .

مؤاخذه و تنقیدی معناد ایدین معارضینمزك ملتزمی او بورلغه ،
اسرافه سوق ایتدیكمز مطالعه سنده بولونمه ملرنی رجا ایدرز .

— كلوا واشربوا ولا تسرفوا —

حضرت پیغمبر بیله اسراف ایتهمك ، یعنی طاغتماق ، اوتیه
برییه ، صاحبه مق ، آتمه مق شرطیله بزه یه ییكز ، ایچكز ! امرینی
اعطا ایدیور .

تقصان تغدی کونا کون امراضه سببیت ویریور. وجود، بوندن
 طولاییدرکه حول اوله میور. اوفق تفک ضربه لوله رخنه دار اولیور.
 طرز معاشرت و معیشتمز حیاتک قدر و اهمیتنی ایندیوریور.
 و بعضارینه اویله کلیورکه هیچ برنشئه و شطارتی احتوا ایتیمان حیات،
 امرار ایدلمکه بیله لایق دکلدر.

بناءً علیه عمرک اهمیتنی کیتدجکه تنزل ایدیور. حالبوکه، مثلاً،
 بر آمریقائییه کوره کندی حیاتی پک عزیز، پک قیمتداردر.
 آمریقائی هپ وجودنی، حیاتی، آندن استفاده ایتیهی دوشونور.
 فضله تذوق و تلذذ ایتک ایچون زیاده چالیشیر. و بالتیجه مملکتک
 و ملتک فصالت اجتماعیه و اقتصادیه سی آرتار. تکاملات و ترقیات
 حصول بولور.

حیاتی دهافضله برجدیته تلقی ایتدیره بیله جک هر نوع اکلنجه لره،
 سپور (لهویات)، تلذذات معروفه، فکری و مادی تذوقات مشر و عدر.
 اسکی زمانلرده بزده مطبوخات ده، لعیات ده، لهویات ده، تذوقات ده
 دهامتکامل ایدی. شمدی، بوخصوصه برتردینک شاهدی اولیورز.
 اسکی عثمانلی ترکلری بوغازلرینه پک دوشکون ایدیلر. کندمزه
 مخصوص مطبوخاتمزده براسلوب واردی. بعض تدقیقات تاریخیه مه
 وطن غالبه نظراً آلا تورقه اطلاق اولونان طرز طباحت بزده ارمینلر
 وروملر واسطه سیله طوغریدن طوغرییه بیزانسدن، اورایه ده غربی
 رومادن کلیور. [نرون] ک ضیافتلرنده امام بابیلدییه، یالانچی
 طولیه، دها بونک کبی ترک یمکلرینک شبهلرینه تصادف اولنوردی.
 متفق فیهدرکه بزده طباحت تدنی ایدیور.

عطا بک اندرون تاریخنده مختلف اوجاقلرک مخصوصاتندن
اولان اطعمه نك اسملرینه تصادف اولنور . هانی بویمکله ؟
اولیا چلییده ، بیک بر مبالغه نك آره سنده مطبوعات قدیمه مزه
دائر بعض حقائق مندرجدر . هانی او سفره لر ؟

کذلک ، قدیمده ، بزده سپور = لهویات پک متکاملدی . اسکی سرای
ایچنده پک دقیق ممارسات بدنیه یه اهتمام ایدیلیردی . عسکر لکده یکتا
اولان اجداد عثمانیه مز فضائل بدنیه و جسمانیه لرینی ، بناء علیه تفوق
مادیلرینی بوممارسات و تمرینات سایه سنده اکتساب ایتشلردی .

بتون آنغلو - صاقسونلرک اسباب جدیه تفوقدن بری ده سپوره
عطف ایتدکلری اهمیتدر . فرانسرک وصف ممیزی صنعت ، آلمانک
تدقیقات ، انگلیزک لهویات ، یعنی سپوردر . آمریقادا ، مطبوعاتک
اوغراشدینی مسئله لرک ایچنده بلکه اهمی بودر .

آمریقادا همان هرکس سپور تسمه ندر ؛ بلااستنا هرکس سپورله
علاقه داردر ؛ آنک شؤناتی مراقله تعقیب ایدر .

سپور ، انگلتره ده ملاحت و لطافت عرقیه یی ، اندامک انتظامی
بالخاصه قادینلرک صباحتی ، مطبوعیت اشکالی تزئید ایتشدرد .
اک متکامل البدن عرق آنغلو - صاقسون عرقیدر .

بوتفوق عرقی وقیله بزورده قدیم و عثمانلی ترکرنده ایدی . لکن
کیت کیده یمک ، لهویات واکلنجه خصوصاتنده عنعناتمز که وشه دیکندن
عرقز تردی یه باشلامشدر . بو تردیاتدن تخلص ایده بیلیمکلکمز ایچون
مطبوعات ، لهویات و لعبیات خصوصنده کی عنعنه لرمنزک احیاسنه بذل
همت ایتلی یز .

سویه بدنیه مزك ترفیعی مسئله سی بزم ایچون ادبیات مسائلمدن
هر حالده مهمدر ؛ وشایان امهال واهمال دكلدر .

حیات روزمره منری بر آزدها شنلندیر مکی زمان و محیط بزه امر ایدیور .
مطبوعات ایله برابر معاشرت ، حیات بیتیه ، مفروشات واثاث
مسئله لری یکی بر طرز تلقی به سزادر . اولرمنز ، اسکینندن زیاده
اسباب ولوازم استراحت ورفاهیقی حائز اولمایدیر .

[قونفور] آنغلو - صاقسونك نخبه آمالی ، غایه تصور اتیدیر .
Home - او - برانكلیز ایچون اك مقدس شیدیر . وطن عمومینك
ایچنده وطن خصوصی ، آنك حریمنده ده - هوم - بر قدسیت
مخصوصه یی حائزدر . بركنج آنغلو - صاقسون ، اركك اولسون ،
قیز اولسون ، مراهق اولور اولمازمستقبل هومنی دوشونور . مفكره
ونخیله سنده بومستقبل هومك تمللری آتیلمش ، پروژه سی یاییلمش ،
حق مفروشات یی قرارلشدیرلشدیر . چوجق بو هومه نائل اولمق ایچون
چالیشیر ، چابالار ، تحصیل ایدر ، ایشه کیرر ، فضله درایت کوسترر ،
یکی آلات سعی وتفكرله تجهیز ایدر . نهایت اوله نیر . هوم وجود
بولور . قالور یفه ر ، ألفتریق ضیاسی و چنغراغی ، مصعاد = آسانسور ،
آقار صیجاق و صوغوق صو ، حمام ، تلفون هومك اك صوك مودا
اسباب استراحت ورفاهیتندن در . مادیاتله اوغراشدیغمنز عثمانلی
قارئلرینك اصلا موجب استخفافی اولسون : حیاتدن بر قاچ مقصد
وارددر ، بونلردن بری ده رفاهیت ماده در . برده ، طرز حیاتنده
تکامل کوسترن فردك منسوب بولوندیغی هیئت یعنی ملت ده علائم
رفت ابراز ایدر .

هوم مبارك و مقدسدر. بوكا بناء دركه بازار كونی قاعده هومده
 كچر. هوم اخلاقی تمیز بولندیرر. آنغلو - صاقسون، تعطیل ساعتلیخی،
 غزته لری، مجموعه لری، کتابلری، قوللکسیونلری، زوجہ سی،
 چوجقلری ایله برلکده، هومنده کچرمه یی دیگر برچوق وسائل
 تذوقه مرجح کورور.

هوم سوداسی عائله اقنومنی تقویه ایدر. بناء علیه مقوی فضیلتدر.
 انکلیز هومی، قونفوری، اسباب استراحتی، وسائل رفاهیتی
 تعمم ایتکدهدر. قونفوری، دهایی اولدینی ایچون آمریقا ده
 ایلری به کتور مشدر. اوروپا نك قطعوی اقسامنده بودقیقه اكه زیاده
 اهمیت ویرن آلمانیا و شمال ممالکیدر. آلمانیا، اوروپاده آمریقایه
 اكه زیاده بکزمه ین الکادر.

اسوچك، فلمنكك طهارت و نظافی عقله حیرت ویرر.
 قیمت حیاتك دهایی آکلا شلمسی بومملکتلرده بتون بومدنیت
 بیتیه یی تولید ایتشددر. بو حال، حیاتك اقسام سائره سنده بیوک بر
 انتظامی انتاج ایدیور. بزمده عینی مظهریتیه نائل اولمقلغمز ایچون
 حیات ماده منزی مهما ممکن آنلره یاقلاشدیرمقلغمز مقتضیدر.
 معاشرتده، حیاتده، اسباب جدید رفاهیتیه توسل ایتك غیرملی
 برحرکت دکلددر. حیات ماده عنعنه نك تظاهر ایده چکی بر ساحه
 بتلقی اولونما ملیدر.

تہ قنق و حیات ماده نك ملیت ایله علاقہ سی یوقدر: اگر اوایله
 اولسه ایدی بوبابده کی انکلیز و آلمان، فرانسر و آوستریا اصوللرینك
 بربرندن پك فرقلی اولملری لازم کلیردی.

تلبسده ، معاشرتده ، حتی مفروشاندہ ، لوازم بیتہدہ ملیتک
یرینہ قوزموپولتیزم قائم اولیور . ملتیرینہ زیادہ سیلہ وحتی قیصقانججه
رعایتکار اولان ژاپونلر کوندن کونہ اوروپا طرز معیشتنی اقتباس
ایتمکده درلر .

معیشتک ملیسی ، نیم ملیسی ، غیر ملیسی یوقدر ؛ اییسی ،
کوتوسی ؛ قولایی ، کوچی واردر .

*
* *

بر مهم نقطه یه ، حفظ الصحه عامه مسئله سنه کله لم :

حفظ الصحه عامه ، (عامه) یه ، یعنی حکومتہ تعلق ایدر . بونک
حقوق عامه ده موقع مخصوصی موجوددر . برچوق خصوصات واردر که
آنی فرد دکل ، آنجی عامه نظردقته آله بیلیر . مملکتیزک بتاقلقلرینک
قوروتلیسی ، برچوق نقاظنده کی مستولی و مزمن خسته لقلرک اندفاعی ،
صولرک باشی بوش جریان ایتمسنه مانع اولوق فردک دکل ، حکومتک
وظائفی ، اقتداری داخلنده در .

عرق و ملت و آنلرک استقبالی نقطه نظرندن بو او قدر مهم بر
مسئله در که مستقلاً بر حفظ الصحه عمومیه نظارتی احداث ایدلسه ،
بونک وظائفی علی العاده ایکی نظارتک ایشندن آز اولماز . بر کره علل
زهرویه نک مملکتیزده اجرا ایتدیکی تخریبات ملیه یی دوشونکیز ،
برده بوکا چاره ساز اوله جق تداییری . مملکتیز و ملتیز ایچون فرنیکی ،
ورم ، جنت ؛ روسیه دن ، فرانسه دن ، انگلتره دن ، ایتالیا دن دها
بی امان دشمنلر در . تأسف اولئور که بر خارجی دشمن حدود مزنی
کچنجه همان غلیانه کلیور ، سلاحه صاریلرورز . حالبوکه

چوقدن بری وطن عثمانی بی اشغال آلتندم بولوندیران مختلف خسته لقلره قارشی عادتاً لاقید قالیورز . غریبی شوراسی که چکر که کبی ، حیوان خسته لقلری کبی آفتلر انسانه مستولی ارلان بلایادن زیاده نظر ابتصاری جلب ایدیور .

مملکتیمزک علل مختلفه نك لندن استرداد ی لازمدر . دیار متمدنه نك هیچ برنده ، قرون متوسطه اولدینی کبی ، علل وامراض بزده کی کبی حریت مالک دکلدرلر . مملکتیمز مامدار ایدن بو مصائبک امثالنه آنحق فتح قسطنطنیه دن اولکی قرون وسطی عالمده تصادف اولونه بیلردی .

محاربه لر طولایسیله سرمایة انسانیز تناقص ایتدی . بناء علیه بزده فردک قیمت ملیه ، اجتماعی ، اقتصادی سی اسکینه نسبتله پک بیو کدر . فرد ، دها نادر در . بناء علیه محافظه دها شایاندر . هیئت اجتماعی ، بر معصومک اوزرنده والده سی نصل تتر ایسه ، فردک اوزرنده اولیه تتر ملیدر . اکر فرد بیوک براهیت عطف ایتز و آنک قیمتی بیلمز سهک ، معاذه ، وطن عثمانی ، قرون مقدمه نك اها لیس ی منقرض اولمش کشور لرینه بکزمه . وطن دن مقصد یالکز طوپراقلر طاغلر دکل ، آنک احتوا ایتدیکی انسانلره بر لکده طوپراقلر و طاغلر در . وطن جسم ، ملت روح در . ملت ، وطنه مقدمدر . ملتسز وطنلرک قیمتی یوقدر . جنوبی آمریکا ، یاقین زمانلره قدر ، هر درلو خزائن طبیعیه بی حائز ایکن ، قیمتسز ایدی ؛ چونکه اوروپاده اولدینی کبی اوراده انسان یوقدی ویا پک آزدی . لکن اوحوالیده نفوس تکثر ایدنجه ایکنجی آمریقا جانلاندی ! محاربه ، بزده ده ، بعض مملکتلرده

اولدینی کبی قادین ، ایتم و زراعت مسئله لرینی تازمه لندیردی . میزان اجتماعیده اُرککلر آزالدی ؛ قادین کفه سی آغیر باصدی . ملیونلرجه یتیم اورته ده طورییور . یتیم لر ، طوللردن ده ا زیاده مر حته لایقدر : اولاً ، طوللر صبی اولدقلرندن بالذات وبالفضل چالشمق قابلیتی حائزدرلر ؛ ثانیاً ، تکرار اولنه بیلرلر . چوجقلر ایسه اولاً ، چالیشه مازلر ، اهتمامه محتاجدرلر ؛ ثانیاً ، ازدواج والده لر ی قورتاردینی حالد ، بالعکس ، چوجقلری بر سقالتله ا قما ایدر .

زراعت ده ، محاربه طولایینسیله مسائل حیاتیه نك برنجیلری عدادینه کیرمشدرد . نفوس آزالدیغندن اقامه قانونی ماکنه یی انسانه خلف ایدیور . ایشته ، سابقاً ، مسائل خصوصیه دن عد ایدیلن قادین ، یتیم ، زراعت مسئله لر ی بوکون مصالح عامه نك الهمملری صر ه سنه کچمشدرد . یکی اجتماعیات ، یکی اقتصادیات ، یکی اصول اداره ، البته ، عقیب مصالحه ده ، پک جدی و فعال بر صورتده بو اوچ مسئله ایله اوغراشه جقدر . فقط مسائلک هر اوجی ، هر مملکتده آیری آیری مسائل تالیه و خصوصیه تولید ایدیور . هر دیارک رنك محلیسی واردر . بزمده قادین ، چوجق و زراعت مسئله لر من یالکنز بزی دوشوندیرمک تفرعاتی احتوا ایدم جکدر . بورساله نك قاذروسی بو صدد ی احتوا ایدم من . آیریجه تدقیقه سزادر .

مبارزهٔ حیات

دېونك ايجونه استحضارات

أوروپادن آمریقایه ایلک کلن مهاجر ، فی الواقع ، [قریستوف
قولومب] کشف ایتدی بوجهان فسیحده نهایتسز ثروت خزینهلری
بولمشدی . دره لر بر عتیقه کیلردن دها اوزون و دها کنیشدی .
اورمانلره بالطه طوقونما مشدی . معادنه آل سوروله مشدی . فقط
بوپایانسز اراضی ایشلتمک ، اومنابع اقتصادیه دن استفاده ایتک ایچون
کیجه لی کوندوزلی چالشمق مجبوری واردی . برده الکایی فتح ایله
قرمزی رنکلی هندیللری قوغمق لازمدی . مملکتک هیچ برنوع
تشکیلاتی اولمدیغدن فرد جمعیه استناد ایدمه مزدی . آمریقایه آياغنی
آتان اوروپالینک یکانه نصیر وظهیری کندیسندن بشقه بر کیمسه
اوله مازدی . ایلک آمریقالیلر عظیم کلفتلره گرفتار اولدیلر . چوق
چالیشدیلر ؛ یغما ایدمه جک قطعاته تصادف ایدمه مدیلر . مصائب متنوعیه ،
حادثات طبعیه یه ، هندیللره ، صوغوغه ، صیجاغه ، اوغورسز لقلره ،
حاصلی هر شیئه قارشو حرب ایتدیلر . صکره بونلرک بری بری آره سندمه

رقابت او یاندى. يکديگريله ده بر محاربه صلح پرورانه باشلادی. بوعالمده زور بازو سنه، دماغك ا کملته اعتمادی اوله میان سقوط ایدر. Struggle for life [ستراغل فور لایف]، مبارزه حیات، آمریقای اوروپالیدن، خصوصیه آسیالیدن پک بشقه بر صورتله استحضاراتده بولونمغه، ده اعملی، ده اجدی بر تربیه ایدنمکه جبر ایدر. اوروپانك، مبارزه حیاتده، اك اي عناصری آنغلو - صاقسونلر، جرمانلر اوسقاندینا ولردر. بوعناصرك آمریقایه هجرت ایدن اك متشبث، اك جسور، اك غیور، اك زیاده سرگذشت آرقه سنده قوشان نمودجلر. یدرکه شیمیدی آمریقان عرقك اس قویمنی تشکیل ایدیور.

بناء علیه بو طرز تربیه، بودرلو استحضارات حیاتیه آمریقالیلر ایچون جلیدر. چوق چالیشمق، مزاحم حیاتیه اقتحام ایتك قابلیتلی آمریقالینك فضائل فطریه سندنذر. آمریقان عملی بالطبعدر. بریکی دنیالی بزم وحی اوروپانك ترددلر مزه، غغنه پرستلکر مزه، تأئیمزه، حیثیه و یردیکمز یا کلش مغایه کولر. آمریقالی هنوز میراثیدی صایله ماز. غربده، [رانخو] دنیلن حیوان چفتلکرلنده.

بدریا در منافع بی شمارست
و کرخواهی سلامت در کناوست

مصدقجه فوائد لایعددر. فقط اونسته ده تهلکه چوقدر. دنیاده اك اذیتلی ایش، ظن ایدرم، Cow-boy اولمقدر. خصوصیه بوندن بر ربیع عصر اول [رانخو] حیاتی بر حرب دائمی ایدی. هندلیلمه خرسزله بیک درلو موانعه قارشی ملدی محافظه ایتك لازمدی. مسافهلر پک اوزاق، چفتلکر عادتاً بر قضا اراضیسی قدر بیوک

اولدیغندن حیوانات ضایع اولوردی. بونلری بولوب مرکزہ کتیرمک ایچون بعضاً ایکی آی [رانخو] ایچندہ حرب ایتک ، طولاشمق ، برچوق اذیتلرہ ، محرومیتلرہ کرفتار اولمق لازم کلیردی . ایشته نسل بویله کوچ برحیاته آلیشیر ایسه آرتق مهالک استقبالدن قورقماز و آندن صکرہ کلہ جک بطنلر قوتلی اولور .

آمریقاده یکانہ عمارت بر انسانک کندی جوهریدر . اوراده فردیوندن اولمق اقتضا ایدر .

أوروپاده وبالخاصه شرقده فرد اول باول عائله سنہ ، صکرہ جماعتنه ، درجہ ثالثہده حکومتہ استناد ایتمکدهدر . آمریقاده یکانہ استنادگاه بر آدمک کندی قابلیتدر . قابلیت اولمیان جلیز برنفر کی بو محاربهده دوشر . عائله اولادینی ، بعدالتحصیل ، سربست براقیر . اوچغه مقتدر اولان قوشلر کی ، بوین ، سن رشده بلوغلرنده ، چوجقلریغی اونوتورلر . دلیقانی تفنکنی آلیر ، صف حربہ کیرر ... ایشته چوجقلر بوفکر ایله بیوتیلور . بر أوروپالی چوجغه نسبتله بر آمریقالی چوججک قابلیت پک بارزدر : اون بر یاشنده بر آمریقالی چوجق هریره ، هر شهره یالکز کیده بیلیر . اوقیانوسی بیله آشار . هرتهلمکدن کندی کندیسنه قورتولور . بالذات وبالفعول ایشک ایچندن حیقہ بیلیمک ایچون ابوین اولادلرینه حریت کامله ویررلر . برأوروپالی آنا ، چوججک اوزرینه تترہر . آنی عادتاً پاموقلی قوطی ایچندہ بیوتور . حالبوکه بر آمریقالی والده هرکار وزارده چوججی سربست آلسدیرر . أوروپا وشرق عالمده برچوجق طوغار طوغماز سود آنانک ، دایه ویا لالانک ، صکرہ مکتب خواجه ویا مبصرینک ،

آندن صکرده قلم مدیرینک ، الی آخره ، تحت نظارتنده در .
 سربسب اوله جنی زمان . نعمت حریتدن استفاده نک یولنی بیلمز .
 آمریقاده ایسه چوجق حر در . مجرای حقیقی حیاته آتیلمش کبی
 کندی ایشنی کندی مسئولیتی آلتنده کورور ، صقیشیدینی وقت
 ابوینی ، ظهیر ونصیرلری آراماز . بو حکمتلره بناء در که آمریقاده
 مکتب مبارزه کاه حیاتک عیغیدر . بشقه بریلان اوزرینه پایلما مشدر .
 بر آمریقالی کنج مکتبدن چیقوب ساحه جدیه حیاته قدمهاده اولدینی
 وقت بریانجلیق ، بر عجمیلک خس ایتمز .

مکتب حیاتی ایله آندن صکره کی ایش حیاتک فرقی یوقدر .
 مکتب ایش کور یله جک یرک بر نمونه سیدر . بزده اولدینی کبی ، آمریقا
 مؤسسات تربیویه سنده ، بالا آخره لزومی اولیه جق فائده سز شیلر
 کوسترلمز . معناسنک بیلنمنسی لازم اولمیان مواد اوقوتیلماز . هرشی
 تطبیقات اوزرینه مؤسدر . فرانسه ده اولدینی کبی آمریقان مکاتبنده
 عندیات و فرضیاتک ، افکار مجرد نک ، آفاتیاتک یری یوقدر .

اوراده مکتبه کیرن بر مقصد نقدی ومادی ایله کیرر . بن شو
 سرمایه یی وضع ایدیورم چونکه شوفائده یی استحصال ایدم حکم یوللی
 پایلان تجاری برقیاس منطقی کبی ، آمریقالی چوجقده بن شودر سه
 دوام وشو مصرفی ایدم حکم چونکه آندن شونتیجه مادیه یی آلدایتمک
 قابلدر . کبی بر معادله قورار . پاره صرف ایدر . و آنک نمائی بکلر .
 اگر پاره سی یوق ایسه بر طرفدن چالیشیر ، دیگر طرفدن تحصیل
 وتریه چاره لرینی بولور . تعطیل مدتده اوشاقلق ، آشجلیق ، اوتل
 وره ستوران غارصونانی ایتمکدن اصلا چکنمز ، فقط ، بوسایه ده هم

کچنیر همده تحصیل ایدر . ظن ایدرم که بوتحصیل ایلہ بر میراثیدی
 بکک باباسنک خاطری ایچون کوردییی درسار بدینده فرق واردر .
 آمریقاده هیچ بر صنعت عیب دکلدر . دوشن تکرار قالقه بیلیمک
 ایچون هرایشی کورور . تحصیل ایچون ، هرچوجق ، ابوینی حائر
 اقتدار دکلسه ، اک خسیس ایشله بولاشیر . مشهور ضرب منلدر :
 II n'ya pas de sot métier; iIya de sottés gens. بناءً علیه اوراده .
 تحصیل بزده اولدینی کبی آماتور لکدن عبارت دکلدر . حیات کوچ
 اولدیغدن فرد بیلیر که علم و معارف اسلحه سی تدارک ایدیلہ منرسه
 مبارزده سقوط ایتک محققدر .

قیزلرده بویله بر تحصیل کورور . بتون قیزلرک ازدواج ایدہ جکئی
 کیمسه تأمین ایدہ من . بوسبیه مبنیدر که هر قیز کویا اولنیه جک و صوک
 کونه قدر بر آرکک کبی کندی حیاتی کندی قزانه جق تلقی ایدیلیر
 وبویله جه بر آرکک تربیه سی کورور . اودر جه ده که [پول دوروزیه]
 P. de Rousiers نک دیدیکی کبی بریبانجی آمریقاده آرکک وقادین
 طائفه لری آرمندہ فرق وارمی ؟ تردینه دوچار اوله بیلیر . قیزچو جقلری
 آرککلرله برابر تحصیل کورور وبوندن رذالت چیقماز . قیزلر سربست
 دولاشیر ، آرککلردن آیری بر حیات امرار ایتیز . اک متعصب قاتولیک
 رهبانی بیلہ بواصولک ، آمریقاده ، محاذیرینی کورمه مشلدر .

سعی و عملده ، تحصیل و تدریسده قادین ، آرکک مساویدر . مادام که
 بونلرده افراد بشریه در ، دماغ و قوله مالکدرلر ؛ اوحالده آنلرک
 حقوق مدنیہ جه ، وظائفه ، سعی و عملجه حق مساواتلری درکاردر .
 آمریقاده سربستی نسوانک ایکی ضمان قوی وقویمی واردر : برنجیسی

اخلاق ؛ ایکنجیسی محاکم . برأركك برقادینه ساتاشاماز . تربیه عامه بوکا مانعدر . الك بیوك جنایت نسابه تسلطدر . اوروپاده آرم صره تصادف اولونان جویق آمریقایلیر - که رذائلریله مشهوردرلر - عموم آمریقایلیر مقیس علیه اولماملیدر . برجیدیده اخلاق پك صقیدر . برچاقینجه پارسی آمریقاده جمعیك آفوروزینه دوچار اوله بیلیر . بوخصوصده محاکمه پك سرتدر . مجرمك درجه ثروتنه کوره تضمیناته حکم ایدر . برکنج قیزی اوین برکیمسه دن بیك ، آلتمش یاشنده برقادینك لب غیر شیرینته بر بوسه قوندوران بردیگرندن ایکی بیك دولار جزای نقدی آلمشدر .

نتیجه ، ارككلركده ، قیزلركده آلدقلى تربیه کندیلرینی مبارزه حیاته لایقلر ، مقدرلر مرتبه سنه اصعاد ایدیور . آمریقاده هرشیئ سربستدر . بونك یالكز بر مستثناسی واردر : اودیار مساعیده تبلك خصوصنده حریت یوقدر . تن پرور همان دوشر ، یووارلانیر ، هیچ برکیمسه آکا دست مظاهرتی اوزاتماز .

بوسی دائمی ، بومجبوریب عمل ، بومکلفیت مبارزه آمریقایلیده مسئولیت فکری تکامل ایتدیرمشدر . آمریقایلینك آتدینی هر برخطوه کندیسنك مسئولیت کامله سی آلتنده در . آدیمنی بیلهرك آتار ؛ آنك منافع ومضرتی بیلهرك ، دوشونهرك آتار . بونك نتیجه سی اولوق اوزره آمریقالی حیثیتی هرکسدن زیاده بیلیر . مرد ومتیندر .

اوروپاده اولدینی کی اوغل باباسنك اثرینه اقتفا ایتمز ، باباسنك تجارتی تمادی ایتدیرن آمریقا کنجلرینه آز تصادف اولنور . اوغل هر صنعتی تجربه ایدر . بناء علیه پدر ووالدهنك وفاتی ویا افلاسی آنی

تدهيش ايتمز . ذاتاً پدرك تحت وصايتنده بولونمق ، دائماً امر ديكلمك
 آمر يقاعزت نفسى ايله غير قابل استلا فدر . عننه آمر يقالينك منفوريدر .
 خلاصه ، برأركك چوجق باسندن يارديم وصحابت كورورسه
 ويا كورم بيليرسه فها . بوندن استفاده ايدر . كورمزرسه ويا فقير
 طوغارسه كنديسنى محكومين عدادنده تلقى ايتمز . كندى باشنه چيقوب
 زنكين اولمق چاره لرئى آرار . برقىز تأهل ايدرسه نه اعلا . يوقسه
 كنديسنى ابدى بر محكومنه عدايتمز . چاليشير ، چابالار و ذاتاً چاليشه
 بيلمك ايچون باللمه قابليتلى احراز ايتمشدر . أوروپانك برچوق
 يرلرنده ايسه زواللى قيز اولنه مديكندن طولايى متمادياً دوشونور ،
 قوروتقىلى زياده لشير . ايسته رى به ، نوراسته نى به اوغرار تجنن ايدر
 ويا ورم اولور . ذاتاً بعض ممالكده نسوان ايچون تأهلدن بشقه
 [قازير] يوقدر . قيزلرك تربيه سنده ، آمر يقاده ، - تعبير مز معذور
 كورولسون - حيوانينك محافظه و تقويه سنه باقيلير . چونكه اكثريا
 قيز اولنير ؛ اولنن نساذه چوجق طوغورور . بونك ايچون قيزلرك
 تربيه سنده بدنلرينك نشوونماسنه فوق العاده اعتنا اولونمشدر .

أرككلرده سپور = لهويات ايله وجودلرينى تقويه به راغبدرلر .
 سپور ، آمر يقاده انكلترده اولدينى كچي ، درجه قصواى كاله كمشدر .
 حتى بومشغله افراط بيله ايديلييور . آمر يقاده الكبيوك ايش سپوردر .
 عالم بونكه مشغولدر . مطبوعات صحائفده الك مهم مسئله ، الحق ، بودر .
 كيمسه به مجهول اولمدينى اوزره لهوياتك فوايدى حسابه كلز . انسان
 يالكيز روحدن عبارت اولمديغدن بدنكده تربيه سنى لازمدر . تربيه
 بدن انسانك قيمتى اعلا ايدر ، برچوق علل واسقامى اورته دن قالديرر

و یابونلره مانع اولور. ایشته بونک ایچون آمریقالی بلکه تربیه روحدن زیاده تربیه بدنه اهتمامکار اولمشد.

(استطراداً شوراسنی ده سویله لم که سپور آمریقاده افراطه کیمش و بر صنعت حاله کلمدر. سویلندیکه نظراً افراط لهویات قلبی یوریور و سپوردن بعض کیمسه لر فائده دکل ، مضرت کوریور لر . بزده ده سپورک افراطه اوغرا دلماسی جداً آرزو اولنور .)

ملککتک مدافعه سی نقطه نظرندن ده سپورک منافعی احصایه کلز . ایشته کرک قادینلرک ، کرک ارککلرک سپوره اولان فوق العاده رغبتلری آنلرک مبارزه حیاتده قیمتلرینی برقات دها آرتدیرمشد .

کوربوز، قوتلی ، قپ قرمزی ، اوغرا شمعقدن اوصانماز ، چالاک ، فعال ، آچیق کوز آمریقان نمود جنک تشککنده تمرینات بدنیه نک دخلی کلیدر . کرک تمرینات مذکوره ، کرک آمریقالنک کوچ و چوق مساعی به مجبور اولسی آمریکا حیاتنده شهوتک اهمیتنی پک زیاده ایندیرمشد . بر لاتین هر شیئده بر وسیله تذوق آزار . هر یرده قادیخی کورور . مصاللری و مباحثلری هپ قاینله طولودر . جالبوکه کوچ بر حیاته محکوم اولان وقوای بدنیه سنی سپوره صرف ایدن آمریقالی دماغنی خیالات نسائیله یورماز . بو ، کندیسینجه ، اوچونجی و بلکه ده دردنجی درجه اهمیتده در . ذاتاً قادینلرک سربستی تامی ده بوکادالات ایدر . یوقسه آمریقاده کی رجالده لاتینلر کی بر مزاج شهوانیده اولسه لر ایدی ، اوراده ازادی نسنا اوزرینه مؤسس اخلاق دیکیش طوتدیره مازدی .

[قانفرت] Confort اسباب استراحت و رفاهیت آمریقالنک

حوائجی آره سنده برنجیسی تشکیل ایدر. آندن صکره اکلنجه کلیر که
آنکده اک مهمی سپوردر. تیاترو، اوپهرا، مزاح کبی لعیاتک
درجه سی دها آشاغیدر. هله بدایع و نقائس پرستی هر حالده بیوک
بر احتیاج دکلدر. قادینده بو احتیاجاتک آردندن کلیر.

بو اعتبار ایله بر فرانسز و آمریقایی ایکی ضد کاملدر.

اینجه تلذذ، حتی اینجه مباحث، نساآت، نکات آمریقایی
طرز تربیه سنجه پک او قدر معلوم دکلدر. اکلنجه پک علنی و بارز
اولمی، کوزه ویا حواسه باطمینی، بیبرلی، خردللی اولمی! دائماً
تنوع ایتلی. بو نقطه نظر دن باقیلیرسه برأوروپاییه نسبتله حکومت
متحدّه اها لیسندن بری خیلی قابادر.


تربیه و مبارزه حیات ایجاباتندن اوله رق آمریقایی بریده چویلنوب
قالماز. آنک ایچون بر جدیدده (قاریئر) یوقدر. هیچ بر فرد،
الی الابد قالمق اوزره بر مسلکه کیرمز. مثلاً برکنج بانکه مستخدملی
ایله ایشه باشلار. برآز پاره ایدینیر ایدنمز بر دکان آچار. صکره
غزته جلیق ایدر. طرف و تقریبی بولورسه بر سپه کولاسیون یاپار.
پاره قزانیر قزانماز بر سندیکا تشکیل ایدر. و آنجق میلیونز اولونجه
سیاسیاته اوغراشیر! پاره! پاره! پاره! ایشه بو محبوبه بی
آله کچیرمک ایچون، آمریقایی، آنک کچه جکی هر یوله کیرر. بش
دفعه میلیونز اولور، بش دفعه ده افلاس ایدر.


بر قوماندان خصمی مغلوب ایتمک ایچون هر درلو اسبابه توسل
ایده جکی کبی، بر آمریقایی ده هر نه واسطه ایله اولورسه اولسون
چالیشیر، پاره قزانیر. بر ایش پاره کتیر مزسه آمریقایی آنی ترکه
بیوک براستعجال کوسترر. ایش واسطه در، غایه دکلدر. پیر عشقی

ایچون برمسلكه گیرلز . قوری قوری یه برمسلك ویا صنعت سهوینز .
هانکی ایش دها زیاده منفعت تأمین ایدرسه الایسی اودر . اوروپاده
ایسه علی الاکثر [قاریئر] واردر . مثلاً فرانسه ده برچوجق نه وقت
مکتبدن چیه جغنی بیلدیکی کبی حیانتک هانکی سنه لرند هانکی
معاشاته ، نه کبی نشان و عنوانلره مظهر اوله جغنی اولدن کسیدرر .
آمریقاده بویوقدر . معرکه حیات آچیق و فسیح بر میداند . اورایه
هانکی نقطه دن کیرمک دها مائده لی ایسه اورادن کیریلور . بناءً علیه
تربیه عمومیه ده مطاع اولان قانون Laisser faire دن بشقه بر شیء
دکدر . اوروپالی ایله آمریقالی طرز تربیه سی آمریقاده پک غریب
بر نقطه تصادم و تناقض بولور : اوروپادن یکی کلن مهاجرین پک
کوجلکله حیاتلری قزانه بیلیمکده درلر . حالبوکه آنلرک اولادی دها
قولایلقله ایشلرنده موفق اولورلر . وبلکه ده زنکین و ملیونر موقعلرینه
چیقورلر . چونکه بابالر آمریقا تربیه سی کورمه مشلر ، حالبوکه
چوجقلر یکی دنیاده طوغوب اورانک عادات و اخلاقی ، طرز
مساعیسی ، خلاصه تربیه سی آملر درر . شو مقاله نك زمیننی تشکیل
ایدن آمریقالی انموذجی جریان دهور وایام ایله آزاله جقدر . ثروت
ایکجه بطنی بر آاز میراث یدی ایده جکدر . بناءً علیه بوندن صکره
او شدتلی آمریقا مساعیسنه شرقده دکل ، غربده ، اطلاسی سواحلنده
دکل ، اوقیانوس معتدل حوضه لرند تصادف ایتمک ممکن اوله جقدر .
فی الواقع نیویورقده ، شیکاغوده ، یکی اورلئانده ، فیلادلفیاده بر آاز
« اوروپاللیق » ، آزاجق « فرانسزلق » باشلامدی دینه منر .
کله لم بو طرز تحصیل و تربیه نك ، مبارزه حیاته بو صورتله حاضر لئمه نك
یزده و اوروپاده امکان تقلیدینه :

آمریقانک طرز کشفندن طو توبده اسلوب حیاتی ، اقلیمنی ،
 تشکلات ارضیه سنی تدقیق ایده جک اولور سهق کورورز که آنکله
 آره مزده عاملر واردر . بناء علیه ، مثلا ، آمریقا ده کی حریت نسانک
 دکل بزده ، اوروپاده بيله قویه ایلمسی رذالتلری ، جایتلری انتاج ایدر .
 بونکله برابر آمریقا طرز تحصیل و تربیه سنده بزم ایچون اقتباس
 ایدیله جک بر چوق نقطه لر بولنمده در عملیات عالنده آمریقا درجه
 کاله وارمشر .

سپورده ده ایله . آمریقالی وقتی سقلاستیق ایله هبا ایده مری .
 اوراده هر شیء ک صوک مرتبه عملیه سنده ارجاع اولونمشر . بز
 واوروپالیر مکتبلر مزده هیچ بر فائده ماده و معنویه یی انتاج ایتمیان
 مواد ایله اوغراشدیفمز بر زمانده قولومبیانک مثلا حقوق قسمنده
 طلاقک جهت عملیه سی موضوع بحث اولور . آنک ایچون آمریقانک
 طرز مساعیسی ، خصوصیه عملیه کنی ، فعالیتنی تقلید ایله تربیه
 عمومیه مری یکی اساساته ربط ایده بیلیرز . آمریقا تربیه مسائنده
 هریری کچمشر . بونک اک قوتلی دلیلی اوتربیه یی کورن آمریقایلرک
 عالم مادیانده اوروپالیر غلبه ایتمه لیدر . اوحالده ، بوتربیه دن چوق
 استفاده ایده جکمز نقطه لر واردر . [پول بورژه] نک دیدیکی کبی
 خسته لر جکرلرینه بر آرز تمیز هوا ویرمک ایچون طاغله ، لطیف
 اقلیمله کیدرلر ؛ اوروپالیر ایسه عزم و ارادتلرینی تربیه ایچون
 برقچ هفته آمریقایه کیتیلیدرلر . بزترکرده عالم مساعیده کی درجه مری
 آکلامق ایچون آمریقا اصولاتی تدقیق ایتملیز . تا که آنلری
 بالا آخره اقتباس ایده بیللم . [ا . ع . م .]





3 1761 07862266 9

İleri, Celâl Nuri
Harbden sonra

HN

613

I44